

Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1119 4°








Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1119 4°





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1119 4°



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1119 4°




1. - 149.

32


LN 1119

M









PI  
D.  
ARF  
GI

Oſeæ  
PROPHETIA:  
D. IACOBI MATTHIÆ  
ARHVSIIENSIS, S. S. THEOLO-  
GIAE DOCTORIS ET PROFESSORIS  
in Regia Academia Hafnien-  
ſi, Prelectionibus il-  
luſtrata.

N V N C  
*Opera & ſtudio Heredum  
edita.*



BASILEÆ,  
PER SEBASTIANVM  
HENRICPETRI.



SE  
TI  
NO  
WILL  
WIND



cet &  
Matth  
prof  
gnac  
auide  
terem  
reliq  
etian  
tica  
verti  
lijs m



SERENISSIMO AC POTEN-  
TISSIMO PRINCIPI AC DOMI-  
NO, DOMINO CHRISTIANO, EIVS NOMI-  
nis IIII. Danorum, Noruagianorum, Vandalorum Got-  
torumq<sup>3</sup>, El. Regi, Duci Slesuigæ, Holsatiae, Stormariae &  
Ditmarisiae, Comiti Oldenburgensi & Del-  
menhorstensi, Domino suo  
clementissimo.



D I D I M V S superiori an-  
no, Serenissime Rex, Domine  
Clementiss. commentaria in  
Ecclesiasten, Ioëlem, & alia  
nonnulla, de Tropis videli-  
cet & Concionandi ratione, quæ D. Iacobus  
Matthiæ, p. m. S. S. Theologiæ Doctor &  
professor in hac T. Maiest. Academia, ma-  
gnacū laude, publicè proposuerat: ea cum  
auidè à multis iā coëmi & legi animaduer-  
teremus: è re discētium fore iudicauimus, si  
reliqua ab ipso scripta & apud nos reposita,  
etiam foràs darentur, piaculum esse arbitra-  
tiea in propriam nostram vtilitatem con-  
uertere & tandem neglecta suppressi, quæ a-  
lijs magno olim vsui esse possent. Emittere

A 2 mus



P R Æ F A T I O .

mus itaque hoc tempore commentaria in  
Oseam, cui primum inter Prophetas mino-  
res locum assignant: Sunt quidem ea ad-  
modum breuia: sed ad Prophetæ sensum  
intelligendum, ferè sufficiētia: è textus enim  
explicatione Grammatica & Logica is opti-  
mè eruitur: potuerat autor latius Prophe-  
tam ipsum explicasse, & locos communes  
subinde extruxisse, sed illam docendi ratio-  
nem auditoribus non vsque adeò vtilem  
esse iudicabat: nā aliud est ex concione po-  
pulum docere: aliud autem in scholis audi-  
toribus aliquid proponere & explicare. Illa  
enim in quibus digressiones longiores fiūt,  
studiosos persæpè a sacrorum librorum le-  
ctione auocant, quo diuina oracula, cū  
veteris tum noui Testamēti, nos remittunt.  
Ne discedito, inquit Iehoua ad Iosua, li-  
ber iste legis ex ore tuo, sed meditare de eo  
interdiu & noctu & obseruāter facias, om-  
nino prout scriptum est in eo, tunc enim  
prosperaberis in vijs tuis, & tunc secunda-  
beris: & filius Dei apud Iohannem ait: Scruta-  
mini



# P R Æ F A T I O.

tamini Scripturas, quia vos videmini vobis in ipsis vitam æternam habere, & illæ sunt quæ testificantur de me. Sed ad Oseam redeamus. Dirigit Propheta orationem ad populum Isræliticum & etiam ad Iudæos, qui à vero Deo ad cultus idololatricos delapsi multis sceleribus se polluerant, quibus gravissimè eadem ante oculos ponit: & Propheta ipse Dei partes agit, vxor autem illa adultera, populus est. Vt enim variè afficitur maritus in vxorem adulteram, nunc de reiectione, nunc de ipsa in gratiam recipienda cogitans & variè secum disputans: ita Deus clemens, benignus & multum misericors, variè cum populo Isrælitico agit, & quamvis gravissimè ad iram & indignationem eum commouerit: tamen si vitæ studia emendaret & à cultu idololatrico ad verum & legitimum Dei cultū rediret, nō solū spiritualia beneficia, sed etiam corporalia abundè promittit. In hac itaque concione exardescit Propheta & nunc exilia & alias calamitates minatur: mox Dei

A 3 benigni-



P R Æ F A T I O .

benignitatem & clementiam proclamat: tota ergò ipsius Prophetæ cōcio est de peccatis, poenis peccatorum, & rursus de gratia Dei qui resipiscentes nequaquam reijcit, sed benignè admittit & clementer recipit. Verùm cum nostrarum partium non sit prolixius hac de re differere, sed eorum qui hæc ex professo tractant, consilij nostri rationē, quare Majest. T. hypomnemata hæc inscripserimus, breuissimè subiungemus, quam T. Majest. clementer suscepturam nequaquam diffidimus: inprimis autem hæc T. Majest. deberi iudicauimus cum in tua Academia proposita sint, quam maiores tui, sanctiss. memoriæ, Reges, fundarunt, & paulò post ob bella & rerū vicissitudinem, ferè collapsam, Auus T. M. paternus, Christianus III. Princeps omni laude cumulatifsimus, de nouo q. crexit: cui postea superioribus annis ab illustrissimo parente tuo S. M. magna stipendiorum accessio facta est. Vt, inquam T. M. non paucos in Academia proximis annis cum laude iuuentutem docuisse,



P R Æ F A T I O.

cuisse, & etiam nū in eodem feruore perfistere, cognoscat, censuimus hęc T. M. inscribenda esse. Adhęc vt nos aliqualem grati animi significationē erga T. M. auctoris, p. m. nomine declararemus cū id ipsi fatales Parcæ non concesserint. Regio enim stipendio aliquot ipse annis in Germania, diuersis in locis, vixit, vbi viros vitę integritate & doctrina clarissimos, studiose audiuit. Demū vt nos etiam horum librorum editione nostrum erga demortuum officium T. M. probaremus, qui non passi sumus ea intermori, quæ si ipse vixisset, felicius & edi & viuere potuisset. Quibus igitur possumus precibus à Regia tua Ma. etiam atque etiam subiectissimè contendimus, vt hos nostros labores & audaciā in fratris & affinis nostri lucubrationibus edēdis & T. M. offerendis clementer suscipere velit: quod si fecerit ad alia edenda paratiores & alacriores reddemur. Deus opt. Max. Rex Regum & Dominus dominatium Regiam T. M. nobis quā diutissimè saluam & incolumem benignè confer-



P R A E F A T I O.

conseruet, & ita Regijs virtutibus abundè  
adornet & cumulet, vt per T. M. hæc Se-  
ptentrionis regna longè lateque floreat,  
& dulcissima pace & vera religione, in Dei  
gloriam & subditorum tuorum salutem &  
vtilitatem, peroptatò fruantur. Hafniæ xv.  
Martij Anno Iesu Christi cld lo xc.

R. T. Maieſt.

*Subiectiſſ.*

ANDREAS LYMVICVS  
Medic. Profeſſ.

P R A E F A -



I  
P R A E F A T I O  
I N  
H O S E A M P R O P H E T A M.

**C**um ante ferias psalmi 119. interpretationem absoluerimus, & nunc aliud Scripturae Argumentum in manus sumendum sit, deinceps Hoseam Prophetam, qui est e minoribus Prophetis primus, interpretabimur: Primum igitur Deum oro toto pectore, ut Spiritu suo sancto prophetiae & Scripturae omnis Autore, mentes nostras illuminet, nosque regat & gubernet: ut hac sacrosancta oracula & sapientia caelestis mysteria recte intelligamus, & intellecta ad usum in tota vita transferamus, in gloriam nominis diuini & edificationem atque salutem nostram. Amen.

Quia autem nunc primum scripta prophetica attingimus, primum generalia quaedam, quae ad omnes Prophetas ex aequo spectent, praemittenda esse videntur.

Erunt autem haec.

PRIMUM. Testimonia Christi & Apostolorum quae lectionem Scriptorum prophetarum, & veteris instrumenti totius nobis commendent.

SECUNDUM. Qui fuerint in veteri Testamento Prophetae dicti: Et quodnam eorum officium fuerit.

TERTIUM. De difficultatibus & periculis Prophetarum: eorumque patientia & constantia.

QUARTUM. De scriptis & concionibus prophetarum.

D E P R I M O.

**E**t si filius Dei & Apostoli diuina mysteria & Moyses atque Prophetarum oracula abunde interpretati sunt: Ta-

B      men



## 2 IN HOSEAM PROPHETAM,

men non auocant nos ab eorum lectione, sed potius eam nobis magnoperè commendant, & eò nos tanquam ad suarum concionũ fontes & fundamenta ablegant, ut multis Christi & Apostolorum testimonijs probari possit: è quibus nos pauca in presentia delibabimus.

Matth. 5. v. 17. Ne existimetis, inquit Christus, me venisse ut dissoluam Legem & Prophetas, imò non ut dissoluam, sed ut compleam.

Luc. 16. v. 29. Habent Moſen & Prophetas, illos audiāt.

Luc. 24. v. 25. O amentes & tardi corde ad credendum omnibus quæ loquuti sunt Propheta.

Act. 10. v. 43. huic omnes Propheta testimonium perhibent, remissionem peccatorum accepturum per nomen eius quisquis crediderit in eum.

Act. 17. v. 11. Laudantur Beerenſes, quòd quotidie scrutarentur Scripturas, an ea se ita haberent quæ à Paulo dicerentur.

Act. 26. v. 22. Nihil aliud dico (inquit Paulus ad Agrippam) quàm ea quæ Propheta & Moſes prædixerant futura.

Ad Rom. 3. v. 21. Nunc autem iusticia Dei absq. lege patefacta est, testimonium habens à lege & Prophetis.

Ad Ephe. 2. v. 20. Superstructi super fundamentum Apostolorum & Prophetarum, cuius imus angularis lapis est ipse Iesus Christus.

Et 2. Pet. 1. v. 19. Habemus firmiorem sermonem propheticum, cui dum attenditis velut lucerna lucenti in loco caliginoso rectè facitis, donec dies illucescat, & Lucifer oriatur in cordibus vestris, illud primum statuentes nullam Prophetiam Scripturæ esse priuata interpretationis: Non enim voluntate hominis allata est olim prophetia, sed à Spiritu sancto impulsus, loquuti sunt sancti Dei homines.

Scripta



## P R Æ F A T I O. 3

Scripta igitur prophetica ut oracula diuina à Christo & Apostolis nobis commendata, diligenter legēda & cognoscenda sunt, ut & fidem nostram inde confirmemus, & mores nostros emendemus: & non solum præcepta viuendi, sed etiam materiam & exemplum docendi inde petamus.

## D E S E C V N D O.

Qui fuerint in veteri Testamento Prophetæ dicti?

**P**rophetæ in veteri Testamento dicti sunt Doctores immediate à Deo vocati, ad repurgandam doctrinam, & præcipue ad illustrandam promissionem de Messia, & ad publicas calamitates & mutationes regni Iudaici, & imperiorum, & Ecclesiæ liberationes prædicendas, & ad aliqua politica consilia. Et sunt ornatî testimonio miraculorum, ut certum esset doctrinam eorum diuinam esse, & eos non errare in doctrina, quia Deus de ea testificabatur.

Dicti sunt autem Prophetæ ab vna officij parte, nempe futuris prædicendis. Vox enim prophetæ à προφήτης: id est, prædico, est: quæ vox non ab interpretibus Græcis facta est, sed ex usu linguæ Græcæ sumpta.

Habuerunt enim & Ethnici suos prophetas: Et si alius eorum fuerit ενθουσιασµός, quàm horum Prophetarum. Veteres inquit Festus Antistites Fanorū, oraculorumq; Interpretes, prophetas dicebant. Vnde apud Eschylum in septem ad Thebas de Amphiarao vate dicitur:

σὺ φωνῶν, δίκαιός, ἀγαθός, ὁσεὶς αἰὶν,

Μέγας προφήτης.

Honestus, iustus, bonus, pius vir,

Magnus Prophetæ.

Et Paulus ad Titum 1. v. 12. Epimenidem philosophum Poëtam & vatem Ethnicum, prophetam appellat.

B 2 Hebra-



#### 4 IN HOSEAM PROPHETAM,

Hebraicè Prophetā *נביא* appellatur: Et *חזיה* videns, quæ appellatio vetustior fuit: ut est 1. Samuel 5. v. 9. Qui hodie inquit Samuel *נביא*: id est propheta, is olim *חזיה*: id est, appellabatur. unde & prophetia *חזיון*: id est visio, dicta est.

Appella-  
tur &  
*נביא*

Quòdnam fuerit officium propheticum?

Officium propheticum duplex fuit, commune & proprium. Commune cum alijs doctoribus Ecclesiæ fuit: docere, & doctrina sua Ministerio Euangelij Ecclesiam Deo in genere humano colligere. Functio igitur & doctrina prophetica in genere eadem fuit, quæ Apostolorum, & omnium Doctorum in Ecclesiā, nempe doctrina legis & Euangelij: his enim duobus tanquam capitibus summa totius doctrinæ Ecclesiæ est comprehensa, & ad hæc eadem duo capita omnium Prophetarum & Apostolorum, & aliorum doctorum conciones referri possunt, & debent. Quod ipsi Propheta interdum etiam innuunt, & docent. ut Ieremia, 1. v. 9. & 10. Et Ezechiel. 13. v. 22.

Ad mate-  
riam Con-  
cionum  
infra.

¶ Duo igitur sunt capita & quasi cardines concionum propheticarum, nempe concio legis: id est, reprehensio, accusatio, obiurgatio, concio iræ & iustitiæ diuinæ, & pœnarum comminatio: Deinde concio Euangelij: id est, consolatio, concio veniæ, gratiæ & misericordiæ, & promissio remissionis peccatorum propter Christum.

Et hæc duo capita ita perpetuò inter se coniungunt aut miscent Propheta, ut nulla ferè sit concio ad populum Dei, in qua non utriusque fiat mentio: ut ita & securitati & desperationi pariter occurrant, ne ex perpetua gratiæ concione occasionem securitatis hypocritæ arripiant, aut ex perpetua iræ & iustitiæ concione imbecilles in desperationem adigantur. Sicut enim Samaritanus in vulnera viatoris sauciij vinum & oleum simul infudit: ita utraq, doctrina, iræ & misericordiæ, seu Legis & Euangelij, ad vulnera animorum nostro-



noſtrorum ſanāda, pariter neceſſaria eſt, & prudenter adhibenda.

Hoc igitur officium propheticum commune eſt. Sed hoc habebant peculiare hi Doctores: primū quod eſſent legis Moſaica praecoſes, cuſtodes, & interpretes ſummi, quam nō tantū Regibus, & populo, ſed etiam iſis ſacerdotibus inculcarent, & operam darent ne quid in doctrina, religione, & ſtatu Eccleſia, et Reip. cōtra legem Moſi mutaretur, aut innouaretur: aut ſi quid mutatum eſſet, corrigeretur: unde toties apud prophetas legis mentio ſit. ut Eſaia 8. v. 20. Ad legem & ad teſtimonium. Ieremia 9. & 13. Eò quod dereliquerit legem meam. Et Malach. 4. v. 4. diſerte inquit. Mementote legis Moſi ſerui mei.

In primis autem propheta Idololatriam & ritus ethnicos contra primam legis Moſaicae tabulam inuectos reprehendunt & accuſant: quanquam etiam non negligant peccata contra tabulam ſecundam.

Erant igitur propheta νομοφύλακες, legis cuſtodes & νομοδιδάσκαλοι: id eſt, legis Doctores & Interpretes, ut ſi quid perperam in lege intelligeretur, id recte interpretarentur. Verbi gratia. Populus bellè ſe functum officio exiſtimabat, cū victimas immolaret, & ritus externos obſervaret, de officijs charitatis & humanitatis parum ſolicitus. Propheta contra, clamant legem non recte intelligi, nihil eſſe omnes ceremonias, cū abeſt animi ſinceritas, pietas, & charitas.

Primum igitur officium peculiare propheticum fuit, Reges, Sacerdotes, & populum in obedientia legis Moſaica cōtinere, legis auctoritatem tueri, eamq; perſpicue & copioſe interpretari. Vnde & præſantiſſimi Propheta eo maxime loco & tempore in Iudaea excitati ſunt, quo maxime lex Moſaica neglecta & contempta fuit, ut in impio & idololatriæ regno Iſraelis.

B 3      Secun-



6 IN HOSEAM PROPHETAM,

Secundum officium fuit, promissionem in lege Mosi de Messia vëturo factam, repetere, illustrare, & certis circumstantijs definire, eaq; & sese & populum cōfirmare, & consolari.

Cum enim Messias promissus esset qui ex ea gente nasceretur, non potuit Ecclesia in ea gente penitus deleri aut dissipari, antequam venisset Messias.

Tertium officium deniq; fuit pœnas & liberationes speciales & singulares prædicare, & digito quasi monstrare: habebant enim visiones sibi proprias, quibus futura ipsis reuelabat Dominus, ut promissa & minas legis ad populi usum applicarent, priusquam de voluntate Dei testificarentur.

Minatur Moses Deut. 28. & alibi bellum, famem, pestẽ, & alias calamitates in genere, ijs qui legem non obseruent, cum his minis propheta certas addunt circumstantias, & bellum minantur certo tempore, ab Assyrijs, Aegyptijs, aut alijs. Dominus per Mosē promittit se populum in extremas orbis terræ partes disiectum, rursum collecturum esse: huic promissioni propheta circumstantias addunt. Quamuis (inquiunt) in Babylonẽ disiectus fueris, tamen post annos septuaginta reuerteris. Atque hîc priuatim prædictio certarũ calamitatũ Hebraicè *אָנָה*: id est, onus, à Prophetis dicitur. ut Esaie 13. v. 1. Onus Babylonis, & passim alibi.

Quod autem ad publicarum calamitatum prædictiones, interdum etiam liberationes pertinet: nō solum Iudeis, sed etiam Gentibus, alijsq; regnis & imperijs vaticinabantur propheta, idq; maxime ad pios, qui vel domi in Iudea essent, vel in alijs regnis versarentur, consolandos & monendos, ut moniti rectius sibi & rebus suis consulerent, tum ad impiorum & hostium Ecclesiæ superbiam retundendam. Postremo ut etiam Gentes admonerentur in regno Iudaico veros esse prophetas, ac proinde etiam veram religionem:

Atq;



# P R A E F A T I O .

7

Atq, ita gentes ad vera Ecclesia societatem, & veri Dei agnitionem & cultum inuitarentur. Vnde Ieremia 28. v. 9. dicitur: Propheta qui fuerunt ante me, & antete, à seculo, prophetauerunt super terras multas & regna magna, de bello, afflictione & peste: id est, publicas gentium multarum & regnorum calamitates prädixerunt. ¶ Cuius rei exempla extant apud Esaiam à capit. 13. ad cap. 24. vsq, contra Assyrios, Aegyptios, & alias gentes multas. ubi cap. 23. Tyri urbis non tantum excidium & vastatio, sed etiam post annos quadraginta restitutio praedicitur. Sic Ionas & Nahum Niniuitis concionati sunt, & Iona quidem concio ipsis salutaris fuit. Daniel verò maximorum imperiorum mutationes praedixit.

Propheta igitur non suis tantum, sed etiam exteris vaticinabantur. Atq, in his prophetijs quasi peregrinis, dignum consideratione est, quam fuerint Propheta, non solum domesticarum, sed etiam peregrinarum rerum periti. In ijs enim Prophetijs plurima mentio est, & accurata saepe descriptio, non tantum gentium, regionum, urbium, sed etiam morum gentis cuiusq, studiorum, consiliorum, mercimoniorum, armorum, & rerum priuatarum, & publicarum: ut cum a libi passim, tum cap. 27. Ezechielis apparet. Vnde & nobis experientia, & historia studium commendatur.

Quoniam itaq, de rebus futuris maximè quae ad statum & salutem Ecclesiae & Reipub. spectarent, & de voluntate Dei certas reuelationes haberent propheta: itaq, etiam non tantum priuatim, sed etiam publice de rebus multis suscipiendis & gerendis consulebantur: vel etiam sua sponte à Deo iussu consilium dabant. Itaque sua sapientia & auctoritate aliqua consilia politica gubernarunt. ¶ Sic Esaias sub Ahas & Ezechia regibus monet non esse faciendam deditionem urbis, & suos confirmat, & auxilium à Deo promittit.



# 8 IN HOSEAM PROPHETAM,

mittit. Ieremias cōtrā Zedechiæ regi & principibus suadet, ut se & urbem Babylonys dedāt, quod nisi faciant, urbem tamen ab hostibus capiendam, & eos in hostium potestatem venturos, atq; ita deteriorem ipsorum conditionem futurā. Sic idem Ieremias ca. 27. multis regibus Iudææ vicinis, vincula mittit, & eos admonet & hortatur ut se spontē Babylonys dedant.

Ut autem in toto hoc prophetarum officio, ita in tertia officij parte maximè, singularis apparet Dei erga populum suum clementia & indulgentia. Primum enim Prophetas eiusmodi populo suo dare voluit, ne conqueri populus posset si prophetas non habuisset, quos in rebus dubijs & obscuris consulere posset suam conditionem, aliarum gentium conditione deteriorem esse. Aliæ enim gentes ferè omnes suos habebant Prophetas, suos vates, suos aruspices, suos ariolos, suos coniectores, suos magos & Chaldaeos, quos Dominus in suo populo esse, aut à suis consuli vetuit. Atq; hinc populus indomitus & perucax occasionem sumere potuisset, à lege Mosaica, ad ritus ethnicos deficiendi, cui incommodo ut occurreret Deus, Prophetas populo dedit. Deinde ideo etiam hos dedit, ne populus conqueri posset se non præmonitum calamitatibus obrui.

Et si enim satis erat scire contumacibus pœnas metuendas esse, Tamen Deus pro singulari sua clementia specialiter suos præmoneri per Prophetas voluit. unde Amos 3. v. 7. dicitur: Non faciet Dominus quicquam, nisi reuelauerit secretum suum servis suis Prophetis.

Tertium igitur propheticum officium & ad gentes se extrudebat, & politicum ex parte fuit, & singularis clementiæ diuinæ argumentum. Atq; hæc de officio prophetico dicta sunt.

TER-



# PRÆFATIO.

9

## TERTIVM.

De difficultatibus & periculis Prophetarum, eorumq;  
patientia & constantia.

**E**tsi officium Propheticum augustissimum & planè di-  
uinum fuit, adeoq; Ecclesiæ & Reip. longè utilissimum,  
tamen prophetis ipsis graue, molestum & periculosum  
fuit.

Cùm enim non tantum promissiones gratiæ & misericor-  
diæ diuinæ proponerent, & lata prædicarent, sed etiam pec-  
cata & peccantes reprehenderent & accusarent, ipsq; certas  
pœnas prædicerent, concio ea multis parum grata fuit.

In primis autem res ipsis erat cum regibus, proceribus, &  
Sacerdotibus. horum enim culpa præcipuè lex Mosis (cuius  
custodes erant Prophetæ) publicè negligebatur, & peccata  
omnis generis contra eam committebantur impune, maxi-  
mè verò religio ethnica in Ecclesiam introducebatur. Po-  
pulus enim principum & sacerdotum auctoritatem, religio-  
nem, mores, & opiniones, velut naui tempestatem & ven-  
tos sequitur. Vnde cum principibus præcipuè rixari coacti  
sunt Prophetæ. Sic vir Dei Ieroboam qui primus vitulorū  
cultum in regno Israëlítico instituit, grauiter reprehendit.  
3. Reg. 13. Sic Elias Achabum, qui primus cultum Baalim  
inuexit in regnum Israëliticum grauissimè obiurgat.

Deinde reges Indæici & Israëlitici sæpè stulta cupiditate  
bella non necessaria mouebant, aut illata sibi profligare, vel  
Deo inuito conabantur. Hic etiam cum Prophetæ, eorum  
stultis & nihil profuturis conatibus & consilijs aduersaren-  
tur, & vel bella dissuaderent, vel deditiones suaderent, hac  
etiam in parte grauiter sæpè reges offenderunt: Sicut Mi-  
cheas Achabum, (de quo Achab inquit) odi eum quia nō va-  
ticinatur mihi bonum, sed semper malum.

C His



10 IN HOSEAM PROPHETAM,

*Huius igitur de causis fiebat, ut non tantum populi, sed etiam regum & sacerdotum odia incurrerent: Ac proinde saepe & ipsi, & conciones & praedictiones & consilia ipsorum prorsus a regibus & populo contemnebantur. Vnde Ioachim rex librum Ieremiae in ignem coniecit, Ieremiae 36. ver. 23. Et ipsi Prophetae ut senes, deliri, insani & arreptitij deridebantur. ut 3. Reg. 9. v. 10. apparet. Et Prophetiae ipsorum ludibrij causa decantabantur. ut Ezechiel. 33. v. 31. & 32. innuere videtur: & in proueria conuertebantur. ut Ezechiel. 12. v. 22. apparet.*

*Præterea non solum contemnebantur & ridebantur, sed etiam verum loqui prohibebantur. ut Esaia 30. v. 10. apparet: & si non tacerent, publice ut heretici seditiosi & proditores patriæ accusabantur, in carcerem compingebantur. ut accidit Michea. 3. Reg. 22. vers. 27. & Ieremia, Ieremiae 26. & 37. cap. Sæpe etiam interficiebantur, ut accidit Vriae Prophetae. Ieremiae 26. Quod & Esaia, & Ieremia accidisse etiam scribunt.*

*Præterea hanc muneris prophetici difficultatem augebant pseudoprophetae, qui acerrimi verorum Prophetarum aduersarij & hostes capitales erant. Hi enim ad aucupandam gratiam regum, & quæstum captandum, ut Michea 3. v. 11. dicitur: Peccata principum & populi excusabant, & extenuabant, & lata semper prædixerunt. ac proinde Prophetarum verorum peccata accusantium, pœnas conniuentium, & tristitia prædicentium auctoritatem elenabant, & ut id efficacius facerent, auctoritatem diuinam suis mendacijs prætexebant, & falsas reuelationes comminiscabantur. Horum autem magnus saepe numerus erat, qui vnum aut alterum prophetam Dei oppugnarent. Vt vni Michea quadringenti aduersantur, quorum princeps Zedechias Micheam Prophetam Dei, regibus etiam presentibus, pugna-*  
*cadit.*



cadit. 3. Reg. 22. v. 24. Postremò triste fuit, tam diu cum populo pertinaci & regibus impijs nullo aut exiguo cum fru-  
ctur rixari: tam diu videre & ferre cecitatem, peruatiam,  
& petulantiam suorum, & tandem non solum prauidere,  
sed etiam videre Patriæ & Ecclesiæ vastitatem, captiuita-  
tem, & exilia.

Hæ igitur magnæ erant difficultates, quæ & absterrebant  
Prophetas ab hoc munere, & causa fuerunt cur Prophetæ  
hoc munus magnopere formidarent & deprecarentur: ut  
apparet, Esaïæ 6. v. 5. & Ieremiæ v. 6. 8. & 17. Et Ezechiel.  
cap. 2. v. 8. Ne sis, inquit Dominus, rebellis, aperi os tuum &  
comede. Et Amos 3. v. 8. Et Moses ipse dux chori prophetici  
grauiter tergiversatur, & sese excusare conatur. Exod. 3.  
v. 11. Et cap. 4. v. 10. & 13. Et hæ difficultates tristes etiã  
querelas prophetis expresserunt: qualis est illa Ieremiæ 20.  
v. 7. Seduxisti me Iehoua & seductus sum. Et v. 14. Male-  
dicta sit dies illa in qua natus sum. Et Elias 3. Reg. 19. Cùm  
Izabelem fugeret, molestiarum & periculorum pertesus  
mortem optat: Sufficit nunc inquit, o Iehoua, tolle animam  
meam: non enim sum melior maioribus meis.

Et si igitur graue & arduum munus erat propheticum:  
tamen propheta Dei & molestias omnes patièter tulerunt,  
& officium constanter fecerunt, nec ullis difficultatibus  
aut periculis fracti stationem suam deseruerunt, sed magna  
animi constantia, & populum & reges officij sui admonue-  
runt, & quod ipsis à Deo patefactum & mandatum erat,  
siue letum, siue triste, ipsis proposuerunt. Et quanquam  
pericula interdum vitarunt, ut Elias fugit Izabelem: & V- Ionas.  
rias propheta Ieremiæ collega fugit regem Ioachim. Ieremiæ  
26. Tamen officium suum nunquam deseruerunt.

Et affuit peculiariter ipsis Deus, qui & spiritu suo confir-  
mauit, ut Micheæ 3. v. 8. dicitur: Et ipso euentu prædictio-

C 2 num &



## 12 IN HOSEAM PROPHETAM,

num & auctoritatem ipsorum tandem confirmavit, & mendacia pseudoprophetarum refutavit, & eos multis miraculis ornavit: ut videre est in tota historia Eliae & Elisei à ca. 13. 3. Reg. ad 13. 4. Reg. Et eos interdum miraculose defendit, ut prophetam contra Ieroboam prophetantem, & Eliam contra Achabum. Et pseudoprophetas interdum reprehendit, ut Hananiam. Ierem. 28. v. 8.

Hinc igitur nos etiam exemplum patientiae & spei capiamus, ut patienter etiam difficultates muneris, si quae erunt, sicut erunt, patienter feramus: ut monet Christus ipse Matth. 5. v. 12. Beati eritis cum contumeliati fuerint vobis, & vos persequuti fuerint: ita enim persequuti sunt Prophetas qui fuerunt ante vos. Et Iacobus cap. 5. v. 10. Sumite fratres mei pro exemplari afflictionis & patientia prophetas, qui loquuti sunt in nomine Domini. Atque hac de difficultatibus & periculis muneris prophetici.

### Q V A R T U M.

#### De Scriptis & Concionibus Prophetarum.

**L**ibri Prophetarum posteriorum Hebraeis tertiam Bibliorum partem constituunt, & quatuor numerantur: nempe liber Esaia, liber Ieremia, liber Ezechielis, qui tres propheta maiores dicuntur, propter librorum prolixitatem. Et quartus liber duodecim prophetarum, qui minores dicuntur, propter brevitatem, & ideo in unum volumine coniuncti sunt, quod propter brevitatem, singuli iustum volumen implere non possent, nec proinde facile seorsim conservari. Latini vero tribus maioribus addunt & subiungunt Danielelem, qui ab Hebraeis in quarta Bibliorum parte collocatur.

Conciones autem propheticas non tantum viva voce  
Prophe-



# P R Æ F A T I O.

13

Prophetarū propositas, & pronūciatas, sed etiā Dei manda-  
to ab ipsis prophetis scriptas aut dictatas, propheta ipsi testes  
sunt. Vt Esaia cap. 8. v. 1. Et Ierem. 30. v. 2. & 51. v. 6. Et  
Abacuch ca. 2. v. 2. ¶ Et finis mandati diuini & scriptio-  
nis exprimitur, Esaia. 30. v. 3. Et Ieremia. 36. v. 2. Nempe  
vt conciones propheticae scriptae, posteritati seruiant, & sint  
testimonium misericordiae diuinae, & peruitiae humanae,  
& vt earum lectione posteri ad pœnitentiam excitentur.

Existimant autem quidam singulas conciones à prophe-  
tis, postquam ad populum habitae essent, seorsim scriptas, &  
publicè deinceps propositas, & valuis templi affixas, vt o-  
mnibus legende paterent, ac deinceps post dies aliquot à  
ministris templi allatas, & in thesaurum repositas, vt per-  
petuum eius rei monumentum extaret. Atq; inde libros  
prophetarum postea confectos esse: quod ex loco Esaia cap.  
8. v. 1. Et Abacuch. 2. v. 2. colligi posse videtur. Et ex eo  
quod ordo temporis non semper exactè in libris Prophetarū  
seruetur: vt paulò post dicemus.

Vt autem conciones propheticas omnes rectiùs & faci-  
liùs adhuc intelligamus, de earum materia, ordine, & ser-  
mone pauca admonebimus.

## DE MATERIA CONCIO- num Propheticarum.

Q uod una & eadem sit concionum omnium propheti-  
carum in genere, & quanam ea sit, suprà est dictum,  
cùm de officio prophetico ageretur: hîc ergo tantum  
de argumentis, quibus doctrina à prophetis tractatur, illu-  
stratur & inculcatur. Propheta igitur primum & præcipuè  
autoritatis argumento vtuntur, id enim in sacris literis  
præcipuū est. Autoritatē autem primum diuinā allegāt Pro-  
pheta, vnde toties apud illos legitur: Et Iehoua loquutus. &

C. 3. os

Inuētio-  
ne, Dis-  
positio-  
ne, & E-  
locutio-  
ne.



#### 14 IN HOSEAM PROPHETAM,

os Iehoua loquutus est. Deinde autoritatem à Mose repetunt. ut Malachia 4. v. 4. Et Esaia 30. v. 9. Vide supra de primo officio prophetico proprio.

Post autoritatem autem, alijs etiam argumentis illustrioribus è medio petitis utuntur: in primis cum cultum veri Dei commendant, & idola reprehendunt, ut exempli causa.

Causse efficientis. Esaia 63. Deus pater noster est, ergo miseretur nostri. Esaia 44. v. 9. & deinceps, faber est Autor Idoli, ergo idolum non est Deus.

Materia: ut eodem loco, cap. 5. v. 14. Idolum est lignum & lapideum.

Finis: ut Esaia 10. capit. Si audieritis bonum terra comedetis.

Effectorum: ut Esaia 42. Iehoua est creator cæli & terra, & annuntiat futura: Ergo Iehoua est Deus. Idola autem non creauerunt cælum & terram, ergo non sunt dij.

Adiuncti: ut Malachia 1. v. 6. Si ego sum pater vester, ubi est honor mei? si dominus, ubi timor mei?

Comparationum: ut Esaia 1. v. 3. Cognouit bos possessorem, & asinus praesepe domini sui, Israël non cognouit me.

Similium, quo argumento sapissimè utuntur Propheta, ut Esaia 1. v. 18. Et cap. 7. v. 2. & alijs multis locis, &c.

Atq; hinc parabola existunt, quæ sunt longiores similitudines, qualis est illa diuina Esaia 5. Atq; hæc de materia concionum propheticarum.

#### DE ORDINE.

**O**rdo alius est librorum, alius concionum singularium. Libri præsertim longiores plures conciones eiusdem Propheta diuersis temporibus habitas & propositas, interdum & historicas narrationes & cantica & preces  
conti-



continent. In his ferè ordo historicus: id est, temporis seruatur, ut apparet Esaie 6.7. & 37. Sed tamen hic ordo non semper omnino seruatur: ut videre est Ieremie 35. & 36. Et hic non semper diuersa conciones discerni facile possunt, nisi ubi à Prophetis ipse distincta sunt.

Quod ad concionum singularium ordinem attinet, is interdum accuratior est, interdum liberior. Cum accuratius ordinem seruant Prophetae, ferè à lege incipiunt, & in Euangelium desinunt, & hoc ferè ordine conciones texunt.

1. Accusant & prætendunt peccata.
2. Quid faciendū sit docent, & legem Moysis inculcāt.
3. Beneficia Dei erga populum commemorant & ingratitudinem ei exprobant.
4. Comminantur, & prædicunt pœnas.
5. Hortantur populum ad pœnitentiam.
6. Proponunt & promittunt spem veniæ, & remissionis peccatorum.
7. In primis autem promissionem de Messia venturo inculcant.

8. Pœnarum & calamitatum, vel mitigationem, vel finem certum & latum exitum prædicunt, & promittunt, & simul hostibus Ecclesiæ & impiorum insultant.

Liberior autem ordo est cum prophetae comminationes & consolationes subinde repetunt, & inter se miscent, ut cum impios accusant, repente ad pios consolando delabuntur, ac rursum paulò post sermone ad impios conuerso eos accusant, qua in re auditorum ingenia, & varietatem, respicere videntur. Cum enim pijs simul & impijs concionentur, nunc ad hos, nunc ad illos sermonem & doctrinam dirigunt, & accommodant, quin & interdum Prophetae verborum aliqua similitudine sententias coniungunt, ut paulò post dicemus.

Notæ



## 16 IN HOSEAM PROPHETAM,

*Non est igitur ordo accuratus & logicus prorsus semper in Prophetis requirendus: sed oracula spiritus Sancti ipsa per se quovis loco posita diligenter consideranda & expendenda sunt.*

### DE SERMONE PROPHETICO.

**S**ermo Propheticus partim planus & apertus est, qualis est in narrationibus historicis, Mosi, Iosue, Iudicum, Regum, &c. partim & quidem magis, grandis & figuratus, qualis in Psalmis plerisque & canticis seu carminibus. Cum enim Propheta de maximis rebus agant, parem etiam dictionem adhibent. Cumque res ipsis esset cum populo peruicaci & stupido, ad stuporem & veternum eius expugnandum, oratione acri, vehementi, & copiosa opus erat. Cumque de iisdem rebus subinde apud populum dicendum esset, magna orationis copia & varietate opus erat. Vnde & Propheta ipsi à Deo ad munus propheticum vocati, ferè infantiam suam excusarunt. ut Exod. 3. v. 11. & cap. 4. v. 10. & 13. Et Ieremie 1. v. 6. & 8. apparet: qua excusatione significarunt eloquentiam & facundiam ad munus propheticum obeundum esse necessariam. Itaque & ipsi propheta ad munus illud authoritate diuina pertracti, concionando & scribendo verius multo & efficacius quam Pericles ille Atheniensis, si sacra profanis conferenda erunt, tonabant & fulminabant. In scriptis enim suis omni argumentorum & figurarum genere, omni que verborum & rerum copia, cum opus est utuntur. Et amplificationes & exornationes elegantissimas & vehementissimas adhibent. ut exempli causa: Cum excidium urbis alicuius predicunt, non simpliciter affirmant urbem perituram esse, sed omnibus argumentis & figuris excidium describunt, causas commemorant excidii, nempe



nempe populi peccata, & hostes, tum hostiū expeditionem, aduentū, potentiā, rei militaris peritiā, seueritatem, arma, equos depingunt. Præterea urbis obsidionē, expugnationē, direptionem, vastationē. Postremo perpetuā solitudinē & vastitatem depingunt, ut passim apud Prophetas videre est, ac rursus eodem modo, cum Ecclesia defensionem aut liberationem diuinam prædicunt, omnia argumenta & figuras adhibent.

Vtq; oratio sit acrior & ardentior etiam ad rem augendam ab hyperbolis non abstinere, quod & Moses ipse facit. ut Deut. 1. v. 28. cum dicitur: Vrbes magnæ & munitæ usq; ad cælum. pro quo Num. 13. v. 29. dicitur: vrbes munitæ & magnæ admodum. Et Dauid de magna tempestate loquens Psal. 107. v. 26. Ascendunt ad cælos, & descendunt usq; ad abyssos. Quales figuras Augustinus in libris de doctrina Christiana obseruauit & annotauit. Et Erasmus de ratione veræ Theologiæ.

Et quoniam idem ferè est concionum propheticarum Argumentum, ne doctrina eadem sepius inculcata, fastidium pariat, ita diuersis verbis, phrasibus, tropis, figuris, argumentis rem eandem variant, ut non videatur eadem esse: nunc verbis proprijs & vsitatis, nunc figuratis, nunc simplici orationis habitu, nunc figurato vtuntur. Vnde & Hosea 12. v. 10. dicitur: Multiplicauī visionem, & per Prophetas similitudines proposui: id est, omni docendi & dicendi genere, simplici & figurato, ad vos docendos & monendos per prophetas vsus sum. Et vox parabola seu prouerbiū & enigmatis in genere pro sermone figurato & grandi vsurpatur. Et parabolicè loqui pro figuratè loqui, & grandi oratione uti. ut Num. 23. v. 7. & 24. ver. 3. & 48. v. 5. & 77. v.

In Prophetis igitur omnium Argumētorum, Troporum, & Figurarum exempla illustra extant.

D DE



18 IN HOSEAM PROPHETAM,  
DE SERMONIS PROPHE-  
TICI OBSCURITATE.

**E**T si oratio Prophetica sui temporis hominibus perspi-  
cua & aperta fuit: tamen nobis Hebraicè præsertim  
imperitis interdum obscurior est, idq; partim propter  
res, partim propter verba.

Ex rebus obscuritas est, quòd vel ordo concionum non  
semper appareat, & occulti fiant & subiti ex una concione  
in aliam transitus. Vel quòd rerum quarundam mētio fiat,  
quæ vel mutata sint, vel prorsus perierint: vel quòd frequē-  
tes & subita ad Mosen, & historias veteres allusiones fiant:  
vel deniq; quòd de rebus arcanis & supra captum nostrum  
positis concionentur Propheta.

Verborum obscuritas ex lingua Hebrææ Grammatica, &  
Rhetorica propria: id est, propria loquendi consuetudine,  
est: ut enim sua cuiq; lingua propria & peculiaris loquendi  
consuetudo est: Ita & Hebrææ, quæ ab ijs, qui Hebraicè non  
didicerunt, non intelligitur. Ea consistit in propria Synta-  
xi, in propria Phrasi, in proprijs Tropis, cuiusmodi constru-  
ctiones & figuras multas Augustinus in libris de loquutio-  
nibus colligere ex veteri versione non est grauat. Et extat  
liber de phrasibus Hebræis à Roberto Stephano editus, utilis  
admodum hac de re.

In primis autem in orationis habitu, obscuritas est, quæ  
oratio ferè *μικτή* est, & proinde nō solum numeros & tem-  
pora, sed etiam personas mutat. Aliquando enim de populo  
pluraliter, aliquando singulariter, ut de viro uno loquun-  
tur propheta. Deinde subinde præteritum pro futuro, & cō-  
trà usurpatur. Postremò, quod maximè mirū est, sæpè & su-  
bitò personas mutāt, ut à prima ad secundam, à secunda ad  
tertiam & contrà transeunt: quasi nunc Propheta, nunc  
Deus, nūc populus loquatur: unde fit, ut oratio prophetica  
non



# PRÆFATIO.

19

non solum carmini, sed etiam dialogo ex parte similis est.

Haec igitur causae ferè sunt obscuritatis in concionibus prophetis, ad quam illustrandam haec contra praesidia comparanda sunt.

1. Primum omnium Moses diligenter legendus est, ut intelligatur quando eum citent Prophetae, aut ad eum alludant.

2. Deinde historia sacra vetus tota cognoscenda est, qualis fuerit Ecclesiae & politicae Iudaicae status eo tempore quo Prophetae prophetarunt, & quando ex historia repetant, aut ad historiam alludant.

3. Præterea prophetae ipsi omnes legendi sunt & diligenter inter se conferendi, & similes conciones, & loquutiones observanda & conferenda sunt.

4. Porro in primis consideranda est interpretatio prophetiarum apostolica, & observandum quando eos citent, vel ad eas alludant.

5. Ad hac lingua Hebraea discenda & cognoscenda est, ut exempla loquutionum Hebraicarum ex narrationibus historicis colligenda sunt, & cum Prophetis conferenda.

6. Postremò, versio & interpretatio aliqua, adhibenda est, donec proprio Marte progredi, & scripta prophetica intelligere poterit sacrae Theologiae studiosus. Qua in re nos quantum possumus, discipulorum studia iuvare conabimur, & in scriptis prophetis interpretandis operam dabimus, primum & præcipue, & simplicem, veram & nativam loci cuiusque sententiam, quam ipsa Grammatica gignit, inquiramus. Deinde ut genus sermonis, sicubi obscurum erit, interpretemur, & grammaticè explicemus. Postremò ut sicubi utile & commodum videbitur, de sententia & doctrina eiusque usu dicamus.

Atque hætenus de Prophetis, eorum officio, difficultatibus, ærumnis & scriptis dictum est, nunc ad Hoseam accedamus.

FINIS PRÆFATIONIS.

D 2 AR-



# ARGVMENTVM IN HOSEAM.

**H**oseas precipuè decem tribubus, seu regno Isrâelitico concionatur, & suis concionibus cum alia populi peccata, tum idololatriâ in primis accusat, quæ in eo regno conspectior esset, quod publicè à regibus contra legē Dei instituta esset & defenderetur, ut ex histōria primi regis Isrâelitici Ieroboam 1. Reg. 12. & Achabi 1. Reg. 16. notum est.

Deinde pœnas populo propter peccata prædicat & comminatur, nempe regni destructionem, exilium atq; captiuitatem, quæ & deinde sequuta est, sexto anno Ezechia, 2. Reg. 17. & ijs qui obstinati manerent, reiectionem à Deo, ijs autem qui sanabiles essent, spem veniæ proponit, eosq; ad pœnitentiam & nouæ vitæ institutionem propositis amplissimis promissionibus inuitat. Et in his multa de Messia venturo, eiusq; regno, & beneficijs concionatur.

Et si autē ordo concionum Hoseæ, ut & aliorum Prophetarum, non satis apertus est, tamen hic liber Hoseæ in sex conciones non incommode diuidi posse videtur. Quarū singula à lege initio factō in promissiones gratia desināt, ut suo loco videbimus. Quarum tres primæ idololatriam precipuè, cetera & idololatriam & alia peccata populi arguunt.

CAPVT



## CAPVT PRIMVM

HOSEÆ.

VERSVS PRIMVS.

**V**erbum Iehouæ quod fuit ad Hoseam filium Beerij, tempore Vsie, Iotham, Achas & Ezechia regum Iuda: & tempore Ieroboam filij Ioas regis Israël.



ITVLVS est seu inscriptio, seu proœmium libri totius, qui titulus non est negligenter prætereundus: multum enim ad conciones Hoseæ rectè intelligendas confert. Quatuor igitur hic titulus indicat, nempe,

1. Quod sit doctrinæ genus.
2. Quæ sit prophetici muneris autoritas.
3. Quis fuerit Propheta. &
4. Quo tempore prophetârit.

I. DOCTRINÆ genus indicatur, cum dicitur: *Verbum seu sermo Iehouæ*. Quo significatur eam doctrinam quam adfert Propheta non esse ab ipso excogitatam, sed à Deo profectam, & inspiratam. Quare etiam summa cum reuerentia, fide, & obediendi studio audienda est.

II. AVTORITAS ministerij prophetici indicatur, cum dicitur: *Verbum Iehouæ ad eum factum est*. Significatur igitur Prophetam non sua sponte aut proprio instinctu ad id munus prouolasse, aut morositate quadam, vel studio turbandæ trāquillitatis communis in scelera inuehi, sed mandato diuino, cui repugnare non liceret ad hoc munus excitatum esse.

III. PROPHETA ipse Hoseas est, qui dicitur fuisse filius Beerij. Iudæi autem affirmant eos qui Patres Prophetarum in Scriptura dicantur, etiam fuisse Prophetas, cuius tamen

D 3 fen-



sententiæ fundamentum in sacris literis non extat. Nomē quidem ipsum, Prophetę vel Doctōri congruit, quod significat explicatorem seu declaratorem.

III. TEMPVS quo prophetārit Hoseas, indicatur per nomina regum, quatuor quidem regum Iuda, vnius autem Israëliti. Quæ temporis notatio plurimum ad Prophetiā intelligendam prodest, & admonet historias horum regum legendas & considerandas, vt melius propheta intelligatur, vbi constiterit, qualis fuerit eo tempore Ecclesiæ & Reipub. in regno præsertim Israëlítico status: quo tempore hæ Prophetiæ sunt æditæ.

Extat autem horum regum historia, 2. Reg. 15. 16. 17. Et 2. Paralip. 26. 27. 28. 29. Ieroboami autem 2. Reg. 14. Vnde intelligi potest, primum Prophetam munus suum auspicatum esse eo tempore, quo regnum Israël maximè floreret. Ieroboā enim rex felix & fortunatus fuit, & diu regnavit, repressit Syros, & recuperavit vrbes à prioribus regibus amissas: quo tempore ingratum admodum erat, mentionem famis, calamitatum, & vastationis regni, ac perdifficile ea persuadere. Et eiusmodi cōciones & admonitiones à severo & superbo rege ac populo facilè contemni & rideri poterant: quæ res tamen Prophetam non absterruit, quo minus officium faceret, & quid futurū esset præmoneret.

Deinde ex hac temporis mentione intelligi potest, quos habuit Prophetam in munere suo collegas & socios: habuit enim Amos Prophetam collegam in regno Israël. Esaiam autem & Micheam socios in regno Iudæ, vt ex titulis eorū librorum apparet.

Postremò, hinc intelligi potest, Hoseam longo tempore docendi munere functum esse. Nam si numeremus annos quibus hi reges regnarunt, comperiemus illum non pauciores annos quàm 57. in munere suo consumpsisse. Nam vt concedamus Hoseam non ante vltimum Ieroboami annum propheticum munus obijisse, & primo regis Ezechix anno cursum suum absoluisse: tamē ad minimum anni fiūt

57. Sub



IAC. MATTHIÆ PRÆLECT. 23

37. Sub Vſa enim docuit annos 25. quibus ille Ieroboā ſuperſtes regnauit, 2. Reg. 15. Sub Iotham 16. & ſub Achaſ totidem, qui ſimul collecti conſtituunt annos 57. Quod ſi autem his annis plures addantur, & Ieroboami & Ezechiae regno, ut etiam faciundum eſſe videtur, emergit tēpus quod docuerit Propheta annorum circiter 60. aut 70.

Propheta ergo hoc temporis ſpatio maximas in Republicas mutationes vidit: in regno Iudæ quatuor reges qui titulo nominantur, vidit in regno Samariæ ſeptem reges. Ieroboam ſecundum, cuius in titulo mentio fit. Sachariam, Salum, Menehem, Pechaia, Pecha, & Hoſeam vltimum. Et vidit & paſſus eſt Propheta interea multa morte triſtiora, & haud dubiè ſpectator fuit Propheta calamitarum ut vaſtationis Patriæ, quam ipſe prædixit. Quare in Propheta exemplum eſt patientiæ & conſtantiæ in officio, & teſtimonium auxilij diuini, quod Deus eum tam diu protexerit, ne ab impia multitudine, aut regio ſatellitio opprimeretur.

TEXTVS.

*Tempore.* In Hebræo eſt, *in diebus*: dies enim Hebræi frequenter pro annis & tēporibus accipiunt, ſynecdochicis.

*Vſa.* Scilicet qui & Azarias dictus eſt, 2. Reg. 15. & 1. & 17. Quæ nomina ſignificatione ſerè conueniunt: hoc enim auxilium Domini, illud fortitudinem ſignificat.

*Ieroboam.* Cur vnum tantum regem Iſraëliticum nominet, cum ſeptem fuerunt, cauſſa certa reddi non poteſt: fortasſe autem omittit cæteros, quod vel breui tempore regnârint ſinguli: vel quod per reges Iudæ precipuè numerârint tempora Prophetæ:

Saul, Dauid, Solomon, Roboam: poſt Abia, & Aza.

Ioſophat & Ioram, Ochozechias, Ataliaq̃.

Ioas, Amasias, Oſias, Iotham & Achaſ.

Ezechias, Manasſe, Amon, Ioſias, Ioacasq̃.

Hinc Ioachim, Ioachen, Zedechias vltimus eſt rex.

VER-



*Principium sermonis per Hoseam. Et dixit Iehoua ad Hoseam: Vade, accipe tibi uxorem scortationum, & filios scortationum, quia scortando scortabitur hæc terra, ne eat post Iehouam.*

**P**Rima concio est in qua primùm sub infamis scorti & liberorum eius imagine decem tribus, seu regnū Israëli, eiusque idololatriam depingit & accusat Propheta, & pœnas exilij, & captiuitatis comminatur. Deinde resipiscences consolatur Propheta, & spiritualementem Israëlis prolem numerosam fore affirmat.

Hic autem versus mandatum Dei ad Prophetam de uxore fornicaria seu meretrice ducenda continet: quod mandatum etsi nonnulli simpliciter, ut verba sonant, intelligi volunt. Tamen rectius sentire videntur qui non historiam, sed visionem seu figuram & similitudinem esse volunt. Hoc enim dicendi genus non est nouum aut inusitatum, sed familiare Prophetis, ut nuditas Esaia, cap. 20. & obsidio prophetica quæ describitur Ezechiel. 4. Et iubetur Propheta non solum meretricem uxorem ducere, sed etiam liberos adulterinos ex ea procreare, quod in legitimo coniugio fieri non potuit.

Est igitur potius visio, vel figura, & hypothiposis, qua iubetur Propheta apud populum uti, eaque idololatriam populi quasi in tabula depingere, & oculis conspiciendam proponere.

In hac autem allegoria seu similitudine, Propheta personam Dei sustinet, vxor fornicaria decem tribuum synagogam refert: quæ Deo primùm spirituali coniugio iuncta fuit, postea Gentium diis & idolis se prostituit, ut Propheta ipse interpretatur cum ait: *Quia fornicando fornicatur terra.*

*Principium.* ] in Hebræo est Ellipsis, quæ hoc modo explenda est. Principium sermonis quem loquutus est Iehoua in Hosea. Prima enim vox in regimine ponitur nō expresse regem-



IAC. MATTHIÆ PRÆLECT. 25

regente. Quare subintelligendum est עֲבָדָה ex verbo sequen-  
te עָבַד vñ cum relatiuo עֲבָדָה.

In Hosea. ] Etsi litera ע varias habet significationes, tamen  
hic reddi potest, vel per per, vt significetur ministeriū Pro-  
phetæ: vel per in, vt significetur internus afflatus, & Dei cū  
Propheta interna communicatio: vel per cum, vt colloquiū  
tantum significetur.

Et dixit. ] Repetitio est vsitata Hebræis, aut sensus hic est,  
cū primum Iehoua cum Hosea loqueretur, sic eum affatus  
est, vel hoc mandatum ei dedit.

Vade. ] Mandatum est: q. d. Deus, hac similitudine apud po-  
pulum ad idololatriam accusandam vttere.

Vxorem scortationum. ] id est, meretricem: substātiuum enim  
adiectiuo loco positum est more Hebræo, & numerus plura-  
lis ad amplificationem facere videtur: vt notetur scortum  
publicum, infame, & obsoletum, quod & diu assueuerit  
scortationi, & non vni aut duobus, sed omnibus passim se-  
se prostituat. Quo significatur populū, non vno Idololatrię  
genere, sed multis & varijs pollutum esse.

Filios scortationum. ] id est, nothos. vel ex ea natos, quæ me-  
retrix fuerit. Cū enim in legitimo matrimonio nati esse  
intelligantur, non poterāt reipsa adulterini esse. Significat  
autem Propheta his verbis totam sobolem & progeniem  
Israëliitarum esse adulterinam: id est, pollutam & contami-  
natam cultu idololatræ.

Quia scortando scortabitur. ] Explicatio est Propositæ simili-  
tudinis. Repetitio autem vim habet exaggerandi, qua ido-  
lomania populi exaggeratur. Futurum autem pro præsentī  
ponitur, & continuum actum significat, q. d. grauissimè &  
turpissimè scortantur: id est, cultu idololatræ se polluunt  
& contaminant. Vsitatum enim Prophetis est, per scorta-  
tionem & adulterium idololatriam significare.

Hæc terra. ] Metonymia est pro terræ incolæ, seu Israëlitæ.

Nec post Iehouam. ] In Hebræo est, scortabitur hæc terra,  
de post Iehouam. Vbi rursum ellipsis est, quæ cōmodo ver-

E bo vel



bo vel participio supplenda est, hoc modo. Fornicatur terra auersa, vel deficiens à Iehoua: id est, colit idola & deserit Iehouam verum Deum.

## VERSUS III.

*Et iuit & accepit Gomer, filiam Diblaim, & concepit,  
& peperit ipsi filium.*

**M**Andati diuini exequutio est, seu mandato similis, nempe typica, seu allegorica, quòd vel hæc facere visus sit Propheta. Vel quòd sic, se fecisse dixerit ad populum, vt eum hoc typo accusaret. Quod enim Propheta meretricem vxorem duxerit, hoc symbolo significatur, Deum (cuius personam Propheta gerit) olim populum Israëliticum delegisse, & quasi matrimonio iunxisse, vt vicissim ab eo quasi à sponfa & vxore diligeretur, & sanctè, & castè coleretur. Cùm antea eius populi maiores idololatræ fuissent, & populum tamen eo beneficio nihil motum scortatum rursus esse, & Idola coluisse.

Vt autem illustrior sit allegoria, exprimitur nomen meretricis, & patris eius, sed in his ipsis tamen nominibus quiddam quod ad rem præsentem attineat, latere videtur. Vt in nominibus libèter etiam ludunt & ijs orationem orant Prophetæ. *Gomer* itaque consumptionem seu interitum significat à verbo גָּמַר defecit. *Diblaim* verò massas ficuum. Significatur igitur excidium & interitum, filiam fore voluptatum & deliciarum: id est, regnum Israëliticum iam beatum & florens, paulò pòst ruiturum esse, vt paulò pòst apertè Propheta addit.

Et si autem significatio in his nominibus subesse videatur: tamen etiam fieri potest, vt Propheta ad nomen meretricis notæ & celebris in eo regno alludat, cui populum & impiam Synagogam comparat Propheta.

## VERSUS IIIL.

*Et dixit Iehoua ad me, voca nomen eius lisrehel, quoniam*



*niam adhuc exiguū, & visitabo sanguines Iisrehel,  
aduersus domum Iehu: & cessare faciam regnum  
domus Israël.*

**I**N duob. versibus accusatio fuit idololatriæ, sequitur nūc  
pœnarum cōminatio. Vt enim meretricis symbolo po-  
pulus idololatra accusatur: Ita liberorū meretricis sym-  
bolo ex nominibus pœnæ præcipuæ intelliguntur & expri-  
muntur. Peccati enim soboles pœna & mors est, vt i. cap. v.  
15. Iacobi dicitur. Vnde etiam magis intelligi potest, hic nō  
tām rem gestam describi, quā quasi gestam, & typum po-  
tius atque figuram quā historiam esse, quod liberis Pro-  
phetæ & meretricis nomina indantur ad pœnas publicas  
significandas.

Cū autem iubetur Propheta primum filium Iisrehelem  
appellare, primum hīc pulchra Paronomasia est. Confertur  
enim aut potius opponitur nomē Iisrehelis, nomini Israē-  
lis, quo nomine se in primis efferebant decem tribus, seu  
regnum Israël.

Israël enim cognomen erat Iacobi, quod ei diuinitus in-  
ditum erat, quod cum Deo congressus in lucta superior fuisset.  
Israël enim is est, qui Deo fortior est. Gen. 32.

Deinde autem pro tota posteritate Iacobi accipitur Isra-  
ēlis appellatio. Postremò, tandem hoc nomen toti poste-  
ritati Iacobi commune, decem tribus post regnum diuisum  
ad se priuatim transtulerunt, eoque sese contra duas tri-  
bus regni Iuda efferebant, quasi illi soli veri essent posteri  
Iacobi, & veri Dei cultores, & apud eos solos vera esset  
Ecclesia.

Iisrehel verò nomen loci erat, seu vallis, seu eius qui val-  
lem illam possederat, & loco nomen suum post se relinque-  
rat. Tum & vrbis in ea valle conditæ, quæ in tribu Iaschar  
ad ripā fluminis Pthison sita erat. Samaria enim & Iisrehel  
duæ erant sedes regiæ in regno Israēl: illa Ierosolymæ vi-  
cinior, vt quæ decem ferè milliaria tantū ab ea distaret:

E 2 hæc



hæc verò ab eo remotior, ad milliaria ferè 15.

In hac vrbe rex impius Achab aulæ sedem habuit, 3. Reg. 18. vbi & Naboth ciuem eius vrbis, quod vineâ suam ei negasset interficiendum curauit, propter quod peccatum filius eius Ioram paulò pòst in eadem ciuitate, mādaro Dei cum matre & tota familia interficitur, 2. Reg. 9. & 10. Propheta igitur nomen Iizrehelis, nomini Israëlitis opponit, & illud filio suo iussu Dei indit, duplici de caussa.

I. Vt peccatum populi notet, nempè quòd sint non Israëlità, vt ipsi dici volebant: id est, veri Dei cultores, sed Iizrehelitæ: id est, impij & scelerati regis Achabi posterij, & æmuli, adeoq; eius similes Idololatræ.

II. Deinde vt hoc nomine pœnas regiæ stirpi & toti regno minetur Propheta, & quidē eiusmodi qualibus in vrbe Iizrehel filius Achabi, cū tota posteritate affectus est: id est, cædem, excidium, & interitum, quò præcipuè appellatio spectare videtur. Sic enim Propheta ipse hoc interpretatur, cum ait: *Quoniam & adhuc paululum & uisitato sanguines Iizrehel super domum Iehu, & cessare faciam regnum domus Israël.*

His igitur verbis Propheta primùm stirpi regiæ, deinde & regno toti pœnas minatur. Stirpi regiæ minatur cum ait: *Visitato sanguines Iizrehel super domum Iehu.* Quibus verbis & regiam stirpem Iehu delendam esse affirmat, & simul caussam eius rei addit. Per sanguines enim Iizrehel, cædem illam intelligit, qua Iehu Ioram filium Achabi prope Iizrehelem cum tota posteritate deleuit, vt modò diximus. Eius igitur cædis se ultorem fore affirmat Deus: etsi enim iussu Dei ea cædes perpetrata fuit à Iehu, tamē cum Iehu deinceps eam cædem non ad gloriam Dei, & idololatriâ tollendam, sed ad potentiam potius & tyrannidem suam confirmandam & stabiliendam vsurparit, Deus hîc quasi iniussu suo factam reprehendit & accusat. Ideo enim Deus præcipuè posteritatem Achabi à Iehu deleri voluit, vt ea sublata religionem repurgaret, idololatriam vitulorum & Baalim tolleret, & verum Dei cultum ex lege Mosi restitueret. Sed Iehu cum

rerum



rerum potiretur Baalim quidem cultum sustulit, quem Achabus introduxerat, sacerdotes eius interfecit, & templū in lairinas redegit: sed cultum vitulorum à Ieroboamo primo rege institutum non sustulit: quod hic cultus regni eius neruus præcipuus contra regnum & reges Iudæ esse videretur. Cum igitur Iehu, Dei mandatum non per omnia exsequutus sit, nec cum stirpe regia impia simul etiā idololatriam prorsus extirparit: factum eius improbat, & pro homicidio & latrocinio reputat, & pro eo grauissimas à posteritate Iehu pœnas repetiturum affirmat, quod & accidit: nam Sacharias filius Ieroboami, cuius hîc in titulo mentio facta est, abnepos regis Iehu à Salum interfectus est, vt scribitur, 2. Reg. 10. v. 30. Et cap. 15. v. 12. Quæ historia vt rectius intelligatur, series regum Israëlitarum hîc obiter obseruanda est, quæ sic habet:

<i>Ieroboam.</i>	<i>Nadab.</i>	<i>Baassa.</i>
<i>Ela.</i>	<i>Simri.</i>	<i>Vnri.</i>
<i>Achab.</i>	<i>Ahasias.</i>	<i>Ioram.</i>
<i>Iehu.</i>	<i>Ioachas.</i>	<i>Ioas.</i>
<i>Ieroboam.</i>	<i>Sacharias.</i>	<i>Salum.</i>
<i>Menahem.</i>	<i>Pecaia.</i>	<i>Pecha.</i>
	<i>Hosée.</i>	

Hæc igitur loquutio *Sanguines Iizrehelis*, nō tātum cædem à Iehu perpetratam significat, sed etiam idololatriā à Iehu post cædem conseruatam complectitur, & pœnæ etiam similitudinē innuere videtur. Pœna igitur stirpis regiæ eiusq; causa sic indicata fuit, cui ideo specialiter minatur Propheta, quod reges præcipuè idololatriam fouerent & tuerentur. Regno autem toti minatur Propheta, cum ait: *Et cessare faciam regnum domus Israël*: id est, per hostes externos destruam & delebo regnum Israëliticum, quod exemplum suorum regum in idololatria sequitur: id quod & accidit, cum Salmanassar Assyriorum rex totum regnū occupauit,

E 3 &



& regem cum populo captiuum in Assyriam abduxit, vt supra etiam in argumento diximus. vide. 2. Reg. 17.

*Quia adhuc exiguum, & uisitato.*] Hebraismus est, pro, breui uisitato. *Visitare* autem specialiter Hebræis significat punire & vlcisci, præsertim sequēte particula *וְ*: id est super vel aduersus: vt Exod. 34. v. 7. *Visitans iniquitatem patrum super filios. Sanguis* autem Metonymicōs pro cedē & homicidio accipitur: *Visitare* igitur *sanguines*, est cædem & homicidium punire.

*Et cessare faciam.*] Hebraismus est ex verbo hiphil, pro delebo & abolebo.

## VERSUS V.

*Eritq; in die illa, frangam arcum Israël, in valle Izrehel.*

**R**Epetit eandem sententiam de regni excidio figuratè, rei exaggeratæ causa: cum enim regnum Israëliticum sub Ieroboamo floureretur, & potens admodum esset, non poterat facile credere, atque in animum inducere breui hoc regnum delendum esse. Quare Propheta hoc diligentius inculcare conatur: & affirmat & regnum breui euertendum & omnia præsidia quibus confidebant: arcum enim & sagittariorum magnus olim in bello usus fuit. *Conterere* igitur seu *frangere arcum*, est arma & præsidia omnia inutilia reddere.

*In die illa.*] id est, cum tempus aduenerit vindictæ.

*In ualle Izrehel.*] hunc locum nominat Propheta, quod nomini Israëlitis respondeat, propter paronomasiam, quæ hic illustrior est, tum etiam quod cum Izrehel etiam regni Metropolis esset, (vt antè diximus) eâ præcipue hostes petere, & eo proinde vires regni contrahi solerent. Sed Synecdochicōs per eam totum regnum intelligi uidetur. Nam aliàs Samaria altera Metropolis obsessa fuisse triennium à Salmanaßere scribitur, qua capta regnum in potestatem eius venit,



venit, 2. Reg. 17. de qua infra ca. 14. v. 1. dicitur: Desolabitur Samaria. Quamquam etiam nō dubium est Izrehelem vnā cum Samaria ab hostibus occupatam esse.

## VERSUS VI.

*Et concepit adhuc peperitq. filiam: Et dixit ei: voca nomen eius Lorychamah, quoniam non addam amplius, vt miserear domus Israël, sed tollendo tollam eos.*

**P**Ergit Propheta in comminatione pœnarum, quas filiæ appellatione exprimit. Affirmat enim per Prophetam Deus, se non tantum regnum euersurum, sed etiam populum sine misericordia abiecturum esse, & quasi exhereditaturum, vt liberos degeneres: ne videlicet vnquam ab exilio in patriam reuertantur & regnum instaurent, quod & accidit. Nam Israëliti exules nunquam in Patriam reuerfi sunt, aut etiam eorum paucissimi, ideoque filiæ nomen indere iubetur. *Lorychamah*: id est, non adepta misericordiam, seu quæ nullam consequeretur misericordiam.

Vt igitur suprā nomen filij ex historia sumptum esse videtur, ita hīc filiæ nomen ex re ipsa sumitur: quo modo & filius Esaiæ ex re appellatur. Esaiæ. 8. v. 2. & 3. Cū dicitur: Accessi ad Prophetissam, quæ concepit & peperit filium: & dixit Iehoua ad me: Voca nomē eius Maherfalach Chasbas: id est, accelera ad deripiendum, festina ad prædam, seu celerispolium, velociprædæ.

*Quia non adijciam amplius.* Ratio & interpretatio appellationis negatiuæ & affirmatiuæ. Est autem phrasis Hebraica non addam amplius vt miserear, pro, non amplius miserebor: id est, non amplius amore & fauore eos prosequar, nec posthac tuebor & defendam eos. Misereri enim & diligere pro effectis misericordiæ & dilectionis ponitur: simulq; his verbis significatur Dei tollerantia & patientia, quā diu populum impium & refractarium & tolleravit & multis beneficijs affecit.

Sed



*Sed tollendo tollam.*] pœna affirmatiuè exprimitur. Etsi autem hæc verba variè redduntur: tamen si scripturam Hebræam & Grammaticam sequimur, sensus esse videtur què expressimus, nempe *tollendo tollam ipsos*: id est, ex regno & sedibus paternis eiectos abijciam: ea enim verborum Hebræorum natura est, vt non tantùm primam actionem significant, sed etiam ea quæ consequuntur. Sic tollere *וְהָרַג* non tantùm leuare significat, sed etiam leuando abijcere: Quæ enim abijcere volumus, primùm leuare solemus. Sed nun in pronomine quod verbum sequitur, casus Enallage est: ponitur enim Datiuus *וְהָרַג* ipsis, pro *וְהָרַג* ipsos, vt aliàs etiam fieri solet. In hoc autem versu rursùm paronomasia est in voce *וְהָרַג* & verbo *וְהָרַג*.

## VERSUS VII.

*Sed domus Iuda miserebor, & seruabo eos per Iehouam Deum ipsorum, & non seruabo eos arcu, aut gladio, aut bello, aut equis, aut equitibus.*

**A**Ntithesis est & collatio à contrarijs: vt Israëlitas sine spe veniæ abijciet, ita Iudæos misericordia sua complectetur, proteget & defendet Deus.

Præstitit autem Deus misericordiam Iudæis, quod & tempore Ezechix anno octauo post destructum regnum Israëliticum eos miraculosè contra regem Assyrium Sennacheribum defenderit: & regnum Iudæ ab Ezechix tempore ad Sedechiam vsque annos amplius centum conseruauerit. Postremò quòd eos ex captiuitate Babylonica, in patriam & regnum cupitum reduxerit: cùm interim Israëlita maturè & victi & capti sint, & nunquam ab exilio ad regnum instaurandum redierint, vt suprà diximus: hac igitur collatione non tam Iudæos iustificat & ab omni culpa liberat Propheta, quàm Israëlitas accusat, & eorum superstitiones damnat, & eorum superbiam retundere, eosque æmulatione Iudæorum ad pœnitentiam & gratiam Dei quærendam excitare



excitare conatur. Etsi enim Iudæi suos etiam nequos haberent, vt ex concionibus Esaïæ apparet: tamen cultum Dei puriorem adhuc publicè retinebant, neque ex professo Idolatræ erant, vt Israëlita, quod per collationem ipsis exprobat Propheta.

Deinde cùm Israëlita instructi opibus & armis magnificè de se sentirent, & Iudæos & infirmiores omnes præ se cõtemnerent. Monet Propheta, vt modestè de se sentiant, & potius se ad exemplū Iudæorū in religione cõponerent, aliàs enim futurū, vt saluis Iudæis, ipsi pereant & deleantur.

Cùm verò addit Propheta Iudæos non præsidij aut cõfilijs humanis, sed diuina gratia & virtute conseruatum iri, alia Antithesis est, qua primū peruersam confidentiam Israëlitarum refellit, qui armis & opibus magis quàm Dei gratia confiderent.

Cùm verò addit Propheta: *Et seruabo eos per Iehouam Deum ipsorum, & non seruabo eos arcu, &c.* Causam exprimit propter quam & per quam Iudæi conseruandi, & Israëlita perdendi sint: nempe quod illi veram adhuc doctrinam & cultum Dei retinerent, Deumq; verum publicè colerent, & in ipso spem collocarent, ab eoq; auxilium expectarent: itaq; futurum, vt etiamsi hostibus minimè viribus & potentia pares essent: tamen diuina ope & virtute contra eos defenderentur. Et si in eorum potestatem venirent: tamen liberarentur. Contrà verò cùm Israëlita deserto Iehoua idola colerent, & ab ijs magis quàm à Deo auxilium peterent, & expectarent, nec vllis Prophetarum monitis in viam redirent: Itaq; futurum, vt quamvis armis & opibus instructissimi essent: tamen ab hostibus in seruitutem redigerentur, & in exilium perpetuum è regno & patria eijcerentur.

*Sed domus Iuda.]* in Hebræo est, *Et.* Cùm enim Hebræi coniunctionibus non abundant, vt Græci & Latini, ideoque litera *vau*, quæ voces & sententias coniungit, non tantum pro copula, sed etiam pro aduersatiua seu discretiua, alijsq; coniunctionibus vtuntur.

F Misc.



*Miserebor.* Id est, fauore & misericordia prosequar, defendam & liberabo, affectu etiam pro effectu posito, vt vers. proximo diximus, & synonymon sequens, *seruabo*, declarat.

*Per Iehouam.* Hebraicè est *in Iehoua*, vt Verus vertit: id est, per, ex natura præpositionis כ, quæ causam & instrumentum indicat.

Vt autem יהוה seu יהוה id est, fortis seu Deus appellatio est communis vero Deo cum idolis & Dijs Gentium: ita יהוה solius veri Dei, quem Iudæi colebāt, appellatio & nomen proprium fuit, quo à Dijs Gentium distinguebatur. Quod nomen à verbo יהוה id est, esse, factum proposita littera seruili י iod, nominū priorū initio characteristica: quod Deus solus verè & perpetuò sit: vide Exod. capit. 3. & 6. & Deut. 4. & 6.

*Iehoua* autem hoc loco simpliciter antecedens esse videtur, pro relatiuo positum, vt sit sensus: Ego *Iehoua* seruabo eos per *Iehouam*: id est, per me ipsum, seu mea virtute & potentia: opponitur enim hīc simpliciter virtus, potentia, & auxilium diuinum præsidij humanis. Et antecedens loco relatiui ponere Hebræis non est insolens, quæ phrasis quoniam Latinis mira videri potest, pauca exempla de ea adducemus.

Gen. 19. v. 24. pluit *Iehoua* super Sodomam & Gomorham sulphur & ignem, à *Iehoua* è cælis.

1. Samuel. 1. v. 21. Quia manifestauerat se *Iehoua* Samueli in Silo, in verbo *Iehouæ*: id est, per verbum suum.

1. Reg. 8. v. 1. Tum conuocauit Solomon seniores Israël, ad regem Solomon: id est, ad sese.

1. Reg. 12. v. 21. Venit Ieroboam Ierusalem & congregauit vniuersam domum Iuda, vt reduceret regnum ad Ieroboam filium Salomonis: id est, ad sese.

Luc. 3. v. 19. Herodes cum argueretur à Iohanne, de omnibus malis quæ fecerat Herodes: id est, ipse.

Iohan. 4. v. 1. Vt autem cognouit dominus quod audiissent Pharisei quod Iesus plures Discipulos faceret, quàm  
Iohan-



Iohannes. Iesus: id est, ipse scilicet Dominus.

Et 13. v. 38. Pilatus venit ad Iudæos & dicit: Vultis dimittam vobis regem Iudæorum: id est, vestrum.

2. Timoth. 1. v. 18. Dedit tibi Dominus ut inueniat misericordiam apud Dominum in die illo: apud Dominum: id est, apud sese.

Phrasis igitur sic est: Quanquam autem hæc simplex sententia est, quam gignit Grammatica: tamen etiam nomine Iehouæ comprehendi hoc loco potest Messias, qui & verus Deus, & Ecclesiæ rex, defensor & propugnator, qui aliàs in promissionibus per se exprimitur, præsertim nomine Davidis: ut Esaiæ 37. v. 35. In historia de Ierusalyma diuinitus defensa contra Senacheribum regem, protegam ciuitatem hanc propter me, & propter Dauid seruum meum: propter Dauid: id est, Davidis filium Messiam seu Christum.

Et infra cap. 3. v. 5. dicitur: Postea reuertentur filij Israël, & requirēt Iehouam Deum suum, & Dauidem regem suum. Dauidem: id est, Davidis filium Messiam.

Deum ipsorum.] id est, quem Iehouam illi pro Deo habent & colunt adhuc publice, & à quo defensionem & liberationem expectant, contra quam Israëlita faciunt.

Et non.] Altera Antithesis, pro, non autem: vide suprā in voce prima huius versus.

Arcu.] In Hebræo est in arcu: ut in Iehoua: vide suprā.

Est autem hîc amplificatio per enumerationē præsidiorum & instrumentorum bellicorum, pro quibus versu quinto tantum arcum nominauit. Et in tribus primis vocibus singularis est pro plurali. Bellum autem pro instrumentis bellicis hîc accipi videtur Metonymicōs.

## VERSUS VIII.

*Et ablaetauit Lorychamah, & concepit, & peperit filium.*

F 2 VER.



*Et dixit Deus, voca lo ami: (id est, non populus meus) quoniam vos non (estis) populus meus: & ego non ero vester (Deus.)*

**T**ertiae poenae comminatio est, & ultimae atque perpetuae abdicationis & abiectionis denunciatio, sub nomine tertiae sobolis. Tres autem liberi nominantur ad poenarum certitudinem & magnitudinem significandam. Soboles autem utriusque sexus nominari videtur, ut significetur utrumque peccasse & puniendum esse. Vocatur igitur hic filius Lo ami: id est, non populus meus, ex re ipsa: quo significatur Deum Israelitas non pro suo populo, sed pro ethnicis & Gentibus profanis habiturum, seque eos quasi filios degeneres & contumaces prorsus abdicaturum & exhaeredaturum.

Vester.] In Hebraeo est vobis pro vester, more linguae: & subintelligendum est Deus.

Et hic rursum paronomasia est, aut potius vocis eiusdem repetitio, in vocibus *לואי*, & *לואי*. Ablatandi verbum non opus esse videtur hic ad rem significatam accommodare: neque enim similia per omnia congruunt, aut in omnibus sunt cum re conferenda.

Haecenus igitur per uxorem Hoseae meretricem populus Idololatra depictus est, & per tres eius liberos, eorumque nomina poenae horridae expressae sunt, nempe regni Israelitici eversio & vastatio, & populi captivitas & exilium perpetuum. Similis autem fere figura est, infra cap. 3. & apud Ezechielem cap. 24. v. 15. ubi per uxorem Prophetae mortuam mors & poena, & calamitas populi summa significatur.

*Erit tamen numerus filiorum Israel sicut arena maris, quae nec mensurari nec numerari potest: Et erit*

*pro*



IAC. MATTHIÆ PRÆLECT. 37

*pro eo quod dictum sit illis, non populus meus vos  
(estis) dicetur ipsis filij Dei uiuentis.*

VERSUS XI.

*Et congregabuntur filij Iuda & filij Israël simul, &  
ponent sibi caput unum, & ascendent de terra,  
quia magnus dies Iizreel.*

VERSUS XII.

*Dicite fratribus vestris, populus meus, & sororibus  
vestris misericordiam consequuta.*

**H**Astenus accusatio populi & poenarum comminatio  
fuit: sequitur iam altera huius concionis pars, nempe  
consolatio: qua pios & fideles & resipiscētes cōsola-  
tur, erigit & cōfirmat Propheta, & simul de vocatione gen-  
tium & Messia, eiusq; regno vaticinatur.

Primū enim si literā sequimur, sensus est: Etsi regnum  
Israēl vastandum erat, & populus in captiuitatem abducen-  
dus: tamen futurum esse, vt si in exilio etiam poenitentiam  
agerent, rursus fauorem Dei sentiant, & à Deo pro popu-  
lo & filijs agnoscantur, & ex captiuitate vnā cum Iudæis  
liberentur: & rursus in vnum corpus regni cum Iuda coa-  
lescant: sicut olim, ante regnum scissum tempore Dauidis  
& Salomonis vnum regni corpus fuit. Quòd enim hæc nō  
simpliciter, sed cum poenitentiae conditione accipiēda sint,  
si ad literam intelligantur, docet primū Moses ipse, qui  
Deut. 30. v. 1. disertē poenitentiae conditionem promissio-  
nibus addit. Cū hæc omnia, inquit, tibi euenerint, & ea a-  
nimo expenderis inter Gentes ad quas expulerit te Domi-  
nus, & conuersus fueris ad Iehouam Deum tuum, &c. Tum  
reducat Iehoua Deus tuus captiuitatem tuam, & miserebi-  
tur tui, & congregabit te de cunctis populis, ad quos disper-  
serit te Iehoua Deus tuus.

Tum Hoseas ipse, qui cap. 14. v. 2. Reuertere, inquit, Israël

F 3. ad



ad sehouam Deum tuum: quoniam corruisti per iniquitatem tuam, &c. Vbi manifesta est pœnitentiæ mentio.

Postremò hoc ipsum euentus docet: Israëlita enim vt suprà dictum est, nunquam ab exilio ad regni instaurationem redierunt, nisi qui fortè cum Iudæis tempore Cyri sese coniunxerint, & in terram Iuda reuersi sint: vnde apparet, verba Prophetæ cum conditione pœnitentiæ accipienda esse. Quoniam enim non egerunt pœnitentiam, non etiam ex captiuitate liberati redierunt.

Hic igitur sensus literalis est: Si egerint pœnitentiā Israëlita captiui & exules, rursus Deo curæ erunt, multiplicabuntur, & in patriam atque regnum reuertentur.

Vt autem alij Prophetæ, ita & Hoseas in consolationibus præcipuè, non tantum ad bona corporalia & corporalem liberationem populi Israëliti & Iudaici ex Assyria & captiuitate Babylonica & regni & politiæ institutionem respicit: Sed in primis ad Messiam Patribus & populo Iudaico promissum, qui promissionum omnium etià de bonis corporalibus populo isti promissis fundamentum est, & rex atq; defensor Ecclesiæ, id quod Hebræi etiam saniores fatentur: & ad collectionem Ecclesiæ ex Iudæis & Gentibus per Messiam futurā. Cumq; hæc, quæ hoc loco, & aliquot deinceps cōcionibus Hoseas varicinatur & Amos ca. 9. corporaliter impleta nō sint, præcipuè de Messia, eiusq; regno, & Gentium ad Ecclesiæ societatem vocatione agēs pro testimonio citat. Affirmat igitur propheta tempore Messia numerū Israelitarū: id est, fideiū, & in Christum credentiū rātum futurum, quantus est numerus arenæ: id est, maximū, ac tum futurum vt multi etiam ex Israël Messiam vnā cum Gentibus agnoscant, & ab eo edocti idolis abiectis, verum & viuum Deum colant, & eius deinceps filij habeantur, ac tum simul Iuda & Israël: id est, Iudæos & Gentes sese vni capiti & regi Christo subiecturos, & ex captiuitate peccati, & potestate tenebrarum liberati, vnā ad Ecclesiam ascendant, idq; tempus longè felicissimum & celeberrimum, quo tempore



IAC. MATTHIÆ PRÆLECT. 39

pore & fideles ipsi, populus & amici Dei erunt, & omnes inter sese charitatis affectu fratres atq; sorores.

Alij hæc referunt ad extremam Iudeorum conuersionem ad fidem, & liberationem, de qua Paulus Rom. 11. v. 25. con-  
cionari videtur. Sed satius esse videtur de Messia tempore cum eodem Paulo hæc accipere. Atq; hæc de sensu, nunc de verbis & Grammatica.

Erit tamen.] Hebraicè est. Et erit. Et. pro aduersatiua posita. vide versu 7. est enim hic Antithesis sicut & illic.

Vt arena maris.] Videtur Propheta respicere ad promissionem factam Abraham. Gen. 15. v. 5. & 22. v. 17. in qua hæc verba sunt: Aspice stellas cœli, & numera arenam maris si potes, sic erit semen tuum. Qua collatione simpliciter magna & ingens multitudo significatur, vt. 1. Samuel. 13. v. 5. apparet: & 2. Samuel. cap. 17. v. 11. Et Ieremiæ 15. v. 8. dicitur viduæ multiplicatæ sunt Ierusalymis magis quàm arena maris: qua figura etiam profani scriptores vtuntur: vt Homerus lib. 9. Iliad. v. 385. vbi Achilles: Non, inquit, si tantum auri Agamemnô mihi dederit, quantum est arenæ aut pulueris, filiam eius vxorem ducere.

Et Virgilius 2. Georgic. de varijs arborum speciebus loquens:

*Sed neq; quàm multæ species, nec nomina quæ sint,  
Est numerus: neq; enim numero comprehendere refert:  
Quem qui scire uelit: Libyci uelit æquoris idem  
Discere, quàm multæ Zephyro turbentur arenæ.*

Quæ non mensurari.] In Hebræo est, quæ non mensurabitur, nec numerabitur. Verba enim Hebræa futuri temporis, sæpè pro proprio infinitiuo & verbo posse ponuntur, & per eadem exponenda sunt. vt 1. Reg. 3. v. 8. Seruus tuus est in medio populi multi, qui nec supputabitur nec numerabitur: id est, supputari aut numerari nō potest. Et 2. Reg. 5. v. 12. Nōne meliores sunt Amana & Parpar fluij? annōn lauabo me in illis. i. lauare me poterō? Et Gē. 13. v. 16. hæc interpretatio expressa est, cū dicitur: Ponā semen tuū vt puluerē terræ:



terræ: quia si poterit quis numerare puluerem terræ, etiam semen tuum numerabitur: id est, numerari poterit.

*Et erit.*] id est, futurum est. *Filij Dei uiuentis.*] Id est, filij mei, qui sum Deus uiuens. Est enim mutatio personæ: plus autē est filios Dei quàm populum. Est autem appellatio pro re ipsa, ut suprà.

*Et congregabuntur.*] Scilicet in vnum regni corpus. *Filij Iuda & filij Israël.*] id est, Iudæi & Gentes typicè. *Ponent sibi caput unum.*] id est ducem seu regem, vel Messiam, quem Paulus caput Ecclesiæ appellat. ad Ephe. i. v. 22. & alibi. Per caput autem unum, regni corpus: vel Ecclesia significatur, ut vel in vnum regni corpus, vel in vnam Ecclesiam coalescant.

*Et ascendent.*] Scilicet, Ierusalymam, quòd ea in montibus sita esset, vel ascendent ad Ecclesiam. *Ex terra.*] Scilicet, vel captiuitatis, vel ex regno Diaboli. *Quia magnus dies.*] Id est, celebris & illustis: scilicet erit, qui contrà antè obscurus & tristis fuit: dies enim non solum pro calamitate, sed etiam pro rerum secundarum tempore & lætitia accipitur: ut Psal. 118. v. 24.

*Izreel.*] Id est, populus antè dispersi. In voce enim Izreel noua hîc esse videtur significatio priori opposita. Suprà enim v. 4. Izrehel, dissipatos, & quasi disseminatos à Deo, significare videbatur: nûc verò seminatos in terra sua: ut cap. 2. v. 23 dicitur: Seminabo eam mihi in terra. Et Amos 9. v. 15. Plantabo, inquit, eos super terram suam.

*Dicite.*] Apostrophe est ad liberatos ex captiuitate, & ad credentes, qua significatur futurum esse, ut illi Deo maxime curæ sint: id enim noua nomina (populus meus & dilecta) significant: & ipsi inter sese concordia & charitate deuini fratres & sorores sint omnes.

*Populus meus.*] Id est, populus Dei: opponitur autem hoc nouum nomen superiori nomini filij prophetici loami: id est, non populus meus.

*Dilecta.*] opponitur & hoc nouum nomen nomini filiæ propheticæ Lo rychamah: id est, non dilecta. Atque hîc  
rursus



rursum apparet nomina liberorum prophetarum magis ad populū ipsum, quā ad liberos Prophetę pertinere: & quod de liberis eius dicitur magis typum & figuram esse, quā rem gestam: hīc enim nomina noua, quę prioribus opponuntur, & gratiam significant, non imponuntur nouis liberis prophetę, sed tantū populo ipsi, nec priorum liberorum nomina mutari dicuntur, sed populi tantū. Nam si res gesta fuisset, non minus liberi noui, qui gratiam significarent, & nomina gratiæ præferrent, procreandi fuisset videntur, quā qui iram Dei & pœnam significarent, & nomina irę & pœnę gestarent: aut saltem priorum liberorum nomina fuisset immutanda.

## CAPVT SECVNDVM.

## VERSVS PRIMVS.

**L**itigate cum matre vestra, litigate quoniam ipsa non (est) vxor mea, & ego non sum vir eius, vt auferat scortationes suas à facie sua, & adulteria sua è medio vberum suorum.



**L**ITERA concio est, priore paulò & fusior, & aptior, & prioris quasi expositio, quę & ipsa ex parte allegorica est, Propheta enim maritus Deum, vxor prophetę populum seu regnum refert: liberi Prophetę & vxoris singulos in populo & regno denotant. Et hīc rursum, primū accusatio est adulterij spiritualis: id est, idololatrię regni Israēlitici: & simul grauis pœnarum denunciatio. Propheta enim primū de vxoris suę adulterio conqueritur, eiq; pœnam repudij minatur: id est, Deus de populi sui Idololatria conqueritur, eiq; pœnas exilij & vastitatis comminatur.

Primus autem hic versus admonitionem continet figuratam, apostrophe ex vltimo versu præcedentis concionis

G repe-



repetita: qua Propheta quasi liberos suos: id est, pios & fideles compellat, & monet atq; iubet vt illi matrem adulteram: id est, Synagogam impiam & idololatricam obiurgēt, & cum ea expostulent. Et additur finis obiurgationis, nempe resipiscentia matris, vt desinant fornicari, & Idola colere. Finis enim reprehensionis omnis & afflictionis est poenitentia.

Simplex oratio esset prophetæ quidem de vxore conquerentis: vxor mea adultera est, quare admonenda est, vt resipiscat antequam eam repudiem. Dei autem de populo conquerētis: Populus meus, populus idololatra est, quare admonēdus est, vt resipiscat, antequam eum prorsus abiciā.

*Litigate, litigate.*] Repetitio ad rem exaggerādam: q.d. grauiter cum ea expostulate.

*Cum matre.*] Lyranus de Ierusalyma exponit, sed perperam: nam vt antē diximus, Propheta Samariæ, non Ierusalymæ concionatur: ideo autem liberi cum matre expostulare iubentur, quod eorum magnoperè interesset, vt mater honestè se gereret, maternum enim dedecus in liberos redundare solet.

*Quia ipsa non uxor mea.*] Id est, quod non seruat mihi fidem coniugij, non se pro vxore mea gerat, nec me pro marito habeat atque agnoscat, sed aliis sese turpiter prostituat.

*Vt auferat.*] In Hebræo est, Et quod hīc vel per finalem *ut*, vel per illatiuam particulam *ergo* seu *igitur*, vertenda est.

*A facie & uberibus.*] Alludit hac loquutione ad mores & consuetudinem meretricum, quæ caput & pectus in primis ornare solent, vt amatores alliciant, atque detineant, & in his ipsis corporis partibus, nempe oculis & vberibus præcipua impuditiæ signa, quibus sese produnt, & viris influant, apparent. Simplex oratio fuisset, vt desinat tandem scortari.

*De medio uberum suorum.*] Ad verbū est, de inter vbera. Duæ enim Præpositiones more Hebræo iunguntur, quod Latine exprimi non potest; Sed aut altera Præpositio omittēda est, vt sic



vt sic dicamus, *auferat de uberibus suis*. Aut in nomen mutanda est, vt hîc factum est. Vbera autem non tantum ornant meretrices, sed voluptatis materiam faciunt. Mores autem meretriceos multis verbis depingit Ezechiel ca. 16.

## VERSUS II.

*Nefortè expoliam eam, & denudem, & statuam eam secundum diem natiuitatis suæ, ponamq; eam quasi desertum, & ponam eam quasi terram siccitatis, & enecem eam siti.*

Comminatio pœnæ est per collationem. Nisi respiciat populus, agam cum eo, sicut maritus cum vxore adultera agere solet. Vt enim ille adulteram domo eiectam, ignominia causa ornamentis matronalibus spoliari & denudari: Ita ego, inquit Iehoua, per hostes Assyrios populum Israëliticum omnibus regni & Reipub. ornamentis atque præsidij spoliabo. Et hîc nuditatis amplificatio est, cum dicitur: *Statuam eam secundum diem natiuitatis suæ*: Id est, tam nudam reddam, quo eo tempore, quo nata est: vide Ezechiel. 16.

Posterior pars versus idem repetit, sed proprijs ferè verbis, quæ pars prioris partis quasi interpretatio est, qua affirmat Deus se regnum in solitudinem & vastitatem reductum esse. Atque hîc dum diei natalis & deserti mentionem facit Propheta, alludere etiam videtur ad statum populi Israëlitici, recens ex Ægypto, ductu & auspicijs Mosis liberati atque egressi, & in deserto in summa rerum inopia oberrantis, & sæpè grauissimè periclitantis. Atq; ita hac allusione superbiam populi originis, & pristinae tenuitatis retundere conatur.

*Expoliam eam & denudem.* ] Hebraicè est, *ne expoliam eam nudam*. Sæpè enim verbum vnum pro duobus ponitur breuitatis causa, apud Hebræos, vt Psal. 7. v. 6. Et conculcet in terram vitam meam: pro prosternat in terram & conculcet.

G 2 vide



vide Canonem 28. Ceualerij. Sicho loco, *expoliem eam nudam*, est, pro vestibus eam spoliem, & nudam reddam, seu relinquam.

*Secundum diem natiuit.* Id est, vt diximus, tam nudam reddā, quā fuit die suo natali.

*Sicut desertum.* Vel sensus est: Reddam terram Israëliticam instar deserti: vel, redigam populum in eum statum qui fuit olim cum in deserto oberraret. Græci hîc legunt *ἐν ἔρημῳ*, in deserto, qui pro *α* legisse videntur.

*Terram siccitatis.* Id est, terram siccam & arridam: id est, desertum. Est enim eiusdem sententiæ repetitio.

*Et enecem eam siti.* Rursum figuratè loquitur, ad vxorem adulteram respiciens. De siti autem addit, quod ante dixerit *terram siccitatis*, & quod in deserto olim populus siti & inopia aquarum grauiter laborarit. Sitis autem intelligi potest, non tantum corporalis, sed etiam spiritualis, qualem Amos Hoseæ collega nominat, dum vtramq; coniūgit, cap. 8. v. 11. Mittam (inquit) famem in terram, non famē panis, neque sitim aquæ, sed audiendi verba Iehouæ.

## VERSUS III.

*Et filiorum eius non miserebor: quoniam filij fornicationum ipsi.*

**A**mplificatio pœnæ: quod filij cum matre domo eiiciendi sint: pergit enim in allegoria ad quam in fine proximi versus redijt: de marito & adultera. Estq; allusio ad maritum qui adulteram vnā cum liberis adulterinis domo expellit, quæ magna est pœnæ seueritas. Alias enim parci solent adulteris liberorum causa: hîc contrā affirmat Deus se liberorum rationem non habiturum, sed eos potius vnā cum matre domo eiekturum. Additur autem ratio pœnæ, & peccati accusatio: *quoniam filij fornicationum sunt*: id est, spurij sunt, & illegitimo thoro suscepti, & matri suæ similes: id est, superstitione & idololatria polluti. Vt igitur  
versu



versu primo, pios alloquebatur propheta, cum iubet liberos cum matre expostulare: ita hoc loco cum liberos fornicationum nominat, de impiis in populo, quales plerique erant, loquitur.

## VERSUS IIII.

*Quia scortatur mater eorum, impudicè agit genetrix eorum: dicit enim, sequar amatores meos, qui dāt mihi panem & aquam, lanam, & linum, oleum, & potum.*

**P**ergit in accusando peccatum adulterij seu idololatricæ. Est autem hic amplificatio peccati à consilio, & causa consilij. Turpe est adulteram amore victam, peccare: turpius est lucri gratia id facere: id enim faciūt lupæ & scorta publica. Ita, inquit, Deus, populus Israël, nō errore aliquo, sed consulto & cupiditate atq; spe lucri idola colit, quod ab ijs bona omnia expectet, & sibi dari existimet, quæ bona à Deo solo dari possunt. Existimabant enim melius secum agi, cum idola colerent, quàm cum verū Deum: ut à Ieremia cap. 44. graphicè expressum est, cum dicitur: Sacrificabimus reginæ cœli, ut fecimus antè. Tum enim & victu abundauimus, & læti atq; hilares viximus, neq; aduersi quicquam nobis accidit, ex quo autem hoc non fecimus, destituti rebus omnibus & gladio & fame consumpti sumus. Magna igitur hæc cæcitas est & ingratitudo idololatrarum erga Deum. Quæ cæcitas semper in mundo viget: ex rebus enim secundis & successu momentaneo, quo sæpè vtuntur publicè & priuatim impij & idololatræ, de religione & cultu Dei iudicant homines, atque hæc causa est, cur magna hominum multitudo subinde à Deo deficiat, ut hodie multi apud Turcas propter regni eius potentiā & splendorem multi deficiunt.

*Quia scortatur.*] Hebraicè Præteritum est, & hîc, & in sequentibus pro præsentî.

G 3 Quæ



*Quæ dicit.*] Dicendi verbo exprimitur cogitatio & consilium: vt Psal. 14. v. 1. Dixit insipiens in corde suo: id est, cogitauit, non est Deus.

*Qui dant mihi panem.*] Causa finalis adulterij & idololatriæ, nempe, præmium & merces: vt enim nullum sine autamento naualum est, ita etiam idola non sine spe præmij & lucri coluntur. Estque hîc amplificatio ab enumeratione, qua præcipua vitæ præsidia ad victum & vestitum necessaria enumerantur.

*Panem.*] Hebraicè est, *panem meum*, pro eo quod vertimus, *qui dant mihi panem*.

*Lanam & linum.*] Id est, vestium materiam: atq; hæc necessaria sunt: quæ autem sequuntur, *oleum & potum*, seu *uinum*, non ad necessitatem tantum, sed etiam ad voluptatem & hilaritatem spectant: vt Psal. 104. v. 16. dicitur.

*Potum.*] Id est, vinum: nam antè aquam dixit. Græci hoc loco verterunt, *Καὶ πάντα ὅσα μοι καὶ ἔτι*: id est, omnia quibus mihi opus est: non tam ad verba, quàm ad sensum respicientes.

## VERSUS V.

*Propterea, ecce ego occludam viam tuam spinis, & sepem, & semitas suas non reperiet.*

**E**X peccato pœnas concludit. Estq; adhuc oratio figurata: per *sepem* autem & *spinas* angustias & calamitates, & in primis obsidionem & captiuitatem significat Propheta, & simul alludit ad consuetudinem qua mulieres parum castæ diligentius & arctius à maritis custodiri, & quasi septis coherceri solent.

*Occludam.*] In Hebræo est præsens pro futuro, quod & septuaginta expresserunt.

*Viam tuam.*] Personæ mutatio est. Transít enim à tertia ad secundam, quam septuaginta hîc *αὐτῆς* verterunt, vt personam tertiam retinerent. *Viam suam non.*] scil. ne liberè & pro



pro libidine vagetur & ad idola adamanda discurrat.

## VERSUS VI.

*Et sectabitur amatores suos, & non apprehendet eos, quæret quoque eos, & non inueniet, & dicet, vadam & reuertar ad virum meum priorem, quoniam melius mihi (fuit) tunc quàm nunc.*

**P**Rior pars versus ad pœnam spectat. Sectabitur amatores & non apprehendet: id est, magno quidem studio & conatu auxilium & leuationem malorum ab idolis petitura est, sed nihil opis aut auxilij ab ipsis percipiet.

Posterior pars finem pœnarum iudicat, nempe vt omis- sis idolis, eorumque cultu, ad Deum verum, eiusque cul- tum conuertatur populus: id enim significant verba, & di- cet uadam, &c.

*Et sectabitur.*] Verbum est Hebræis *piel*, vnde magnum stu- dium significatur, & allusio est, ad insanum adulterarum amorem, quæ magis ferè amatores suos, quàm maritos amant. Et dicet.] Id est, vt dicat tandem: & pro finali posita.

*Vadam & reuertar.*] Phrasis Hebraica est, pro, rursus reuer- tar, priore verbo pro adverbio posito. *Quia melius.*] Ad verbum est, quia bonus mihi erat tunc præ nunc. Primum au- tem Hebraismus est: cum enim Hebræi comparatiuum non habeant, eum per positium & præpositionem *יָחַד* id est, præ exprimunt. Deinde adiectiuus pro adverbij vtuntur, vt bonus pro bené. Postremò elliptica oratio est: plena enim oratio sic esset: melius mecum agebatur cum priorem verum colerem, & ei fidem seruarem, quàm nunc cum amatores sector, & idola colo.

## VERSUS VII.

*Sed ipsa non intelligit me dare ipsi frumētum & mu-  
stum, &*



*stum, & oleum, & argentum multiplicare ipsi, & aurum, quæ aptant ipsi Baal.*

**R**ursum est peccati, nempe idololatriæ accusatio, & de populi cæcitate & ingratitudine querela, quod videlicet non intelligat populus, nec agnoscat bona omnia sibi à Deo solo, bonorum omnium fonte, dari, sed ea idolis accepta ferant: ac proinde ad idola faciêda & ornanda atque colenda ea in primis adhibeant: ut maior deinde eorum bonorum contingat copia. Et si enim facîle intelligi potuit, vnum solum esse verum & viuum Deum conditorem cœli & terræ, & bonorum omnium datorê, cuius summa & infinita sit potêtia, ligna aut lapides in Deos conuer- ti non posse, nec ab iis boni quicquam proficisci posse: Tamen cum Deus sensibus comprehendere non posset, iudicabant homines gratiorem Deo cultum fore, si ad visibiles, inuisibiles Dei imagines eum colerent, & inuocarent: ac proinde etiam Deum magis ipsis præsentem fore, & ad ipsos inuocandos & bona danda magis propensum. Quæ opinio cum vulgo persuasa esset, multi crassi homines ipsis etiam idolis numen tribuebant, & bona à Deo data ipsis accepta referebant.

*Non intelligit.]* Id est, partim non intelligit, partim non agnoscit. *Frumentum.]* Enumeratio aliquot donorum Dei, pro omnibus. *Aptant ipsi Baal.]* Hebraicè est, aurum fecerunt Baal: ubi primùm est relatiui Ellipsis, frequens Hebræis, deinde temporis Enallage, ut in verbis superioribus. Præterea verbum faciendi, vel propriè accipitur, ut sit sensus: Faciunt aurum & argentum in Baal: id est, ex auro & argento faciunt idola. Vel accipitur pro præparare, vel aptare: ac tum sensus est: Aptât aurum & argentum ipsi Baal, seu idolis, & in vsum eorum accommodant.

*Baal.]* Vox Baal in genere significat Dominũ seu herum, seu possessorem seu patronum, seu maritum: ut Dominus sapientiæ: id est, sapiens, à radice *בָּאָל*: id est, dominari, possidere, &c. In specie autem significat idolum, quod ceu domi-



IAC. MATTHIÆ PRÆLECT. 49

dominum suum & patronum homines colant, ament, & venerentur. Hic autem & aliàs Epithetis additis, certa idola significat: vt Baal peor, Deut. 4. v. 3 Baal Zebub, 2. Reg. 1. v. 2. Baal Beritz, Iudic. 8. ver. antepenult. & hic etiam per litteram n demonstratiuam subintellectam, ad certa idola restringitur ab Achabo introducta, nisi velimus Synecdochè esse, vt pro quouis idolo accipiatur.

VERSUS VIII.

*Propterea reuertar, vt sumam frumentum meum tempore suo, & vinum meum tempore suo, auferamq; lanam meam, & linum meum, quibus tegebatur nuditas eius.*

**H**Atenus alternatim accusatio fuit & comminatio, sequitur nunc comminatio tantum ad finem versus duodecimi, per versus quinque, nisi quod versus vndecimus accusationem mixtam habeat. Quare in his Grammatica tantum excutiemus.

*Reuertar & sumam.* ] Id est, rursus sumam, seu auferam, & eripiam: prius enim verbum per aduerbium vertendum est, abiecta copula, vt Gen. 30. v. 31. Reuertar pascam: id est, rursus pascam. Et Psal. 85. Reuerteris viuificabis nos: id est, rursus viuificabis.

*Frumentum meum.* ] Scilicet, quod à me, non ab idolis datur.

*Tempore suo.* ] Id est, suo anni tempore, seu messis & vindemiae tempore, cum iam frumentum & vinum quasi in manibus esse videantur. Itaque hic auferre seu eripere dicitur Deus, quod nō dat, sed tantum ostendit. *Quibus nuditas eius.* ] In Hebræo rursus oratio Elliptica est, quæ supplenda est relatiuo subintellecto & verbo commodo, vt hoc modo: Auferam lanam & linum, quibus utebatur ad tegendam nuditatem. vel, quæ dederam ipsi ad tegendam nuditatem. Abusus igitur donorum Dei priuatione punitur.

H VER-



*Et iam detegam stultitiam eius ob oculos amatorum eius, & nemo eripiet eam è manu mea.*

**P**oenarum exaggeratio à temporis breuitate, & poenarum spectatoribus.

*Etiam.* Id est, breui, seu paulò post. *Detegam stultitiam eius.* Id est, vestibis spoliabo, vt appareat stultitia eius, vt sit allusio ad poenam adulterarum, qualis fuit suprà v. 2. Vel, poenis ipsis docebo quàm stulta fuerit. *Ob oculos amatorum.* Id est, spectatoribus idolis, vbi prosopopœia est: idola enim non vident. *Et nemo.* Scilicet amatorum, seu idolorum ipsi opem ferre poterint. In Hebræo est: *Et uir non eripiet eam.* Vox enim *uiri* interdum distributiue Hebræis accipi solet, vt hoc loco. *Vir non*: id est, nemo. Et futurum eripiet potentialiter ponitur: vt suprà cap. 1. v. 10.

## VERSUS X.

*Et cessare faciam vniuersa gaudia eius, festa eius, nouilunia eius, & Sabbatha eius, & dies festos eius.*

**R**ursus amplificatio cōminationum est, per Enumerationem seu distributionem bonorum, quibus Israëlites in regni vastatione spoliandi essent. Estq; hîc oratio propria ad terram seu gentem ipsam spectans. Primum autem affirmat Deus se festa omnia in quibus publica lætitia esse solebat, deleturum. Per festa autem intelligit etiam sacrificia, & latam cultus externi pompam, qua ipsi maximè confidebant, & sese iactabant. Cum interim ea maximè abuterentur, eaq; Deū grauissimè offenderent. Quod igitur præcipuum regni ornementum fuisset, si rectè exercuissent, quodq; hypocritis præcipuum nequitiae velamen erat, id se ipsis detracturum affirmat, Deus, vt tandem appareat, eos nihilo gentibus esse meliores. Simul autem per festa, verbi Dei audiendi copia, deiq; veri cognoscendi & celebrandi occa-



IAC. MATTHIÆ PRÆLECT. 51

di occasio significatur, quæ vnà cum festis & ministerio peritura esset, quod famles & sitis spiritualis erat, & pœna omnium grauissîma, de qua sup. v. 2. dictum est.

Vniuersa Iudæa.] Id est, festa, adiuncto pro subiecto posito. Est autem in hac voce & reliquis sequentibus numerus singularis pro plurali. Et nouilunium & sabbathum.] Species festorum sunt: reliqua generaliter festa significare videntur.

VERSUS XI.

*Et vastabo vineas eius, & ficus eius, quod dicat eas  
esse mercedem suâ, quam dent ipsi amatores ipsius,  
& redigam eas in syluam, & comedent eas bestie  
agri.*

Corporalium bonorum secundo loco priuatio significatur: per vineas autem & ficus reliqua omnia Synecdochicâs intelligenda sunt, quæ ad victum, vestitum, necessitatem & voluptatē hominibus tribuit Deus. Causa autem pœnæ versu quarto & septimo supra fuit, quæ hîc breuiter repetitur, quod videlicet Dei dona idolis accepta ferrent. Sæpius autem hæc causa repetitur, vt intelligatur hac ingratitude nihil Deo magis ingratum fuisse.

Vineas eius.] In Hebræo, & hîc singularia sunt pro pluralibus. Quod dicat.] Hebræicè Mimelis est. Et redigam eas in syluam.] Græci hîc reddiderunt, Ponam eos in testimonium: per syluam autem bestia agri, solitudo & vastitas regni significatur. Est etiam in relatiuis generis mutatio: pro fœminino enim Hebræicè masculinum est. Bestie agri.] Hîc Hebræicè singulare est, pro plurali: quod in nominibus generum & specierum frequentissimum est. Bestie autem agri sunt agrestes: id est, feræ.

VERSUS XII.

*Et visitabo aduersus eum dies Baalim, quibus accendit thura, & ornabat sese in aure sua, & monile*

H 2 suo,



*suo, sequebatur amatores suos, mei autem oblita est inquit lebona.*

**C**onclusio comminationis totius breuiter causam poenarum repetēs, nempe cultum Idolorum & veri Dei obliuionem & contemptum.

*Visitabo dies Baalim.*] Id est, poenas sumā de ijs propter idolatriam & cultum Baalim, vt dies: id est, tempus, pro temporis subiecto ponatur. De verbo autem visitandi, vide supra, cap. 1. v. 4.

*Quibus.*] Causę poenarum repetitio est, vt diximus. Quod autem antè singulariter Baal dixit, quasi de vno, hinc pluraliter dicit Baalim, quasi de pluribus centis idolis.

*Ornabat sese.*] Alludit ad mores meretriceos, & explicat quod versu primo dixit: *Vt auferat scortationes suas à facie sua.* Nominat autem duo ornamenta pro multis. Multa autem fuisse mulierum ornamenta & varia etiam tum temporis, Esaie cap. 3. v. 19. apparet.

*Mei autem oblita est.*] Antithesis est.

## SECUNDA PARS

CONCIONIS SECUNDA.

VERSUS XIII.

*Deinceps autem ecce ego persuadebo ei, & educam eam in desertum, & amanter cum ea colloquar.*

**H**actenus prima pars fuit concionis, nempe accusatio & comminatio. Sequitur altera, nempe consolatio, eaq; amplissima & omnibus alijs longior, nisi quod vltima hanc ferè æquat: hac autem & populum Israëliticum & totam Ecclesiam consolatur Propheta. Affirmat enim futurū vt populus si modò etiam in exilio poenitentiam egerit, cum Deo in gratiam redeat, & ab exilio in patriam reuertatur, & simul vt Ecclesia tempore Messie ex Iudæis & Gen-



& Gentibus voce Euangelica colligatur, vt in prima con-  
 cione diximus.

*Deinceps autem.* ] In Hebræo est  $\eta\lambda\eta$ : id est, propterea. Parti-  
 culæ enim indeclinabiles variè ab Hebræis accipi solent, &  
 semper præsentī loco accommodandæ sunt.

Et si autem hæc particula  $\eta\lambda\eta$  plerumque significat pro-  
 pterea vel idcirco: tamen hoc loco non concludit præsen-  
 tem orationem, sed potius nouam & superiori contrariam  
 continet: Itaq; per aduerbium deinde, vel postea commo-  
 dius exprimitur, vt & factum est.

*Persuadebo illi.* ] In Hebræo præsens est pro futuro: persua-  
 debo: id est, operam dabo vt consilium muret, vt relictis  
 idolis ad me reuertatur, & in patriam ad me colendum re-  
 uerti cupiat & expectat.

Respicit autem his verbis ad figuram de matrimonio &  
 adulterio, opponitq; Deus quasi bonus maritus suam per-  
 suasionem & seductionem, persuasioni seu seductioni ama-  
 torum à quibus vxor seu populus seductus, à Deo abalie-  
 natus erat.

*Educam eam in desert.* ] Id est, Ab exilio liberabo, & libera-  
 ra deinde per desertum liberè in patriam proficiscatur. Est  
 enim Allusio ad veterem populi ex Ægypto liberationem,  
 & per desertum educationem, id quod disertè proximo ver-  
 su indicatur, & hoc desertum opponitur deserto versus se-  
 cundi & syluis in versu 11. supra.

*Et amanter cum ea colloquar.* ] Hebraicè est: & loquar ad cor e-  
 ius. Quæ phrasis & alibi est. vt Gen. 50. v. 21. Loquutus est  
 Ioseph ad cor fratrum suorum: id est, cepit amicè & blandè  
 cum ijs loqui, vt tristes ac timidos confirmaret. Sic 2. Sa-  
 muel. 19. v. 7. Ioab ad Dauidem: Loquere, inquit, ad cor ser-  
 uorum tuorum: id est, blandè & leniter milites alloquere.

## VERSUS XIII.

*Et reddam ei vineas suas inde, & vallem Achor ad  
 Lanuam spei, & canet ibi sicut tempore adolescen-*

H 3 tia



*tia* (cecinit) & *sicut* (cecinit) *tunc cum ascendit ex terra Aegypti.*

**R**eductio in Patriam & coniuncta lætitia significatur, amplificata collatione: atq; hîc iam collatio aperta est, cuius futuræ liberationis cum veteri liberatione populi ex Ægypto & ingressu in terram Canaan.

*Reddam ei vineas.*] Id est, reddam ei patriam, sedes, ac vites, & omnia reliqua ablata. Est enim Synecdoche in voce vinearum pro tota terra. Vnde Græci hoc loco sensum magis quàm verba sequuti, *κτῆματα*: id est, possessiones verterunt. *Vineas* autem nominat respiciens ad versum 11. & quod vinum non tantum necessitati seruiat, sed etiam ad hilaritatem faciat, quæ liberationem sequutura erat.

*Inde.*] Vel temporis significatio est, ut sit inde postquam ab exilio redierint: vel de loco accipitur, postquam videlicet deserto peragrato ad fines patriæ redierint.

*Vallem Achor.*] Vallis Achor sit mentio Iosue 7. v. 24. & deinceps. Nomen accepit ab eo quod ibi accidit, quod videlicet Achor qui furto suo Israëlẽ turbauit, idem ibi rursus turbatus. i. lapidibus obrutus sit. Achor, *עכור*, enim turbare significat: vnde *עכור* turbatio, & vallis Achor, quasi vallis perturbationis.

Videtur autem locus non tantum amœnus, sed etiam fertilis admodum fuisse. Vnde Esaia 65. v. 10. fertilitas eius commendari videtur. Et circa urbem Iericho huic valli vicinum balsamum quod nusquam alibi proueniebat, maxima copia nascebatur. Per *uallẽ* igitur Achor rursus Synecdochicè patriam terram Iudaicã totam, & rerum omnium copiam intelligit Propheta. Eam autem vocat Ianuã spei, quod locus esset, qui Iordanem transgressis primus ferè occurreret, & ad quem locum traieci Iordanem primum appulerunt Israëlita cum in possessionem suam quasi introducti essent Iudæi. Erat enim vel pars loci Gilgal, ubi primum castra habuerunt Israëlita: aut saltem ei loci vicinus ad par-



ad partem orientalem vrbis Iericho. Hic igitur locus Ianua  
spei futurus esset populo ab exilio reuertenti: id est, primus  
ingressus speratæ & optatæ patriæ, non aliter atque Israëliti-  
tis olim hic prima quasi fores terram ingredientibus fuere.  
Itaq; & spes *μετ' ἀντιμικῶς* pro re seu terra sperata ponitur.

Et canet ibi lætitia.] Liberatio amplificatur ab adiuncta læti-  
tia, quæ per cantum indicatur. Alludit autem rursum ad  
exitum ex Aegypto, & ad carmen quod mari rubro trās mis-  
so cecinere Israëlita. Exod. 15.

Cum autem dies adolescentiæ nominat Propheta, rur-  
sum lætitiā ipsam amplificat, & figuratè loquitur ad mu-  
lierem, eiusque adolescentiam respiciens. Iuuentulæ enim  
cantibus & choreis delectantur. Quomodo autem id po-  
pulo conueniat, Propheta ipse interpretatur, dum adoles-  
centiam populi appellat id tempus quo ex Aegypto primū  
ingressus est. Vide sup. ver. 2. Vbi hoc tempus, tempus na-  
tiuitatis dictum est: vt & Ezechiel cap. 16. loquitur.

## VERSUS XV.

*Et eo tempore futurum est, ait Iehoua, vt voces me  
אִשְׁכִּי (Ischi) (id est, vir seu marite mi) & non vo-  
ces me amplius בְּעָלִי (Baali): id est, Domine seu pa-  
trone mi.)*

SEquitur Enumeratio bonorum spiritualium & corpo-  
ralium, quæ poenitentiam & liberationem populi es-  
sent subsequutura. Et primum quidē spirituale & sum-  
mum bonum hoc versu promittitur, nempe veri Dei agni-  
tio & cultus, veræq; religionis instauratio, deleta & aboli-  
ta prorsus idololatria & idolorum memoria iam extincta.  
Sermo autem rursum figuratus est Allegoria matrimonij.  
Estque etiam personæ mutatio & Apostrophe qua maritus  
quasi vxorem: id est, Deus populum compellat.

*vocabis me.]* Appellatio est pro re ipsa: vt i. cap. aliquoties  
fuit. Vt enim Hebræi sæpè factum pro dicto ponunt: sic con-  
trā ple-



tra plerunq; dicto pro facto, & appellatione pro re vrun-  
tur, vt hic: Apellabis me maritum: id est, reipsa me pro ma-  
rito habitura es, me solum coles, amabis & obseruabis.

<sup>יְשִׁי</sup> Ischi.] Respicit ad consuetudinem qua vxor amoris  
caussa maritum compellat.

<sup>בְּעָלִי</sup> Baali.] Antithesis de idolis negligendis. Non voca-  
bis me, inquit, eo nomine quo idola appellari solent: eo e-  
nim tempore nihil mihi cum ijs commune esse volo, & ne  
nomen quidem eorum audire, quod etsi tollerabile sit: ta-  
men quoniam idolis tribuitur, id mihi tribui nolo, quod ne  
fiat prorsus, tum delebitur. In <sup>יְשִׁי</sup> Ischi autem & <sup>בְּעָלִי</sup> Baali,  
soni postremi similes sunt.

## VERSUS XVI.

*Et auferam nomina Baalim ex ore eius, & non erit in  
memoria amplius nomen ipforum.*

**P**osterioris hemistichij proximi versus Interpretatio &  
expolitio est. Ita enim inquit: Idola peritura sunt, vt  
ne nominis quidem ipforum memoria vlla reliqua fu-  
tura sit.

## VERSUS XVII.

*Et feriam illis fœdus eo tempore cum bestijs agri, &  
cum volucris cæli, & reptilibus terra: & arcum  
& bellum confringam de terra, & efficiam vt qui-  
escant secure.*

**P**romittitur bonum corporale, nempe pax publica, qua  
tuti futuri sint ab incurso bestiarum, & hostium omniū,  
vt tutò deinceps in pace & tranquillitate degant.

*Feriam illis.]* Id est, ipforum nomine, non cum illis, vt ve-  
tus habet. Fœdus enim cum bestijs fieri dicitur in gratiam  
hominum, vt pacem cum illis colant.

*Cum bestijs agri.]* Oratio allegorica, pro præcipiam feris, vt  
quasi fœdere inter ipsas & fideles facto sese gerant, & ab  
ipsis,



IAC. MATTHIÆ PRÆLECT. 57

ipsis, eorumq; bonis, dentes & ungues deinceps abstineat. Simul autem more prophetico, ferè de tyrânis & hostibus Ecclesiæ, deq; Diabolis ipsis intelligi possunt.

*Et arcum.*] Altera pax cum hominibus, ne bello deinde Ecclesia lacefferetur. In his autem substantiuis, numerus singularis pro plurali in Hebræo est.

*Et bellum.*] Id est, cætera instrumenta bellica, vt sup. i. v. 7. fuit.

*Conteram de terra.*] Id est, confringam & auferam, de terra: vno verbo pro duobus posito, vt sup. cap. i. v. 2.

*Efficiam ut cubat.*] Superiorum interpretatio breuis. In verbo autem *cubandi* seu *quiescendi* metaphora est à dormientibus, qui rerum omnium securi esse solent.

*Securè.*] Hebraicè est ad fiduciam, seu in fiducia: id est cōfidenter & securè. Hebræis enim præpositio substantiuo addita sæpè aduerbiū exprimit: vt in fiducia: id est, vt diximus confidenter, seu vt Verus vertit *fiducialiter*. Est autem in hoc versu & propria de populo loquutio, & proinde numeri & personæ mutatio. Pluraliter enim in tertia persona Deus loquitur.

VERSUS XVIII.

*Et desponsabo te mihi in sempiternum: & desponsabo te mihi in Iustitia & in Iudicio, & in misericordia, & in miserationibus.*

VERSUS XIX.

*Et desponsabo te mihi in fide: & cognosces Iehouam.*

**R**ursum bonum spirituale est, nempe gratia & misericordia Dei erga populum, & adulterij spiritualis seu idololatriæ remissio, & fœderis quasi coniugalis instauratio, nouaque desponsatio. Et hîc rursum oratio figurata est, allegoria matrimonij & oratio ad numerum singularem & personam secundam reuertitur, qua maritus uxorem: id est, Deus populum compellat. Hæc autem gratia

I Dei



Dei primum ipsa allegoria amplificatur: ut enim magna est mariti qui adulteram in gratiam recipit indulgentia, & clementia, idq; præsertim in eo populo erat: Ita etiam Deus qui populum idololatram in gratiam recipiat, magna est clementia & misericordia. Deinde eadem gratia & fœderis instauratio ab adiunctis describitur, & amplificatur, ut sunt fœderis perpetuitas, integritas, amor & fides sponsi. Opponitur autem hic versus, versui secundo capitis primi, & versui primo capitis huius.

*In æternum.*] Prima fœderis & matrimonii instaurati conditio, quod futurum sit æternum. Quod de fœdere Christi & Ecclesiæ in primis verum est.

*In iustitia & iudicio.*] Altera fœderis conditio, quod sit sine dolo & fraude futurum, quodq; in desponsatione nihil sit futurum simularum aut insidiosum, sed omnia rectè & bona fide agenda sint. Sic enim phrasis aliàs etiam accipitur: ut Psal. 119. v. 121.

*In misericordia & miserationib.*] Tertia fœderis conditio, quod sponsus sponsam seu Deus populum summo deinceps amore complecti velit, qui amor non tantum meritis & dignitati populi, sed in primis suspicioni vxoris, seu populi de peccati recordatione opponitur.

*In fide.*] Quarta fœderis conditio, quod videlicet sponsus: id est, Deus fideliter & firmiter fœdus seruare velit, quæ conditio eadem ferè est cum prima: quia enim fideliter seruandum erat, perpetuum etiam futurum erat.

*Et cognosces Iehouam.*] Sensus hic duplex esse potest: primus cognosces Iehouam: id est, senties te cum Deo in gratiam rediisse, senties eius fauorem & beneficia, & re ipsa experieris te omnia bona habere à Iehoua, non ab idolis: ut hæc etiam verba ad sponsi erga sponsam animum & fœderis conditionem referantur: vel etiam hæc verba ad sponsam referri possunt: ut ijs significetur mutua sponsæ erga sponsam obligatio, affectio & officium, ut sit sensus: *Cognosces: id est, amabis vicissim Iehouam, eumq; coles & obseruabis:*



uabis: ut verbum notitię pro affectu ponatur, more Hebraico. In nomine autem Iehoua personę mutatio est. Est enim terra pro prima: ut sit, cognosces Iehouam: id est, cognosces me. Loquitur enim ipse Iehoua: vide sup. cap. i. v. 7.

Verbum desponsandi ter in his duobus versibus repetitum ad rei exaggerationem & asseuerationem facit, quę asseueratio opponitur dubitationi de gratia & fauore Dei, & forma reconciliationis. Quod autem Hieronymus ex hac repetitione triplicem desponsationem faciat, quarum prima facta sit tempore Abraham: secunda in monte Sinai: tertia Mesię, hoc quidem loco subtilius est.

In.] Prępositio substantiuus additur more Hebraico, quę in versione superuacanea est. Atq; hactenus sensus literalis & Grammatica fuit. Possunt autem etiam hęc ad Christum Ecclesię responsum, & Ecclesiam Christi sponsam recte accommodari. Atque tum voces in his versibus ita exponi possunt, ut iustitia significet iusticiam Christi sponsi, Ecclesię imputatam, ut iudicium sit pœna hostium & defensio Ecclesię, Misericordia significet dona quibus Ecclesia à sponso ornatur pręsertim spiritualia: miserationes verò asseutum quo Christus in periculis & calamitatibus erga spōsam afficitur, & ad iuuandum mouetur. Atque tum fides & cognitio ad sponsam referri possunt.

## VERSUS XX.

*Tunc exaudiam, inquit Iehoua: exaudiam, inquam, caelos & illi exaudient terram, & terra exaudiet firmamentum & mustum & oleum, & illa exaudient Iizreelem.*

**R**ursum promittitur beneficium corporale bonum, nēpe rerum omnium ad vitam necessariarū copia & vbertas. Per frumentum mustum & oleum cætera omnia intelliguntur: & opponitur hic versus versui 7. & 8. Estque oratio rursus propria sine Allegoria, sed interim

I 2 dulcis



dulcissimis figuris ornata, nempe prosopopœia qua cœlo & rebus alijs tribuitur id quod hominum proprium est, nempe facultas precandi & exaudiendi. Deinde gradatione qua voces antecedentes sequenti loco repetuntur, nisi quod bis pro antecedentibus relatiuum sit repetitum: tertio verbi exaudiendi repetitione & polyptoro.

*Exaudiam.*] Quasi cœli nostro nomine preces Deo adhiberent, vt is patiatur ipsos terram fecundare, & terra cœlos sollicitaret, & sic deinceps. Sed oratio, vt dixi, prosopopœia ornata est, qualis & illa videtur Rom. 8. v. 19. vbi rebus inanimatis spes voluntas & suspiria tribuuntur: nā aliās Deus homines se inuocantes exaudit. Sed interim cœlum & terra exaudire dicuntur, quod per ea quasi per organa & canales quosdam Dei benedictio ad nos perueniat. Repetitio autem vocis *exaudiam*, initio ad exaggerationem facit.

*Exaudiam cœlos.*] Cœli enim calor Solis & pluuia terram quasi grauidant & fecundant, vt est in nouissimis verbis Dauidis 2. Samuel. 23. v. 4. Ex splendore & pluuia existunt ex terra stirpes: quare cœlum vice genitoris est.

*Terram.*] Terra enim instar genitricis est, quæ sine pluuia, calore & radijs Solis sterilis ferè & infœcunda est.

*Mustum.*] per mustum etiam vinum intelligitur. Est enim mustum vinum recens expressum.

*Et illa.*] Relatiuum hîc pro antecedentibus positum est, ne trium antecedentium repetitio molesta foret.

*Exaudient.*] Id est, votis piorum & fidelium respondebunt, & in magna copia prouenient.

*Lizrelem.*] Id est, populum Israëliticum à dispersione & exilio reuersum. Estque in hac voce seorsum figura multiplex: primum enim *lizreel* est pro Israëlitis: id est, vrbs pro ciuibus: quod Metonymia est. Deinde Israëlita pro toto populo sunt, quæ est Synecdoche. Præterea Allusio est ad nomen Israël & *lizreel*, vt & i. c. fuit, quæ est paronomasia. Ad hæc ad Erymologiam Allusio est. *Lizreel* enim est, & hoc loco dicitur quasi semen Dei. Postremò si hæc Erymologia & interpretetur.



# IAC. MATTHIÆ PRÆLECT. 61

terpretatio conferatur cum ea, quæ i. cap. fuit, vbi Iizreel quasi disseminatio & dispersio Dei propter exilium futurū à Propheta dicebatur, Antanaclasis est.

Sunt igitur & in tota sententia & in hac voce multæ figuræ, quod diligenter obseruandum est, propter eos qui linguam sanctam horridam, incultam & barbaram esse perperam existimant.

## COROLLARIA.

Primum. Vt hi versus eos refutāt qui linguam, vt dixi, barbaram existimant, ita contra obiter studium sermonis purioris & elegantioris etiam in rebus sacris tractandis nobis commendant.

Secundum. In his versibus Epitome & Idea est, verę, eruditæ, & piæ physices, quæ à Deo profecta per cælum & res cœlestes progressa in terram & elementa reliqua descendit. Ibiq; descriptis meteoris, metallis, herbis frugibus, arboribus, auiibus, piscibus, pecoribus, tandē in hominem, eiusq; naturæ considerationem & explicationem desinit.

Et hætenus res omnes considerat, quatenus consideratio ad agnitionem, admirationem & celebrationem Dei opificis, & ad vsum humanum, vitæq; nostræ præsidia conferat. Cuiusmodi Physica Moïsis est, cap. i. Gen. Cuiusmodi & Dauidis fuit: vt Psalm. 104. apparet. Cuiusmodi & Salomonis 3. Reg. 4. v. 30. fuisse dicitur. Cuiusmodi & Basilij Magni est de operibus sex dierum. Et philosophorū saniorum fuisse videtur.

## VERSUS XXI.

*Et seminabo eam mihi in terra & miserebor ipsius Lo-  
rycama: (id est, quæ fuit sine misericordia.) &  
dicam ipsi Lo ami (id est, non populo meo) po-  
pulus meus tu es, & ipse dicet (mihi) Deus meus.  
(tu es.)*

I 3. Con-



**C**onclusio consolationis est. Adhæret autem hic versus præcedenti per paronomasiam, seu collusionem vocis postremæ versus præcedentis, & vocis primæ huius versus, id quod ab eo qui Hebraicè imperitus est videri non potest: nec Latinè etiam facile exprimi potest, nisi vocem Iizreel nomen proprium in duo appellativa conuertatur, & ita vertatur: *et illa exaudient semen Dei, et seminabo eam*, &c. Tum enim in *Semen* & *Seminabo* soni & vocis similitudo est, qualis etiam in Hebræis vocibus quæ sententiarum hoc loco vinculum est.

*Et seminabo.*] Id est, efficiam ut in patriam reuerfi, & in ea radices agant ne facile extirpètur, & instar frugum magno numero crescant & augeantur: qui in exilio ad paucitatem redacti fuerant. Atq; hîc dum populus semini cõfertur Metaphora est.

*Et miserebor.*] Amplificatio est ex prima concione repetita, qua nomina iræ in nomina gratiæ populo mutantur: vide sup. cap. i. v. 10.

*Et dicam.*] Id est, populum ante à me reiectum rursum pro populo meo agnoscam & habebo. Est enim rursum dictum pro facto: vide sup. v. 15.

*Et illa dicet.*] Id est, pro vero Deo vicissim agnosceret & colet: vide sup. v. 19. Atque hætenus caput secundum fuit.

## CAPVT TERTIVM.

## VERSVS PRIMVS.

**E**T dixit Iehoua ad me: Rursum vade, ama mulierem dilectam amico, & adulteram sicut diligit Iehoua filios Israël: ipsi autem respiciunt ad Deos alienos, & amant lagenas vuarum.



ERTIA visio seu cõcio est quasi duarum priorum Epitome, eiusdem cum prioribus argumenti.

Est autem oratio rursum figurata Allegoria Matri-



IAC. MATTHIÆ PRÆLECT. 63

Matrimonij & adulterij. Hic enim in persona adulteræ, & idololatria & pœna eius depingitur, sicut in prioribus capitibus ex parte factum est. Quod autem hæc quæ quasi res gestas narrari videntur, non tam res gestæ sint, quàm rei gestæ similitudo ex præcedentibus capitibus apparet, & exijs quæ cap. 1. v. 2. diximus.

Summa igitur huius brevis quidē, sed obscuræ cōcionis, & integra comparatio hæc ferè est. Sicut si Propheta ancillam aut mulierem captiuam sibi cōpararet, quam pro vxore haberet, & magnoperè diligeret: illa autem cum liberaliter à marito haberetur fidem ei non seruaret, quare & à mariti consuetudine excluderetur, & duriter atque parcè tractaretur: donec resipiscens in gratiam à marito reciperetur. Ita Deus populum Israël in Ægypto seruientem quasi precio redemit, & summo amore dilexit. Sed ille parùm Deo gratus cum idolis quasi scortatus est, quare etiam à Deo exilio & captiuitate punietur donec resipiscat: quod si fecerit, rursum in gratiam à Deo recipietur, & in patriam reuertetur.

Primus autem versus accusatio est idololatriæ partim figurata, partim simplex. In figura autem mandatum Dei ad Prophetam est, in qua Ellipsis quæ ex mandati exequutione intelligitur & supplenda est: quod enim exequitur Propheta, id omne etiam mandatum esse intelligendum est: plenum igitur mādātum esset: Vade, ama, & eme tibi puellam seu mulierem quam vxorem ducas, quæ cum scortata fuerit, eam include, &c.

Rursum. ] Vel adhuc: hæc autem particula innuit hīc nouā visionem seu concionem esse, eamq; prioribus duabus similem præsertim primæ, quam etiam cum prioribus coniungit.

Vade. ] Id est, age: particula hortandi præsertim cum alteri verbo præponitur: vt 2. Samuel. cap. 7. v. 3.

Ama. ] Id est, dic populo te amauisse seu amare: vel vt ere hac similitudine ad populi idololatriam & ingratitude

erga



erga Deum depingendam & reprehendendam.

*Dilectam amico.*] Id est, amatori quam alius amat, & cuius consuetudine alius vitur: id est, mulierem parum castam seu meretricem: hoc autem spectat ad Dei erga populum beneficium, & populi erga Deum ingratitude exaggerandam. Nemo enim facile meretricem uxorem ducit, aut quam ab alio compressam & stupratam nouit. Id autē Deus fecit, qui populum Israëliticum idolis olim seruientem sibi peculiariter delegit, & quasi matrimonio sibi iunxit.

Vox autem *γρ* pro amatore accipitur Ieremiæ 3. v. 1.

*Et adulteram.*] Id est, quæ in matrimonium ascita fidem tibi non seruet, sed cum priori amatore etiam consuetudinem habeat. Sic enim intelligendum esse *ἀποδοῖς* ostendit: copulatiua autem ET, hîc pro aduersatiua accipienda est. Græci hoc loco verterunt, ἀγαπῶσα πορνὴν ἢ μοιχαλὼν: id est, amantem mala & scorta, aliter nempè legentes.

*Sicut amat.*] *Απόδοῖς* primæ partis similitudinis & collationis. Perinde, inquit, ac si quis meretricem uxorem duceret, vel amore vel misericordia motus: Illa autem cum prioribus amatoribus interim scortaretur: ita Deus ex mera gratia & summo amore populū idololatricū sibi delegit. Sed ille tamen cum idolis quasi fornicatur.

In Hebræo est: *Secundum amorem Iehouæ (ERGA) filios Israël:* Verbalia enim substantiua suorum verborum casus obtinēt Hebraicè: vide canonem 14. Ceualerij, vbi hoc idem exemplum citatum est.

*Et ipsi respiciunt.*] Rursum copula est pro aduersatiua. In verbo autem *respiciendi* Metaphora est ad Deos alienos: id est, amant, colunt, & obseruant Deos alienos, & in ipsis spem & fiduciam collocant.

*Et amant.*] Hoc membrum magis ad *πρότασις* similitudinis spectare videtur, si propriè accipiat de vino & ebrietate. Meretricum enim est vino & ebrietate delectari.

*Lagenas uuarum.*] Id est, vini plenas. vt *vua* sit pro vino per Metonymiam. Potest tamen & sensus esse: amant lagenas  
vua-



vuorum: id est, expectant ab idolis vinum, & cætera ad vitum & vestitum necessaria: vt supra cap. 2. v. 7. dictum est. Ateriam idololatrarum infania ebrietati confertur: vel significatur morum corruptela quæ idololatriam sequitur: vt per lagenas vuorum delicias & voluptates omnis generis intelligamus: quo Græci fortè respiciētes *πίεμα* verterunt: id est, bellaria, seu cibi lautiores.

Vulgata versio *uinacia vuorum* vertit, parum rectè.

Notandum autem hoc loco beneficia omnia diuina, quæ vel in populum Israëliticum collata sunt, vel in Ecclesiam aut totum genus humanum conferuntur, ex mero amore profecta esse, & semper proficisci.

## VERSUS II.

*Et emi eam mihi quindecim argenteis & homer hordei: & Letheg hordei.*

**M**Andati exequutio est itidem Elliptica ex mandato vicissim supplenda: vt sit: *amaui & comparauimus mulierem, &c.* quæ fidem mihi non seruauit, sed fornicata est.

*Emi eam.*] Cùm dicat Propheta se emisisse mulierem, intelligenda est ancilla & meretrix alij obligata, à quo redimenda fuerit. Mancipia enim tantum redimebantur: aut precium ad animum meretricis conciliandum dari, referri videtur. Redimit autem eam aut sibi conciliat Propheta, vt pro vxore habeat. Verbum Hebraicum *קנה*, non tantum emere significat, sed plerumque etiam fodere: quam significationem verus hoc loco parum commodè retinuit.

*Quindecim argenteis.*] Plerique argenteos pro ciclis accipiunt, præsertim Iosephi autoritate freti.

*Et homer hordei.*] Græci & Hieronymus chorum interpretantur, cuius pars dimidia Letheg facit, vnde & verus *dimidium chori* vertit. Græci pro Letheg *χομδρ* verterunt, quæ vox cum hoc tantum loco legatur, obscurior est eius significatio.

K Quod



Quod si autem hordeum cum pecunia iungatur, precium fortasse constituit, quo tuum mancipium redimi solebat. Nam quod Hieronymus subtiliter in numeris philosophatur, & ad tempus egressus populi ex Ægypto accommodat, alienum & superuacaneum est.

## VERSUS III.

*Et dixi ad eam diebus multis sedebis mihi, non fornicaberis nec eris viro: & ego etiam ad te.*

**A**ltera pars exequutionis mādari, & pœna fornicationis, qua adultera à viri sui consuetudine excluditur, & ab aliorum etiam virorum consuetudine arcerur.

*Dixi.*] Cùm scilicet eam ad ingenium redire, & cum prioribus amatoribus fornicari viderem.

*Sedebis.*] Id est, manebis quasi vidua à me deserta.

*Nec eris viro.*] Vel repetitio est eiusdem sententiæ, vel sensus est, non nubes alteri.

*Ego quoq; ad te.*] Ambiguitas etiam hic est ex verborum defectu. Alij igitur negationem ex prioribus membris repetendam esse putant, & verbum commodum subintelligendum: hoc modo: *Et ego etiam ad te non ingrediar:* id est, non fruearis interim mea etiam consuetudine.

Alij autem affirmationem esse volunt, ut sit sensus: *Et ego ad te:* id est, tibi interim obstrictus manebo: vel ad te tandem ingrediar, & rursus in fœdus matrimonij recipiam, si te resipuisse intellexero.

## VERSUS IIII.

*Nam diebus multis sedebunt filij Israël sine Rege, & sine principe, & sine sacrificio, & sine statua, & sine Ephodt & Theraphim.*

**A**<sup>πόλλοις</sup> alterius partis similitudinis, de pœna est. Ut vxor adultera à mariti consuetudine arcerur & excluditur: Ita populus idololatricus à Dei quasi consuetudine.



uetudine excludendus est, & in exilium eijciendus.

Amplificatur autem pœna & exilium eorum bonorum, quibus populus spoliandus erat, quæ duplicia sunt, Politica & Ecclesiastica.

*Sedebunt.*] Scilicet in exilio longo & diurno.

*Sine rege & principe.*] Per reges & principes regni & Reipub. ornamenta & præsidia omnia intelliguntur, quibus tum maxime confidebant. Regem autem intelligit Propheta, qui ex proprio populi corpore esset: nam alias reges alienos & dominos & tyrannos essent habituri.

*Sine sacrificio.*] Per sequentia quatuor cultus externus, cæremoniæ omnes, & religionis instrumenta & ornamenta intelliguntur. Vt autem religio Israëlita ex Mosaica & superstitionibus ethnicis mixta fuit: Ita Propheta alternatim quæ ad veram religionem, & quæ ad superstitiones spectabant, hic nominat. Ad Dei enim cultum verum sacrificium & Ephodt: ad idolorum autem statuæ & Theraphim spectabant, vt ita religionis confusionem perstringat Propheta. Estq; in tribus, aut saltem duobus vocabulis singulare pro plurali. Sacrificium igitur primum de legitimis & à Mose mandatis sacrificijs intelligendum est.

*Sine statuâ.*] Vox Hebraica *מַצֵּבָה* significat in genere statuâ quæ erigitur, vel in mortuorum memoriâ conseruandam, vel vt sit rerum gestarum monumentum, vt in trophæis & arcubus triumphalibus fieri cōsuevit. Vel cultus causa qui ad eam fiat. Qua significatione etiam hic vox accipienda est. Respicit enim Propheta ad statuas vitulorum in Bethel & Dan, à rege Ieroboam collocatas.

Græci hic *θυιαστήριον*: id est, altare vertunt, quasi *מַצֵּבָה* quod & magis cum sacrificio conuenit. Quod verus etiam & alij quidam sequuntur. Sed Propheta videtur studio vicinam vocem ex idolorum cultu sumptam hoc loco posuisse, eo quo diximus consilio.

*Et sine Ephodt.*] Vestis erat sacerdotalis, quæ Exod. 28. describitur, cui adiunctum erat pectorale, in quo erāt Vrim &

K 2 Thu



Thumim. Sed erant plura genera Ephodt. Erat enim quoddam lineum quod omnes sacerdotes gestarent, vt pater 1. Samuel. 22. Græci in Exodo & Leuitico vertunt *ἱσμις*: id est, superhumerales. Sed hoc loco *ἱερατεῖαν* vertunt: id est, sacerdotium *μετανομιᾶς* potius, quàm propriè vocem reddentes, quod Ephodt ornamentum sacerdotale esset.

Et Theraphim. Theraphim simulacra erāt quæ Gentes colerent: vnde Gen. 31. Laban vocat Deos suos Theraphim.

Quod autem eiusmodi simulacra homines referrent, apparet 1. Samuel. 19. vbi Michol in lecto pro Dauide substituisse Theraphim vt eos falleret qui Dauidem quærent. Hæc igitur vox, & statua idololatrica est, & significat, vel in genere idola, vel certam idolorum speciem. Græci hîc vertunt *δύλωσις*: id est, manifestationem: quia ad vsum horum idolorum respexisse videntur, quod ab ijs futurorum reuelatio peteretur, vt modò dicemus.

Vt enim sacrificium & statua cultus exercendi instrumenta fuere: ita Ephodt & Theraphim non tantum cultus causa habebantur, sed ijs etiam ad futura cognoscenda utebantur. De Ephodt quidem apparet, 1. Samuel. 30. v. 7. Vbi Dauid iubet vt sacerdos sibi applicet Ephodt, vt interroget Iehouam, num hostes suos persequatur.

De Theraphim autem constat ex Ezechiele 21. v. 26. Vbi rex Babylonicus dicitur in biuio stetisse & consuluisse Theraphim. Et ex Sachariæ cap. 10. v. 2. vbi dicitur: Theraphim loquuti sunt vanitatem: hinc igitur Græci hoc loco pro Theraphim *δύλωσις* vertisse & eodem Sachariæ loco *τῶς ἐθ' ἡμῶν*: id est, loquentes vertisse videntur.

## VERSUS V.

*Postea conuertentur filij Israël, & quarent Iehouam Deum suum, & David regem suum: & pauebunt ad Iehouam, & ad bonum eius in nouissimo dierum.*

**A**ltera pars concionis, nempe consolationis & cōcio gratiæ, qua Israëlitas respiscētes erigit & confirmat Propheta.

Quod



K 3 Que-



*Querent.*] Id est, dedent sese Ecclesiæ, & regno Christi, & in Deo, & Messia spem & fiduciam collocabunt.

*Pauebunt.*] Id est, reuerebuntur & sincerè colent Iehouam, &c. Alij Metaphoram hîc esse volunt ab auibus, quæ per terrefactæ celeriter auolant. vt sit sensus: *pauebunt.* i. magna celeritate sese ad verum Deum Messiam & Ecclesiam recipient. Quo pacto & infra cap. ii. v. 10. & 11. accipi videtur.

*Ad bonum.*] Id est, vel Christum, cuius opera & beneficio, beneficia Dei omnia ad nos perueniunt. Vel misericordiam & gratiam quam sollicitè conseruare deinceps studebunt, nec temerè aut facilè effundere, vel beneficia Dei omnia quæ iam reconciliati cû Deo percipient, & pro quibus grati esse studebunt.

*Novissimo dierum.*] Hebraïsmus est, pro postremis temporibus. Designatur autem tempus quo nato Christo, è rege Dauide Euangelium promulgatum est: quod Paulus plenitudinem temporis appellat i. Hebræorum. i. Quo tempore multi ex Israëlitis simul cum Gentibus Euangelium sunt complexi. Atq; hætenus tria capita, & tres primæ cōciones, eiusdem ferè argumenti fuere.

## CAPVT QVARTVM. VERSVS PRIMVS.

**A**vdite verbum Iehouæ filij Israël, quia disceptatio (est) ipsi Iehouæ cum incolis huius terra, quoniam nulla (est) veritas, nulla (est) misericordia, & nulla (est) cognitio Dei in terra.



**A**CTENVS (vt diximus) tres cōciones fuere, quibus publica populi Israëlitiçi idololatria reprehēditur. Sequuntur nunc deinceps tres aliæ conciones, quibus promiscuè tum idololatria, tum alia peccata, & populi, & sacerdotū, & principum reprehenduntur, & pœnæ exilij, & aliarum calamit-



IAC. MATTHIÆ PRÆLECT. 71

calamitarum prædicuntur, quæ tamen omnes spe veniæ & promissione gratiæ clauduntur: & hæ omnes longiores ferè sunt & apertiores: maiori enim ex parte proprio sermone sine Allegorijs & similitudinibus longioribus, quales in tribus primis fuere proponuntur. Quare in his & breuiores in explicando erimus, & in conuertendis Hebræis maiori libertate interdum vtetur.

Præsens autem cōcio ad finem versus quarti, capitis sexti (vt vulgo distinguitur) durat.

Pars prior huius concionis vt & aliarum concio legis est. Atq; hic perpetua est peccati & pœnæ, seu accusationis & comminationis alternatio. Et hoc Caput in duas partes diuidi potest.

Primum enim varia peccata in genere recensentur & accusantur.

Deinde ad versum vndecimum & deinceps rursus idololatriæ specialis reprehensio est.

Audite.] Exordium ad attentionem conciliandam per Apostrophem.

Quia disceptatio.] Propositio & summa est primæ partis cōcionis. Quasi dicat, Deus vos grauissimorum scelerum & peccatorum accusat.

Vox autem disceptatio Hebraicè קריא vox forensis propriè est, quæ actionem seu accusationem quæ in foro fit, significat.

Iehouæ.] Prophetæ enim non tam suam quàm Dei causam agunt, cum homines peccati accusant. Estq; antecedens pro relatiuo.

Incolis.] Mutatio personæ est, pro vobiscum, qui hanc terram incolitis.

Nulla veritas.] Primum virtutes ipsis detrahit, quarum tres nominat, per quas & alias multas intelligit: harum duæ priores, veritas & misericordia seu humanitas seu beneficentia, ad posteriorem tabulam spectant, & omnia virtutum officia erga proximū ad secundam tabulam spectantia comple-



complectuntur. Tertia autem, notitia Dei ad primam tabulam spectat, & vniuersum Dei cultum: & religionem complectitur, & fons est omnium aliarum virtutum.

## VERSUS II.

(Sed) *peierare & mentiri, & occidere, & furari, & mæchari eruperunt, & sanguis sanguinem tangit,*

**A**ntithesis qua peccata virtutibus opposita recitantur. Opponuntur autem peierare & mentiri, veritati: Cætera tria humanitati & charitati.

Infinitiui autem ponuntur pro nominibus ad Emphasin, quod verba non solum vitia ipsa, sed etiam vitiorum vsum, & praxin significant.

*Peierare.*] In Hebræo hîc aliquid subintelligendum videtur: vt infra ca. 10. v. 4. fit: vbi verbo *לֹא* additur aduerbium *אִי* seu inuauum.

*Eruperunt.*] Metaphoram hîc esse volunt ab aquis, quæ cum inundant ruptis aggeribus, longè lateq; agros & campos vndis obruunt, vnde summa hîc peccandi licentia significatur, qua effractis legû repagulis scelera impunè grassantur.

*Et sanguis sanguinem tangit.*] Dupliciter hoc membrum intelligi potest, vel specialiter, vt sanguines pro cædibus & homicidijs accipiat, & etiam humanitati opponitur. Vel generaliter, vt per sanguines non tantum homicidia, sed scelera & flagitia omnia corporalia, vt sanguine atque morte digna intelligantur. Quo pacto vox accipitur Esaïæ 1. v. 15. & 4. v. 4. Qui sensus etiam hîc magis congruere videtur, quod homicidij mentio antè facta sit, & hunc sensum etiam Ionathan sequitur.

## VERSUS III.

*Propterea lugebit terra, & excidetur omnis qui habitat in ea cum bestijs agri, & cum volucris cæli: etiam pisces maris colligentur.*

Commina-



**C**omminatio excidij & vastitatis.

*Lugebit.*] Vel prosopopœia est, qua terrę matris quasi personā induit Propheta, quę quod liberis suis: id est, incolis animalibus & rebus alijs orbata sit, vehementer lugeat, nec consolationem admittat. Vel in voce terrę Metonymia est, ut terra pro incolis posita sit, ut sequitur.

*Excidetur.*] Vox Hebraica significat, vel infirmari, quem sensum verus retinuit: vel ex infirmitate perire, & in genere excidi atque è medio tolli, quo sensu nos vertimus. In hac autem voce & præcedente *בב* paronomasia est.

Græci autem hoc verbum omiserunt, qui sic verterunt: *Propter hoc lugebit terra cum omnibus qui inhabitant eam.*

*Cum bestiis.*] Amplificatio vastitatis, quod bestię vnā cum hominibus sint perituræ: Hebraicè est *in bestia*: quem hebraismum verus hoc loco retinuit, cum in hoc loco pro *cum* ponatur, ut aliàs etiam poni solet.

*Pisces maris.*] Scilicet qui longiùs à periculo abesse videntur, & quasi alium mundum incolunt, ac proinde ab armis, fame, & morbis tuti.

*Colligentur.*] Id est, peribunt & è medio tollentur

## VERSUS IIII.

*Vtq; nemo contendat, nemo alium arguat: nam populus tuus est quasi contententes cum sacerdote.*

**P**eccati amplificatio est duplex.

Prima, quod eo impudentiæ processerit populus ut nullas admonitiones, aut reprehensiones amplius ferre possit aut velit.

Secunda, quod ita insaniant, ut etiam cum sacerdotibus & prophetis, qui eos officij admoneant, expostulent, seq; velut in iudicio pugnando & inficiando defendant.

*Nemo contendat.*] Respicit Propheta ad primum versum huius capituli, ubi dixit discepcionem esse Iehouæ cum populo. Sunt enim *יב* quę eo loco fuit, & *יב* quæ hoc loco est, similes.

L Quasi



*Quasi.*] Particula similitudinis, asseueratiuè posita videtur vt sit nota certitudinis, vt alias etiam fit. Sensus igitur est, Si à sacerdotibus reprehenduntur, litem ijs mouent. Erat autem sacerdotum docere & reprehendere: populi autem audire & morem gerere. Et sacerdotum vt Dei & oraculorum diuinorum interpretum & religionis antistitem semper magna fuit autoritas, etiam apud Ethnicos. Vnde & apud Plautum, in Rudente dicitur:

Quis est homo tanta confidentia

Qui sacerdotem violare audeat?

Quidam ex Hebræis priorem partem versus sic interpretatur: Vos, inquit, contestamini Prophetas veros, ne vobiscum disceptent, neq; vos arguant, vt dicitur Amos ab Amasia sacerdote Bethel, ne prophetes contra Israël, neque stilles contra domum Isaach. Quæ interpretatio eodem ferè redit, nisi quòd de sacerdote illa intelligi velit, quæ nos de populo intelleximus.

## VERSUS V.

*Corruet igitur interdiu, & corruet etiam Propheta tecum nocte: & succidam matrem tuam.*

**R**ursus pœna est: nempe cæcitas, & ex cæcitate lapsus & interitus. Respicit autem hic Propheta ad verba Moïsis, Deut. 28. v. 28. & 29. Percutiet te Iehoua amētia & cæcitate, & stupore cordis, palpabisq; in meridie, sicut palpat cæcus in caligine. Quæ verba Esaïas cap. 59. v. 10. sic extulit: Expectauimus lucem, & ecce tenebræ, splendores, & ecce in tenebris ambulauimus, palpauimus sicut cæci parietem, & veluti orbatu oculis attrectauimus, impegimus in meridie, vt in crepusculo: & hunc sensum esse, versus etiam sequens declarat.

In oratione mutatio est numeri & personæ: oratio enim ad populum quasi ad vnum hominem per Apostrophen dirigatur.

*Corruet.* ¶



*Corruet.*] Verbum Hebræum vtrumq; significat, & impingere & corruere. *Corruet*, scilicet ex cæcitate

*Interdium.*] Alij hodie vertunt. Sed Allusio est ad Moysen, & Antithesis in voce noctis ostendit de die intelligendū esse.

*Propheta.*] Id est, prophetæ falsi qui seducunt.

*Nocte.*] Subintelligenda est particula similitudinis, quæ desideratur ex consuetudine linguæ: vt sit sensus: *Corruet interdium & corruet propheta tecum, ut nocte quis corrui.*

*Succidam.*] Id est, perdam. *Matrem tuam.*] Id est, cætum, congregationem, vniuersitatem, synagogam, & corpus ipsum populi. Matrem autem posuit, quod ea vox cum præcedente congruat. Sunt enim similes voces *אִמִּי* tecum, & *אִמִּי* matrem tuam.

## VERSUS VI.

*Succidetur populus meus, eò quod sit absq; scientia: quoniam tu scientiam repudias: & ego repudiabo te, ne sacerdotio fungaris mihi: & (quoniam) oblitus es legis Dei tui, ego quoque filiorum tuorum obliniscar.*

**P**eccatum est & pœna simul. Et cùm haftenus ab initio capitis cum populo egisse videatur Propheta, hîc iam apertè sermonē ad sacerdotes conuertit, eorumq; ordinem accusat, & pœnas ipsis denunciat. Affirmat enim sacerdotum præcipuè culpa populum errare, peccare & perire, quod parū fideliter docerent, nec legem Dei proponant, explicent, & inculcent, id quod ipsorum officium requirebat, & diuinitus ipsis mandatum fuit. Et quod Prophetas legem & veram doctrinam populo inculcantes impedirent, quæ de re Amos collega Hoseæ grauiter etiam conqueritur cap. 7. v. 10. & deinceps. Atq; hæc agit Propheta vsque ad versum ferè vndecimum. Quare hæc diligenter obseruanda sunt, quod magis ad nostrum ordinem pertineant. Simul autem in hoc versu correctio quasi est versus

L 2 quarti,



quarti ubi videri poterat Propheta sacerdotes laudare & iustificare.

*Succidetur.*] Hic versus cum proximo cohæret, similitudine huius vocis & penultimæ proximi versus, quod etiam Latinè hic apparet in succidam & succidetur.

Hebraicè præteritum est pro futuro, ad rei futuræ certitudinem: ut aliàs etiam fieri solet, perierunt: id est, certissimè peribunt.

Græcus hic sicut & proximo versu pro verbum assimulandi parum commodè vertit.

Verus contigit, ut proximo versu tacere feci, itidem incommodè. Est & numeri anomalia. *Excisi sunt populus per Synthesin.*

*Quod sit absq; scientia.*] Id est, quòd cæcus sit, & quasi in tenebris ambulat. Scientiam autem vocat veram de Deo doctrinam, quæ lux mentis & vitæ est. Quòd populus, inquit, peccat, & pœnas sibi accersit id præcipuè fit, quia non rectè docetur de voluntate Dei, & vero Dei cultu.

*Quoniam tu.*] ò Sacerdos, & potest singularis etiam pro plurali esse: ut intelligatur & summus sacerdos, & totius sacerdotum ordo compellari & reprehendi. Quòd si particulam igitur addamus, planior erit sententia, ut sit: Succidetur populus, quòd sit absq; scientia. Quia igitur tu sacerdos populum non doces, &c.

*Scientiam repudias.*] Id est, vel ignoras ipse quod in lege Dei sit, nec studes cognoscere veritatem.

Vel etiam si scias, tamen in gratiam regum & emolumentum tui causæ dissimulas, nec populum publicè doces. Nec per te licet prophetis liberè ad populum concionari, & veram doctrinam proponere.

*Repudiabo te.*] Pœna iusta est cum officium non faciant, ut abdicentur. In *repudias* autem & *repudiabo* rursum paronomasia est. In verbo autem Hebraico nova & inusitata forma est, ad pœnæ fortasse atrocitatem, magnam & inusitatam significandam.

Et quia.



IAC. MATTHIÆ PRÆLECT. 77

Et quia.] Eandem ferè sententiam alijs verbis repetit, ad rei exaggerationem. Sed hîc pro scientia scientiæ regulam & normam, nempe legem diuinam per Moſen traditam nominat, quod diligenter obſeruandum eſt. Prophetæ enim vt in præſatione diximus, legis diuinæ quaſi νομοφύλακες erāt, eiꝯq; cuſtodes & interpretes, qui homines ad eā ſuis concionibus reuocarent. Et Prophetæ ex lege Dei ſuarū etiam concionum autoritatem reperunt, & ad eam perpetuò ferè in ſuis concionibus alludunt & reſpiciunt.

Quia oblitus es.] Id eſt, non publicè proponis legem, & populo inculcas. Vetus, in fœminino, vertit oblita es contra Grammaticam & contextum.

Filiorum tuorum.] Extendit pœnam etiam ad poſteritatem. Vt enim nullum eſt munus magis diuinum, magisq; neceſſarium, quàm Eccleſiam Dei verbo regere: Ita nulla eſt maior ingratitudo & perfidia, quàm eorum qui titulo & opibus contenti tam ſacrum munus vel frigide & negligenter obeunt, vel prorfus negligunt & contemnunt, vt faciunt hodie pleriq; Pontifici & Epifcopi. Quare etiam maioribus pœnis Deus eam vindicat.

In hoc ergo verſu ignauia & infidelitas in diſcenda & docenda doctrina cœleſti reprehēditur. Quæ res ſtudium doctrinæ cœleſtis ſolidæ cognoscendæ, & alijs fideliter proponendæ in nobis acueri debet: maledictus enim qui facit opus Domini fraudulentè, vt dicitur Ieremiæ 48. Et in Apocalypſi ca.3. dicitur: Quoniam tepidus es, nec frigidus, nec feruidus, euomam te ex ore meo.

VERSUS VII.

*Sicut multiplicantur, ſic peccant mihi, ideo gloriam eorum in ignominiam mutabo.*

Sicut.] Alterum peccatum ſacerdotum eſt, quod quanto magis numero & opibus creſcant, tanto magis contra Deum peccent & idololatriam atque errores ſerant & confirment.

L. 3. Ideo



*Ideo gloriam.]* Poena additur, qua sacerdotij dignitate priuentur, & dignitas illa in ignominiam mutanda sit.

Græcus hoc loco *θήσεται*: id est, *ponam* vertit, quod hoc loco alienum est.

## VERSUS VIII.

*Peccatum populi mei comedunt, & ad iniquitatem eorum leuant animam suam*

**A**liud sacerdotum peccatum est, nempe luxus & auaritia, quod neglecto docendi munere quæstum & lucrum tantum spectent.

*Peccatum.]* Id est, sacrificium seu sacrificia, pro peccatis per Metonymiam. Sic enim vox & alibi accipitur: vt Exod. 29. v. 14. Peccatum est: id est, sacrificium pro peccato. Ezechiel. 48. v. 22. faciet vitulum peccati: id est, sacrificij pro peccato. Et Esaiæ 53. v. 10. Cum posuerit animam suam peccatum. 2. Corinth. v. 21. Eum qui nouit peccatum pro nobis fecit peccatum: id est, sacrificium pro peccato.

Quod igitur affirmat sacerdotes comedere & deuorare sacrificia populi, significat eos sacrificia & stipendia percipere, neglecto docendi officio, luxum & auaritiam eorum perstringit.

*Et ad iniquitatem.]* Eiusdem sententiæ repetitio esse videtur: anima autem pro voluntate & desiderio accipitur: vt Gen. 23. v. 8. Si est cum anima vestra vt sepeliam meum: id est, si vobis placet. Et Deut. 23. v. 24. Cum ingressus fueris vineam proximi tui, comedes vvas secundum animam tuam: id est, quantum placet.

Leuare igitur animam ad rem, significat expetere rem & rei inhiare: vt Deut. 24. v. 15. Eadem die reddes ei mercedem laboris, ante occasum Solis, quia pauper est, & ad eam mercedem leuat animam suam: id est, cupidè illam expectat & expetit.

Et Ieremiæ 22. v. 27. Ad terram ad quam eleuant animam suam, vt reuertantur illuc non reuertentur.

**Leuare**



Leuare igitur animam ad iniquitatem populi, est, iniquitatem populi expetere, & cupidè desiderare, vt populus peccet. Atq; ita sacrificia pro peccatis cumulentur, vnde luxum & auaritiam suam sacerdotes expleant, vt lautè viuât & direfcant.

*Animam suam.*] In Hebræo numeri est anomalia ipsius pro ipforum.

## VERSUS IX.

*Et erit sicut populus sic sacerdos, & visitabo super eum vias eius, & opera eius rependam ei.*

## VERSUS X.

*Comedent & non saturabuntur, scortabuntur & non multiplicabuntur, quoniam Iehouam desierunt obseruare.*

**P**Oena est: q. d. ijsdem pœnis afficientur sacerdotes, quibus populus afficitur.

*visitabo.*] Id est, mercedem operibus dignam rependam.

*Comedent, &c.*] Id est, etiam si multum vorent, & multas opes cumulent: tamen non saturabuntur, quæ auarorum omnium pœna est. Respicit autem hîc ad id quod versu octauo dixit: *Peccatum populi mei comedunt.*

*Scortabuntur.*] Id est, quamuis promiscuis libidinibus indulgeant: tamen non procreabunt numerosam sobolem, sed erunt steriles, vt tandem memoria ipforum deleatur.

Vtitur autem vocabulo *scortandi* pro liberis libidinosè operam dare, alludens ad mores ipforum, & causam pœnæ nempe idololatriam scortationem spiritualem.

*Non multiplicabuntur.*] In Hebræo eadem vox est, quæ supra v. 2. fuit, de peccatis, quæ quasi inuaderent, eademque Metaphora hîc accipi videtur pro tali multiplicatione liberorum quæ longè lateq; sese diffunderet, qualem ipsi expectabant. Quare oblique stultitiam eorum perstringit, qui  
ipses



spes immensas sibi ex sceleribus suis fingeant. In summa significat Propheta eos nō potituros desiderijs, quæ captarent & sectarentur.

*Quia Iehouam deserunt.]* Repetit breuiter peccatum, quod sacerdotes à vero Deo ad idola defecerint, & pro veri Dei cultu cultum idolorum in Ecclesiam introduxerint aut admiserint.

## VERSUS XI.

*Scortatio & vinum & mustū auferunt cor (ipsorum.)*

**H**Atenus cum sacerdotibus egit: nunc querela est de cæcitate & furore tū sacerdotū, tum populi qua fit vt vero & viuo Deo deserto idola lignea & lapidea pertinaciter colant. Hanc autem cæcitatem comparat cæcitati & insaniam quæ ex ebrietate & scortatione contrahitur. Homines enim libidinibus & heluationibus addicti, ita obbrutescere solent, vt omnem sensum & intellectum amittant, nec reuerentia Dei tangantur, nec honestatis aut utilitatis rationem habeant, nec pœnis aut calamitatibus, nec vlla re alia moueantur, sed tanquam cæci in cœno volupratum & heluationum sese volutent: vnde de vino ait Aristoteles in problematis: οἷνός τε τυφλὸν μένους ποιεῖ καὶ μανικὸν: id est, vinum dementes & furiosos reddit. Et apud Comicum: Ebrij nec pes nec mens officium facit. Consuetudine autem insaniam durata vitia vino concepta, etiam sine vino valēt, vt eleganter ait Seneca. Et de amore Archilochus: Multam, inquit, caliginem oculis offudit amor, teneram mentem ex pectore furatus.

Vt igitur ebrietas & scortatio cor: id est, iudicium mentis auferre solent, ita & idololatria excæcat homines quos semel occupauit, nec possint deinde facillè videre aut intelligere quod errent. Primum igitur hinc cæcitas idololatrarū indicatur & deploratur. Deinde etiam scortatio & ebrietas vt multarum calamitatum causæ notantur.

*Scortatio.]* Hac voce præsens versus cū proximo cohæret. Alludit



IAC. MATTHIÆ PRÆLECT. 81

Alludit enim ad id quod dixit, Scortabuntur & non multiplicabuntur.

*Mustum.*] Per vinum & mustum *μυστον* ebrietas intelligitur, ut per causas effectus. Vino autem mustum addit, quod citius inebriet & magis affligat propter vapores. Vnde & quidem hoc loco *potum inebriantem* vertunt, quod aliàs cicera dicitur.

*Cor.*] Cor pro mente, ratione, intelligentia & consilio hoc loco accipitur. Sic Iobi 12. v. 14. Qui aufert cor capitum populi, & errare facit eos velut in solitudine, pro quo v. 20. dixit: Et consilium senum tollit. Græci vertunt scortationem, & vinum & ebrietatem suscepit cor populi mei.

VERSUS XII.

*Populus meus lignum suum interrogat, & baculus eius respondet ei: spiritus enim fornicationum decepit (eos) & fornicantur à Deo suo.*

**N**unc rursus ad populum seorsim orationem conuertit Propheta, eiusq; cæcitatem idololatriam apertius & specialius declarat, quod lignum mortuum, mutum, surdum, pro Deo colat, & de rebus futuris interroget & consulat, & ab eo in aduersis auxilium exspectet.

*Populus lignum suum.*] Id est, Deos ligneos *μικτων*. Simulque argumentum subest contra idololatriam.

Primum autem argumentum est cæcitatæ hoc modo:

Qui lignum pro Deo colit admodum est cæcus.

Hoc populus meus facit. Ergò

Admodum cæcus est.

Deinde etiam argumentum subest contra idololatriam, hoc nempe:

Si lignum est, Deus non est,

At lignum est. Ergò

Deus non est: nec proinde colendus.

Vide hoc argumentum copiosè expositum apud Esaiam

M 44. vbi



44. vbi v. 19. dicitur: Non redit ad cor suum, non est scientia neq; intelligentia vt dicat: id est, cogitet & ratiocinetur hoc modo. Dimidium eius combusit igne, & carbonibus eius panem coxi, assaui carnes & comedi, ex reliquo autē feci simulacrum, vt ad ligneum truncum me curuem.

His igitur & similibus locis & cæcitas humana & stupor in rebus diuinis ostenditur, & deploratur: & interim pia ratio, prudentia & logica quasi in rerum diuinarum consideratione nobis commendatur.

*Interrogat.*] Id est, de rebus futuris consulit. Per *lignos* autem Deos cuiusvis materiæ Deos intelligit Synecdochicōs.

*Baculus.*] Id est, lignum. Sed simul & alludere videtur Prophetam ad cæcos qui baculos & scipiones pro ducebibus viæ habent: Ita, inquit, idolis fidunt, & ab ijs consilium de rebus futuris expectat.

*Spiritus enim fornicationum.*] Id est, furor & cæcus imperus quo ad fornicationem & idololatriam fertur. Atque hinc apparet Prophetam proximo versu etiam de idololatria egisse: particula autem *enim*, pro affirmatiua, certē, vtiq; hoc loco esse videtur.

*Decepit.*] Ellipsis relatiui est (*eos.*)

*A Deo.*] Hebraicè gemina præpositio est, quasi de sub Iehoua: & simul vnum verbum est pro duobus.

VERSVS XIII.

*Super capita montium sacrificant, & super colles thura adolent, sub quercu & populo & therebintho, quoniam bona umbra eius (est) propterea scortabuntur filia vestra, & nurus vestra adultera erūt.*

VERSVS XIII.

*Nec visitabo super filias vestras cum scortata fuerint, & super nurus vestras cum adulteria cōmiserint:*  
Quo-



*Quoniam vos cum meretricibus seceditis, & cum scortis sacrificatis: itaq; populus qui non intelligit peribit.*

**S**uper capita.] Pergit in idololatriæ & superstitionis descriptione, & loca nominat mōtes & lucos, in quibus more ethnico sacra fierent, quod Deus disertè vetuerat Deut. 12. v. 1, &c.

**Montium.]** Id est, vertex & cacumina in quibus sacrificasse videntur, quod ibi Deum magis præsentem & efficacem esse homines putarent.

**Sub quercu.]** Pauca species ponit pro alijs omnibus: alias enim passim sub quavis arbore frōdosa sacrificasse dicuntur.

**Et therebinto.]** Alij tiliam vertunt, alij vlmum, alij ilicem.

**Quia bona umbra eius.]** Id est, grata & amœna: vna causa esse videtur cur in lucis & sub arboribus sacrificarent, quod & locus amœnior esset, & umbra grata in ea præsertim regione quæ callidior est.

**Eius.]** Id est, earum. Est enim Enallage numeri. Propterea.] Pœna idololatriæ peccato conueniens, vt videlicet scortatio animi scortatione corporum puniatur, quæ pœna idololatriæ fuisse etiam inter gentes dicitur: ad Rom. 1.

**Nec uisitabo.]** Id est, non puniam eas, non cohercebo, sed permittam vt liberè scortentur, ad maiorem ignominiam & dedecus suum augendum & cumulandum. Pœna enim & castigatio amoris & sollicitudinis diuinæ signū est, quod ita homines in viam reuocare conetur: vt dicitur ad Hebræos cap. 12. v. 6. Quem diligit Dominus castigat. Cū igitur Deus non punit, extremæ abiectionis signum est.

**Vos enim.]** Redit ad peccatum, & idololatriam. In Hebræo ad verbum est: *Quia ipsi cum meretricibus separabunt se, & cum scortis sacrificabunt*: id est, quia vos facta à Deo secessione cum meretricibus: id est, idolis seu idololatriis vos coniungitis. Si enim hæc cum præcedentibus coniungimus, in relatiuo ipsi & verbis sequentibus mutatio personæ est, tertia pro

M 2 secun-



secunda posita, & in verbis futurum est pro præsenti. Denique verbum *separatis* pro duobus positum est, ut sit, sicut diximus, separatis vos vel à Deo, vel ut alij ab vxoribus: id est, veri Dei cultoribus, ut versemini cum meretricibus: id est, idolis seu idololatriis.

*Itaq;.*] Rursum & cæcitas populi deploratur & pœna denunciatur. Estq; quasi *ἐπιφύημα*. In Hebræo Ellipsis est relativi. Hebraicè enim est, & *populus non intelliget*: pro qui non intelligit.

*Non intelligens.*] Scilicet ignorantia affectata & accersita, qua spontè oculos claudat ne videat.

*Peribit.*] Verbum Hebraicum *פָּרַח* ter tantum legitur: hîc & Proverb. 10. v. 8. & 10. Vnde & significatio eius minus certa est: & variè vertitur per impingere, festinare, claudicare, corruere, concidere, vapulare, puniri, & perire: & quidem verbum vapulandi cum verbo Hebraico ex parte congruit.

## VERSUS XV.

*Si fornicaris tu Israël: ne delinquat Iuda: & ne veniatis in Gilgal, & ne ascendatis Bethauen, & ne iuretis vinit Iehoua.*

**A**dhortatio est ad Iudam ne exemplum Israël in idolatria sequatur, ne similes sibi pœnas attrahat, cuiusmodi Israël puniendus erat. Simulq; hac hortatione Israël quasi æmulatione ad pœnitentiam excitare conatur. Cum enim Iuda adhuc publicè cultum Dei puriorè retineret, Israëlitas meritò puderet, qui publicè idola colerent. Vide suprâ cap. 1. v. 7.

*Si fornicaris.*] Personarum mutatio est, pro, si fornicatur Israël ne delinquas ô Iuda. Ita enim Apostrophe ad Iudam apertior esset, & in sequentibus eadem seruaretur persona. Sequitur enim, ne ingrediamini.

*Ne delinquat.*] Scilicet fornicando, & idolis colendis.

*Gilgal.*] Duo loca ponit idolorum cultui destinata, & à populo



populo Israël frequētata Gilgal & Bethauen. Gilgal autem locus erat ad Iordanem, vbi primū trāsmisso Iordane con- stiterunt, & castra posuerunt Iudæi. Atq; ibi ad monumen- ti exsiccati Iordanis lapides duodecim ex alueo Iordanis sumpti erecti sunt. Iosua 4. Et ibi pascha celebravit & po- pulum circumcidendum curauit Iosua: Iosua. 5. Ac proin- de etiam ibi aliquandiu tabernaculum Dei positum fuit.

Hinc igitur propter loci celebritatem cultus institutus est, & sacrificia facta in populo Israëlito, vt hic apparet, & infra 12. v. 11. disertè dicitur: in Gilgal boues immolat. Et ca. 9. v. 15. Omnis malitia eorum in Gilgal. Vult igitur Pro- pheta hunc locum & superstitionem quæ ibi exercebatur ab Israëlitis à Iuda vitari. *Bethauen.*] Sic dicta est Bethel à prophetis contemptus & ludibrij causa, quod ibi Ieroboā vitulum aureum erexerat, & impium cultum instituerat, vt est 3. Reg. 12.

Erat autem vrbs in finibus tribuū Biniamin & Ephraim, tria circiter milliaria à Ierusalyma distans, olim Lusa dicta, cum ibi Deum in scala stantem vidisset, vt est Gen. 28.

Sonat autem Bethauen domus iniquitatis seu vanitatis. In Bethauen igitur & Bethel tacita paronomasia est, quæ Amos 5. v. 5. clariùs exprimitur, cum dicitur: Ne queratis Bethel, neq; Gilgal ingredimini: nam Gilgal demigrabit, & Bethel erit in Hauen: id est, vanitatem seu nihilum.

*Et ne iuretis ibi uiuit Iehoua.*] Hæc iurandi formula sacra erat & pars cultus diuini: vt patet Deut. ca. 6. v. 13. & ca. 10. v. 20.

Non igitur prohibetur hic iusurandum per nomen Ie- houæ factum, sed prohibetur ne simul idola cum Iehoua co- lar Iuda: partem enim cultus pro toto ponit: nō enim pro- bat Deus cultum vllum sibi cum idolis communem: vnde Sophonię 1. v. 5. dicitur: Perdam eos qui iurāt per Iehouam, & qui iurant per Milchum.

Sensus igitur est: *Nec iurādo, nec alijs modis in ijs locis & Iehouam & idola cum Israëlitis colas, o Iuda.*



*Quoniam sicut vitula rebellis rebellauit Israël: nunc  
(igitur) pascet eos Iehoua sicut agnū in latitudine.*

**R** Edit nunc ad populum Israël, eiusq; rursum peccatū & pœnam exprimit, quæ à Iuda vitari & caueri vult Propheeta.

*Sicut vitula.]* Peccati descriptio & exaggeratio à simili: vt (inquit) vacca seu vitula indomita iugi impatiens est, ita populus Israël legis diuinæ iugum petulanter excussit ne vlla ratione in officio & obedientia legis contineri posset.

*Nunc (igitur) pascet.]* Pœna est itidem similitudine exaggerata, vt, inquit, agno in vastis locis & solitudine procul à grege nihil est miserius: Ita efficiet Dominus vt populus in exilio in summa miseria, summisque periculis vagetur & oberret.

*Pascet eos.]* Scilicet per hostes.

## VERSUS XVII.

*Particeps simulacrorum Ephraim: dimitte eum.*

**R** Vrsus peccatum & pœna est. Estq; quasi Dei ad Prophetam querela, & simul mandatum ne amplius cum populo perniciaci rixetur: q. d. quia ab idolis diuelli nequit, iam Gentibus eum vastandum relinquere decreui. Quare desine posthac cum eo expostulare.

*Ephraim.]* Voce Ephraim decem tribus intelliguntur Synecdochicæ: fuit enim tribus hæc inter decem populosa & potens, & ex ea fuit Ieroboam qui primus idololatriam hanc publicè instituit.

## VERSUS XVIII.

*Recesserunt in potu suo: scortando scortati sunt: dilexerunt AFFERTE, idq; turpiter principes eius.*

Rursum



**R**ursum idololatria accusatur, idq; cōparatione ebrietatis & scortationis: hūc enim sensum esse versus præcedens & sequens docent.

Recesserunt.] Scilicet à me. In Hebræo autem singulare est, recessit, quæ numeri Enallage frequens est. Hoc autem verbo respicit Propheta ad verbum סָרַר versus 16.

In potu suo.] Hebraicè deest in, seu ב. possunt & hæc sic verti: contumax seu rebellis fuit uel est potus ipsorum: id est, ex potu & ebrietate rebellarunt & contumaces atque refractarij facti sunt. Et similis phrasis atque figura est Prouerb. 20. v. 1. Derisor est vinum, & tumultuatur Sechar: pro vinum derisores efficit & Sechar tumultuosos: atque ita sensus eodem redit.

Scortando scortati sunt.] De hac phrasi vide cap. 1. v. 2.

Dilexerunt AFFERTE.] Ordo orationis inuersus est, pro: Principes eius turpiter dilexerunt AFFERTE. In voce autem Afferte, Mimesis esse videtur, à moribus meretricum sumpta, quæ munera ab amatoribus flagitant hac voce, afferre. Hac autem voce Propheta uti videtur ad orationem ornandam paronomasia. In vocibus enim duabus אָחֲזָה אָחֲזָה insignis paronomasia est, quæ Latine exprimi non potest.

Idq; turpiter.] In Hebræo nomē est pro aduerbio sub intellecta præpositione ב. vel ל: vide de Enallage substantiui.

Principes eius.] Hebraicè est Clypei eius: id est, protectores eius seu principes eius Metaphoricè: vt Psalm. 47. v. ultimo. Præcipue autem principes idololatriæ accusat, vt passim etiam alibi.

## VERSUS XIX.

*Ligabit eam ventus in alis suis, & pudore afficientur propter sacrificia sua.*

**R**ursum peccato pœna subijcitur.  
 Ligabit eam uentus.] Similitudo est qua pœnæ certitudo & celeritas significatur, quod ira Dei quasi turbine populus



populus dissipandus & in exilium auferendus esset. In voce ligabit, rursus Allusio est ad primam vocem versus præcedentis. Ligare autem est pro ligatum & constrictum tollere & auferre. Vento autem alæ tribuuntur Metaphoricè, vt Psalm. 18. v. 11. & alibi.

Et pudore afficientur.] Eiusdè sententiæ repetitio est. Significat enim hoc loco pudore affici, non tantum spe sua frustrari quàm in idolis & sacrificijs collocarunt, sed etiam vastari & perdi: vt Ieremiæ 9. v. 19. Quomodo vastati sumus, pudore affecti sumus vehementer.

Propter sacrificia.] Scilicet idololatrica: vide suprà v. 14.

## CAPVT QVINTVM.

## VERSVS PRIMVS.

**A**udite hoc sacerdotes, & attendite domus Israël,  
& domus regis auscultate, quoniam vobis iudicium est, quoniam laqueus fuistis super Mispā,  
& rete expansum super Thabor.



**P**ERGIT in eadem concione, qua præcipuè idolatriam reprehendit, & pœnas pro ea minatur, id quæ vsque ad finem præsentis capituli. In hoc autem versu rursus attentio conciliatur & propositio repetitur ex versu 1. cap. 4.

Audite hoc sacerdotes.] Attentionis conciliatio est, qua & cōciones suas ad regnum Israël dirigit Propheta, & expressè duos summos in regno ordines magistratus nēpè & sacerdotes compellat, vt eos attentiores reddat, magis quæ vrgear in quibus culpæ plurimum erat, interim tamen omnes ordines pariter accusat.

Quoniam vobis.] Propositio est, idem enim sensus esse videtur horum verborum qui fuit suprà cap. 4. v. 1. in his verbis: Quia disceptatio est Iehouæ cum habitatoribus terræ. vt sit: Deus  
vos



vos ô Israëlitæ cùm aliorum scelerum, tùm in primis idolatriæ grauitèr accusat. Ratio accusationis præcipuè ad reges & sacerdotes Israëlitos spectât: eorum enim culpa, consilio, & auctoritate, maximè religio corrupta fuit, & idolatria & superstitio publicè introducta. Atq; ideo laqueis & retibus cõparat, quod vulgus rude & simplex sua auctoritate & exemplo seduceret, & secum in exitium pertraherent non aliter atque aucupes & venatores aues & feras laqueis & retibus capiunt, & captas interficiunt.

Duos autem montes nominat præaltos & celebres: hos duos pro omnibus ponere videtur, quod in montibus aucupia & venationes frequentiores esse soleant.

Alij in his duobus montibus peculiare cultus institutos fuisse putant.

Alij etiam milites & latrones in his môtibus collocatos, qui Israëlitas religionis causa Ierusalymam cõmeantes interciperent, sed hoc coactum & alienum esse videtur.

## VERSUS II.

*Maclando deflectiones profundas fecerunt: ego autem correctio (ero) omnibus illis.*

**P**rimùm accusat religionis corruptelam à principibus & sacerdotibus inuectam. Deinde pœnam minatur: hæc enim simplicissima sententia esse videtur.

*Maclando.* ] Maclationem seu lanienam ironicè vocat religionem Israëlitarum, idq; duplici maximè de causa.

1. Quòd in externis tantùm sacrificijs cumulandis pietatem collocarent.

2. Quòd deprauata religione homines quasi laqueis captos in exitium præcipitarent, & quasi maclarent principes & sacerdotes.

*Deflectiones.* ] Alij declinantes seu apostatas verrunt. Sed Psalmo 101. v. 6. Vox Hebraica pro abstracto poni videtur, cùm dicitur: Nō ponam ante oculos meos rem iniquam, facere deflectiones odi.

N Pro-



*Profundas fecerunt.*] Verbum Hebraicum *רַחֲמָיִם* & actiue & transitiue & intransitiue ponitur, & significat non tantum profundare, vt ita dicam, seu profundum esse, sed etiam remouere, recedere, augere & cumulare: vt Esaiæ 29. v. 15. Vt illis qui profundi sunt à Domino: id est, procul recedunt ab eo. Et 31. v. 6. Reuertimini ad eum contra quem profundauistis defectionem: id est, profunde & grauiter defecistis.

Sensus igitur est: *Principes & sacerdotes profundas in mactatione sua:* id est, falsa & pernitiola religione defectiones fecerunt: id est, grauiter religionem corruerunt, eaque re grauissimè Deum offenderunt, & sibi atque alijs exitium attrahunt. Vt autem conspiciatur in hoc loco obscuritas, versionum varietates quasdam notabimus.

Græci: captantes prædam timuerunt.

Vetus: victimas declinastis in profundum.

Pagninus. Et ad immolandum qui declinant à via recta calidum inierunt consilium.

Alius: Altam facientes cædem noxij.

Nostra: De sencte dem med slachten och forlõbe dennom selffuer.

Quod si pro defectiones, declinantes seu Apostatas legamus, & *רַחֲמָיִם* pro substantiuo accipiamus, sensus hic erit: *Apostate isti mactationem profundant:* id est, magnam cædem faciunt: id est, magnam partem populi falsa sua religione mactant & quasi interficiunt.

*Et ego disciplina.*] Id est, ego eos castigabo. Pagninus vt phrasis sit melior addit *uir*, & sic vertit: *Et ego uir disciplinæ ero omnibus illis.*

## VERSUS III.

*Ego noui Ephraim. & Israël non est absconditus mihi, quoniam iam fornicatus est, & pollutus est Israël.*

**I**dololatria Israël: id est, totius populi nunc accusatur. *Et ego noui.*] Id est, ita manifestum est peccatum Israël, vt id negari, aut celari nullo pacto possit.

Ephra-



IAC. MATTHIÆ PRÆLECT. 91

Ephraim.] Ephraim pro toto populo accipi diximus ca. 4.  
Quoniam fornic.] In Hebræo personæ mutatio est: Fornicatus  
es ô Ephraim.

Et pollutus.] Rursum repetitio est eiusdem sententiæ.

VERSUS IIII.

*Non dabunt opera sua ut ad Deum suum reuertan-  
tur: quoniam spiritus fornicationum est in medio  
eorum, & Iehouam non norunt.*

**Q**uærela est de cæcitate & proteruitate populi, quæ fit  
ut non de pœnitentia cogitet.

Non dabunt.] Id est, non dant operam. Alij vertunt,  
non permittunt opera, quod minus hîc conuenire videtur.

Quoniam spiritus fornic.] Id est, spiritus Impudicitiae, qualis  
est meretricum & omnium impudicè amantium, quos ni-  
hil pudet, qui quæ nullo honestatis aut vtilitatis sensu tan-  
guntur, sed proni tantum in libidines feruntur: vide sup.  
cap. 4. vers. 12.

Et Iehouam non norunt.] Id est, nolunt ad eum colendum  
redire.

VERSUS V.

*Et testificabitur superbia Israël in faciē eius, & Israël  
& Ephraim corruent propter iniquitatem suam,  
corruet etiam Iuda cum ipsis.*

**I**dolatriæ pœna est.

Testificabitur.] Id est, Israël superbiæ & contumaciæ qua  
Deo contempto Idola colit palam arguetur, & conuin-  
cetur cum in ipsis pœnis hæserit. Verbo autem testificandi ad  
consuetudinem Iudeorum respicit, cuius primo versu men-  
tio facta est. Et per testimonium pœna intelligitur, quæ te-  
stibus idoneis conuictos sequi solet, vel superbia est etiam  
pro pœna superbiæ Metonymicâs, cuiusmodi phrasis e-  
tiam alibi est: ut Ieremiæ 14. v. 7. Iniquitates nostræ testi-

N 2 fican-



ficantur contra nos: id est, pœnæ ipsæ in quibus hæremus testantur nos peccasse.

Græci, Chaldæi & alij quidam vertunt: *Humiliabitur superbia Israël*: quod tamen eodem redit.

*In faciem.*] Id est, palam, apertè.

*Et Israël.*] Repetitio eiusdem sententiæ.

*Corruent.*] Id est, pœnas luent.

*Corruet etiam Iuda.*] Obiter orationem ad Iudæos conuertit, quos hîc verbis admonere & à scelere Israëlitarum detertere velle videtur: nam cap. i. v. 7. Iudæos consolatus est Propheta: & cap. 4. v. 15. admonuit ne exemplum Israëlitarum sequeretur. Vel igitur admonitio est ut sit sensus: *Corruet etiam Iuda*, scilicet si exempla Israëlitarum sequutus fuerit. Vel etiam simplex comminatio est ad impiam multitudinem Iudæorum spectans, qui iam Israëlitarum exemplo ad Idola defecerunt. Actum in voce *Iuda* Synecdoche est, totius pro parte.

## VERSUS VI.

*Cum ouibus suis & bobus suis ibunt ad quærendum Iehouam: & non inuenient (cum) subduxit enim se ab ipsis.*

**P**œnæ amplificatio est, quòd Deus perpetuò ipsis iratus futurus sit, nisi idololatriam missam faciant, & serio resipiscant. Quasi dicat, nullis hecatombis irâ Dei placabunt, & peccatum suum expiabunt, nisi idolis valedixerint, & Deum sincerè rursus colere incipiant.

*Cum ouibus suis.*] His verbis simul etiâ deridet opinionem stulti populi, quod Deum externis tantum sacrificijs placari posse putarent: Etiam si inquit integros greges, & boves suos omnes Deo immolent, tamen frustrâ erit.

*Ad quærendum.*] Id est, placandum Iehouam.

*Non inuenient.*] Id est, non impetrabunt gratiam.

V A R-



*In Iehouam perfidi fuerūt, quia liberos alienos genuerunt, nunc (ergo) deuorabit (eos) mensis cum portionibus ipsorum.*

**P**eccatum & pœna simul est: peccatum autem seu idololatria similitudine adulterij rursum figuratur: id enim significat perfidos esse, & liberos alienos gignere. *Filios* autem vocat *alienos*, quos suprà filios fornicationum appellauit: pœna est, cum dicit: *Nunc deuorabit eos mensis*, &c. Quibus verbis pœnæ certitudo & celeritas significari videtur. *Mensis* enim pro certo & exiguo tempore ponitur. Et in eo allusio esse videtur ad menstruos contractus in eo populo vsitatos. Apud eos enim menstrui ferè contractus erant, vt in singulos menses inter se paciscerentur, & exacto mense solutio fieret.

In voce igitur *Mensis* metonymia est, vt mensis sit pro solutione & quasi pœna, quæ exacto mense exerceretur. Et in voce *deuorandi* Metaphora est. *Deuorare* enim perdere significat.

Alij verò mensem accipiunt Synecdochicòs, pro neomenijs seu nouilunijs, & hæc rursum Metonymicòs pro idololatria & superstitione quæ hoc tempore exerceri solebat. Erat enim primus dies mensis cuiusq; festus, quo sacrificia fieri consueuerunt. *Mensis* igitur: id est, superstitio & idololatria eos deuorabit & perdet. Portiones autem vocat diuitias, opes, & facultates omnes. Græci pro mense *ἡ ἐροισὴν*: id est, *rubiginem* vertunt, quod prorsus hoc loco alienum est.

## VERSUS VIII.

*Clange tuba in Gibia (canite) buccina in Rama, clamate (in) Betauen, post te o Biniamin.*

**P**œna per hypotyposin exprimitur: per clāgorem enim tubarum & clamorem, hostium aduentus, bellum, & concursus ad arma significatur: vt & infrà cap. 8. v. 1.

N 3 Com.



Compellat autem Propheta per Apostrophen primum Bethauen, vt alterum idololatrię caput: Deinde vrbes ei vicinas Gibię & Rama, per quas etiam alias omnes regni vrbes munitas intelligit, quas hostes vastaturi essent. *Post te ò Biniamin.*] Sensus est, vel, periculum illud etiam ad Biniamin vt tribum regno Israël vicinam pertinere: vel, Bethauen urbem sitam esse post Biniamin: vt sit mutatio personę proclamate in Bethauen quę post Biniamin sita est. Gręci hoc loco longiùs recedunt, qui sic vertunt: *Clangite tuba super colles, sonate super excelsis, prædicate in domo On, mente captus est Biniamin.*

## VERSUS IX.

*Ephraim in desolationem erit in die correctionis, in tribubus Israël docebo veritatem.*

**E**Adem pœna nunc simplici oratione proponitur, nempe hostium aduentus, urbium direptio & regni vastitas. Sensus est enim regnum Israëliticum prorsus ab hostibus deuastabitur cùm cœpero pœnas ab eo expetere, cum tribus Israël cœpero docere verum: id est, ostendere prædicationes prophetarum de regni excidio veras fuisse.

*Erit in desolationem.*] Id est, vasta erit, seu vastabitur: vide Enallagen substantiui pro adiectiuo.

*Ostendam ueritatem.*] Ad verbum est, notam feci veram seu verum: vbi primum temporis Enallage est: præteritum enim futuro subiectum, pro futuro est. Deinde adiectiuum fœmininum pro neutro est, seu substantiuo est. Vnde & vulgata versio fidem vertit: & alię Latinę veritatem. Estq; fides seu veritas pro veris prædictionibus.

## VERSUS X.

*Fuerunt principes Iude quasi transferentes terminũ: super eos igitur effundam quasi aquam indignationem meam.*

Hic



**H**ic deinceps Propheta per aliquot capita versus & Israëlitis & Iudæis concionatur, & Iudæos æquè atq; Israëlitas idololatriæ & aliorum peccatorum accusat, & vtrisque pœnas denunciat. Quod enim suprà cap. 17. Iudæos laudauit & cōsolatus est, id eo modo intelligendum est, quo ibi dictum est: aliàs enim etiam regnum Iuda per Babylonios destructum est 130. annis circiter post regnum Israël ab Assyrijs vastatum. Et si enim in regno Iudæ publicè ferè religio purior quàm in regno Israël vigeret: tamen vnà etiam inde vsque in tempus Solomonis superstitio & idololatria partim publicè à regibus, partim à subditis priuatim fouebatur & exercebatur: Et inter reges quidem qui post Iosaphatum vixere, Ahas veram religionem penitus contempsit & repudiavit, & idololatriam publicè inuexit: quam ex sequentibus regibus duo tantum profligare conati sunt, nempe Ezechias, & Iosias. Semper igitur etiam regnum Iuda aliqua ex parte superstitio & idololatria pollutum fuit. Adeò enim tenax est impietas, postquam semel in regna admissa est, nec prius in hoc regno desijt, quàm populus Dei funditus euerteretur, & in captiuitatem Babylonicam abduceretur. Ideoq; & suprà v. 5. Iudæos vnà cum Israëlitis perituros esse, quasi obiter affirmauit Propheta, & nunc ex professo scelera Iudæorum taxat, & regni Iudaici vastationem prædicit. Quare hic versus & similes reliqui non pugnant cum v. 7. cap. 1. aut cum v. 12. cap. 11. & similibus.

In hoc autem versu principes & procures regni Iudaici præcipuè compellat, quod eorum in primis consilio, auctoritate & negligentia religio corrumperetur & populus delinqueret, vt & sup. v. 12. dictum est.

Per principes autem etiam populum & totum regni corpus intelligit. Primùm autem peccatum: deinde pœna proponitur & similitudine exaggeratur. Peccatum autem similitudine imperfecta notatur. Principes, inquit, Iuda similes sunt ijs qui terminos agrorum transferunt & limites perturbant,



turbant. Hi enim formam religionis diuinitus præscriptam pro sua libidine mutant. Alij enim vt proximè diximus, etsi cultum lege Mosi præscriptum retinerent: tamen idololatriam suis permittebant, vt Ioas & alij. Alij autem & religionem veram retinuerunt, & simul etiam idola coluerunt, vt Ioram, Achasias, Athalia, &c. Alij autem veram religionem prorsus contempserunt, & abolere conati sunt, vt Achas & Manasses. Hi igitur terminos & limites religionis partim transtulerunt ipsi, partim transferri permiserunt.

Vt autem terminorum reuulsores grauissimè in Deum & proximum peccant, ita principes qui religionem mutât, corrumpunt aut deprauant, atrociter in Deum & subditos peccant: vnde in lege quæ Deut. 27. v. 17 extat, dicitur: Maledictus qui transfert terminos proximi sui, & dicat vniuersus populus Amen.

Estque hîc notandum doctrinam diuinitus traditam conferri cum terminis & limitibus, quos reuellere aut transferre summum scelus sit, vt intelligamus nihil in doctrina cœlesti sine summo peccato mutari, aut deprauari à nobis posse.

Vel etiam per terminum seu limitem regni vtriusque distinctio, quæ in religionis & cultus diuersitate præcipuè sita esset. Per terminorum autem translationem regni vtriusque confusio intelligi potest. Communis autem impietas discrimen ferè tollebat, vt vnum iam regnum ex duobus factum impietatis similitudine videretur: vt terminis agrorum turbatis ex multis vnus fieri videtur. Atq; hæcenus peccatum fuit, sequitur pœna, nempe regni excidium, quod in primis in principes redundaret, quæ pœna & ipsa similitudine exaggeratur, super eos effundam quasi aquam indignationem meam. Affirmat igitur Propheta indignationem diuinam: id est, vindictam atque pœnam similem futuram diluuiò omnia obruenti, aut tempestate omnia profternenti, vt videlicet pœna peccato par sit, vt alij sublati religionis terminis magnam fecerant regni vtriusq; confusio.



confusionem: Ita Deus vicissim nouam & ingentem confusionem rerum omnium facturum est. In voce Hebraica עֲפָפָה Emphasis est. Est enim quæ passim grassatur, & obuia quæque tempestatis instar vastat, quæq; nullis repagulis coherceri possit.

Quidam aliteram in priore hemistichio, pro particula affirmandi accipiunt, sed magis hoc loco similitudinis est.

Vetus hoc loco vertit: *assumentes terminum*, minus commodè.

Græci autem pro indignationem τὸ ὄργημα: id est, *impetum* verterunt: itidem minus propriè.

## VERSUS XI.

*Opprimetur Ephraim, conteretur iudicio: quoniam acquieuit, &, ambulauit post præceptum.*

**A** Iudæis ad Israëlitas, vel etiã à principibus Iudæ ad populum regni vtriusque oratio conuertitur, idq; per occupationem. Cum enim proximo versu principes Iudæ reprehenderit, vt penes quos maxima pars culpæ resideret, religionis deprauatæ, poterat populus hoc colore sese excusare, quod regum suorum consilio & caliditate in errorem inductus, & autoritate ad peccandum compulsus esset, ac proinde aut nullam aut minorem culpam suam esse, seq; aut immunem à pœnis esse debere, aut si puniatur, iniuste puniri.

Ad hanc igitur tacitam obiectionem populi respondere hoc versu Propheta videtur, & vanam eius excusationem refellere. Affirmat igitur nullo modo populum extra culpam esse qui regum impiorum autoritatem sequuti aut metu fracti in Deum peccarint. Deo enim magis quàm hominibus morem gerendum: vt est non solum in sacris literis, sed etiam apud pròphanos scriptores, Dei mandatum omnibus omnium tyrannorum edictis longè antefendum, ac vitam potius quàm Dei mandatum prodendam. Id igitur

O cum



cum populus Iudaicus & Israëliticus non fecerint, sed impiorum principum impia edicta promptè & alacriter amplexi atq; sequuti sint, spreto & contempto Dei mandato & maximo crimine teneri, & pœnas grauissimas luituros affirmat Propheta.

*Opprimetur Ephraim.*] Id est, fraudi & violentiæ hostium expositus erit, & per insidias & vim ab hostibus opprimetur. Alludit autem ad locum Deut. 28.v.33. Vbi in maledictionibus dicitur: Et eris tantummodo oppressus & contritus omnibus diebus. Quæ verba è re militari sumpta esse videntur: hostes enim partim insidijs & cuniculis, partim aperto Marte rem gerunt. Prius enim verbum fraudis, calumniæ vim & violentiam notat, ad quæ verba etiã alludere videtur Iohannes Luc. 3. Cum militibus, ait, neminè concutite, neq; calumniamini.

In Hebræo autem Enallage temporis est: sunt enim præsentia pro futuris. Vnde verus: *Calumniam patiens Ephraim*, quod tempus & nostri retinuerunt.

*Ephraim.*] Synecdochicè hoc loco pro utroq; regno accipi videtur.

*Iudicio.*] Id est, pœna & calamitate. Nostri iudicium per aduerbiũ iustè interpretantur & vertunt: *der med steer hannom Hæsh.*

*Quia uoluit.*] Seu acquieuit: ut 2. Reg. 6.v.3. *Acquiesce & veni, vel velis & veni.* Aliàs verbum Hebraicum incipere significat, quam significationem & Græci & verus expresserunt.

*Et ambulauit.*] In Hebræo Asyndeton est, voluit, ambulauit: ad facilitatem & promptitudinem obsequij exprimendam. Præceptum autem vocat mandatũ impiorum regum Israëlitarum de idololatria, ut Ieroboami in primis, tum Achabi & aliorum similium. Atque hîc etiam in voce Hebraica γ monosyllaba, celeritas rei significatur, quasi diceret vnica syllabam satis fuisse regi ad populum excitandum, quæ vox hîc tantum & apud Esaiam 28.v.10. & 13. legitur, vbi dicitur, de præceptis minutis & breuibus, quibus pueruli sensim &

pau-



IAC. MATTHIÆ PRÆLECT. 99

paulatim, & quasi syllabatim instituuntur, cum dicitur: Præceptum post præceptum, linea post lineam, parum ibi, parum ibi. Græci pro præcepto *μαρτα*: id est, uana vertunt. Vulgata habet sordes.

VERSUS XII.

*Et ego (ero) tanquam tinea ipsi Ephraim: & quasi tere-  
redo domui Iuda.*

**R** Vrsus pœna nempe regni vtriusque excidium tribus sequentibus versibus exprimitur, idq; hoc versu per comparationem fit. Ut tinea, inquit, vestes, & tere-  
redo ligna arrodit & cōsumit: ita ego regnum vtrumq; perdam.  
Græci hîc pro tinea & tere-  
dine *ταρα* & *κρη*: id est, tumultum &  
stimulum. Verus pro posteriori putredinem habet.

VERSUS XIII.

*Videbit autem Ephraim languorem suum & Iuda vul-  
nus suum, & ibit Ephraim ad Assur, & mittit ad  
regem Iareb: sed ipse non poterit sanare vos, & non  
poterit curare vulnus vestrum.*

**A** Ffirmat Propheta contra iram Dei punientis & seui-  
tis in impios nihil profutura auxilia humana, & simul  
impietatem populi reprehēdit, quod in rebus aduer-  
sis ad auxilia & præsidia humana potius ferè, quàm diuina  
respiceret & confugeret, cum Deus contra ideo puniat, ut  
homines ad se reuocet, & ad se potius quàm præsidia terre-  
na confugere cogat: vide hunc locum fufius explicatum  
Esaïæ 31.

*Videbit.*] In Hebræo præteritum est pro futuro: futurum  
autem indicatiui pro subiunctiuo quo carent Hebræi,  
pro, cum uiderit morbum suum, & uulnus suum: id est, sese in pœ-  
nis hærere, & q. morbo laborare, cumq; ab hostibus op-  
pressus fuerit, tum si ad reges potentes, ut ad Assyrios, vel  
Ægyptios de auxilijs miserit, nihil ipsi eorum auxilia sunt

O 2 pro-



100 IN HOS. IAC. MAT. PRÆL.

profutura. De voce *אֶרֶב* non consentiunt interpretes, plerique proprium regis nomen esse volunt. Alij contra vt Iona-  
than Chaldeus & vetus pro communi seu appellatiuè acci-  
piunt, quorum ille qui venturus est ad vlciscendum: hîc ve-  
rò regem ultorem: sed satis est sensum tenere, quod dam-  
netur fiducia præsidiiorum humanorum vt impia & inutilis.  
Nec curare.] Verus habet: Nec soluere poterit à uobis uinculum.

VERSUS XIII.

*Quia ego (ero) quasi Leo ipsi Ephraim, & quasi catu-  
lus Leonis domui Iuda: Ego ego rapiam & abibo,  
tollam (prædam) & nemo mihi eripere poterit.*

**C**omminationem & pœnam exaggerat à Dei poten-  
tia, quam viribus & præsidijs humanis opponit: po-  
tentia autem Dei similitudine exprimitur. Vt enim  
antè Deus se cum tineis & vermiculis qui occultè & sensim  
vestes & ligna consumunt: ita nunc cum Leone formi-  
dabili, qui magna vi, & impetu & robore inuictò grassa-  
tur confert: vt, inquit, Leoni famelico grassanti, ita Deo  
irato & seuienti nemo resistere poterit. Vtq; Leoni fame-  
lico prædam quam nactus est, nemo facillè eripere potest.  
Ita Iudeos & Israëlitas aliosq; impios è manu Dei cùm vin-  
dictam exercere ceperit, eripere potest.

*Ero quasi Leo.*] Græci *pantheram* vertunt, quos Latini qui-  
dam sequuntur, cum Psalmo 91. v. 13. *aspidem* vertant.

Vulgata *Leenam* vertit: vide infra cap. 13. v. 7. & 8.

*Ego ego.*] Repetitio Emphasin habet & exaggerationem,  
quam Græci neglexerunt, qui vertunt tantum *ego*.

*Rapiam.*] Continuatur similitudo: rapere enim ad Leo-  
nem propriè refertur: ad Deum autem per similitudinem.

Atq; hætenus caput quintum fuit: versus enim se-  
quens ad sequentia magis spectat quàm  
ad præcedentia. Quare hîc ca-  
put claudamus.

CAPVT



# CAPVT SEXTVM. VERSVS PRIMVS.

**A** *Bibo & reuertar ad locum meum donec agnoscant se reos, & querant faciem meam: in angustia sua diluculo quarent me.*



ACTENVS ab initio Capitis quarti concionis quartæ pars prior fuit: sequitur nunc pars altera vsque ad versum quintum huius capitis, quæ est concio gratiæ & consolatio. Hic autem dulcissimus versus finem ostendit comminationum & pœnarum, quæ à Deo infliguntur, hunc esse, vt nos peccatum tandem nostrum agnoscamus, & ad Dei punientis misericordiam confugiamus, & ab eo veniam delictorum, pœnarumq; mitigationem petamus: id est, vt nos ad veram pœnitentiam agendam Deus hoc modo cogat atq; compellat. Vt enim concione gratiæ & misericordiæ atq; rebus secundis nos ad sese inuitare & allicere: ita concione iræ & iustitiæ, & rebus aduersis nos ad resipiscendum cogere conatur Deus. Atq; ita vtroq; modo salutem nostram operatur. Neque enim Deus punit vt perdat, sed vt seruet. Iehoua enim occidit vt in vitam reuocet, & vulnerat vt sanet: vt dicitur Deut. 28. & 1. Regum 2. v. 8. Et vt faciat opus suum, opus alienum. Esaia 28. v. 27. & 1. Corinth. 11. v. 32. Cùm punimur à Domino, erudimur, nec cum mundo condemnemur. Calamitas enim & æumnæ homines ad examen ferium adducere solent, vt causas suorum malorum quasi morborum quærant, quas cùm in se hærere conspexerint, necessario si salui esse velint ad Dei opem & auxiliũ ipsis confugiendum est.

Hic autem versus cum proximo cohæret repetitione vocis *abibo*. Vt inquit: Leo prædā nactus abt ē medio, & ad spoliū suū se recipit: ita ego me in habitationem cœlestem abdam, & me ē conspectu eorum subtraham: id

O 3 est,

APVT



est, deseram eos ne meam præsentia aut opem sentiant aut agnoscant, permittamq; vt hostes pro sua libidine in eos aliquandiu seuiant & grassentur.

*Donec fatentur se reos.*] Verbum Hebraicum *וַיִּשָּׁב* primum significat delicti agnitionem, aut de delicto opinionem propriam aut alienam, quo pacto Zacharię ii. v. 5. accipitur, vbi dicitur: Qui possident ipsum occidunt, & non peccant: id est, non iudicant se peccare, nec agnoscunt delictum. Atq; hæc significatio huic loco magis congruere videtur. Tertio significat desolari & perire, quod delicti effectus est. Quo sensu Græci hîc accipiunt, qui reddunt *delebuntur*: quod Vetus & Pagninus sequentes reddunt, *donec deficient*. Sed Vetus personam tertiam in secundam mutauit, qui vertit, *donec deficiatis & queratis*.

*In faciem meam.*] Id est, conabuntur mecum redire in gratiam, & optabunt me habere propitium & præsentem. Vt enim Deus iratus faciem auertere atque abscondere: ita placatus & beneuolus faciem suam conspiciendam præbere dicitur: vt Psalm. 80. Ostende nobis faciem tuam & salu erimus.

*In angustia sua diluculo querent.*] In Hebræo verbum est *יִשְׁכַּח* quod significat *mane & mature*: id est serio & studiosè aliquid querere. Græci reddiderunt *ὁρθρὸν καὶ πρὸς με*. Angustia igitur & calamitas pœnitentiæ schola est.: & hîc verum est illud, *πᾶθῆμα καὶ μαθήμα*. Item, quæ nocent docent.

## VERSUS II.

(Et dicent) *venite & reuertamur ad Iehouam: quoniam ipse rapuit & sanabit nos: percussit & obligabit vulnus nostrum.*

**E**Andem sententiam tribus versibus repetit & amplificat dialogismo, quo populum sese mutuo ad pœnitentiam agendam & veniam à Deo petendam cohortantem, & de gratia & misericordia Dei sese mutuo confirmantem introducit.

*Venite.]*



Venite.] Imperatiuus vim habet aduerbij exhortandi: agite, agite dum reuertamur, &c.

Reuertamur.] Hæc reuersio opponitur reuersioni Iehouæ versu 1.

Quia ipse rapuit.] Hoc verbum reperitur ex versu vltimo capitis proximi, vbi Deus se Leoni comparas: Ego ego, inquit, rapiam & abibo. Significat autem verbum non tantum rapere, sed etiam raptum dentibus & vnguibus decerpere & dilacerare: vt Ezechielis 22. v. 25. Velut Leo rugiens decerpit prædā: Vetus vertit cepit, quod hoc loco parum conuenit.

Et sanabit.] Hæc sententia ex cantico Moyfi Deut. 32. v. 39. Et Annæ i. Samuelis 2. v. 6. sumpta sunt.

Percussit.] Id est, quasi hostis vulnus nobis inflixit.

Obligabit vulnus.] Metaphora à Chirurgis qui vulnera fascijs obligant, idem igitur Deus iratus, Leo & hostis est: placatus autē medicus, chirurgus, & amicus est. Lacerare autem & percutere de calamitatibus, excidio regni, & exilio: sanare autem & obligare de misericordia Dei, peccatorum remissione, & pœnarum mitigatione dicuntur.

## VERSUS III.

*Viuificabit nos post biduum: de tertio suscitabit nos,  
& viuemus coram facie eius.*

CONFIRMAT se mutuo populus de gratia & misericordia Dei, pœnarum mitigatione & auxilio diuino.

Viuificabit.] Id est, consolabitur: vt Psalm. 119. v. 50. Hæc est consolatio in afflictione mea, quod verbum tuum viuificet me. Vt enim mors Hebræis de magnis calamitatibus & doloribus: ita vita de rebus secundis & lætitia dicitur.

Post biduum.] Extenuatio est moræ & temporis, quo auxilium Dei differtur, quæ sit tantum bidui, aut summum tri-  
dui: q. d. Si non statim liberamur, patienter auxilium Dei  
expe-



expectandum est, quod non diu differetur, &c. Certo tandē apparebit: vt Psalmo 30. v. 6. dulcissimè dicitur: Momētum est in furore, vita in voluntate eius, vesperi ad nos diuertit fletus, sed manē læticia reuertitur.

*Die tertio suscitabit nos.]* Scilicet exumnis & calamitatibus mortuos.

*Et uiuemus in consp.]* Id est, felices & læti in posterum erimus Deo nobis placato & propitio. Nostri ad resurrectionem Christi hæc accommodant. De corpore enim loquens Propheta, interim etiam ad caput, nēpe Christum respicere potest Propheta. Vnde & Paulus 1. Corinth. 16. cap. 4. ad hunc locum respicere videtur, cū de Christo ait: Et suscitatus est tertio die secundum Scripturas. Nec dubium est quin Propheta hīc etiam ad resurrectionem & vitam æternam, quæ in Christo inchoata est, respiciat.

Græci pro *uiuemus* vertunt *resurgemus*, & ad hunc sensum alludentes, & ad verbum præcedens *suscitabit nos*, respicientes.

## VERSUS IIII.

*Et cognoscemus (eum) studebimus cognoscere Iehouā,  
quasi aurora paratus (erit) egressus eius: & veniet  
quasi imber nobis, & quasi pluuia serotina & tem-  
poranea (venit) terra.*

**R**ursus eadem ferè sententia ad maiorem certitudinē & consolationem repetitur. Confirmat enim sese populus de fructu pœnitentiæ, nempe pœnarum in quibus hærebant mitigatione, deque pristino fauore & benedictione.

*Et cognoscemus.]* Hæc verba variè explicari possunt: vel enim adhortationem continent populi mutuam, ad serium pœnitentiæ studium: vt sit sensus: *Cognoscamus & persequamur cognoscere, & in hoc pariter incumbamus, ut cognoscamus*: id est, agnitiū colamus, Iehouam: vel est sensus: *Si conabimur*

*Deum*



Deum cognoscere, eumq; serio colere, reuera experiemur eum propitium & beneuolum, & plurima ab eo beneficia percipiemus. Atque hunc sensum sequentia flagitare videntur. Possit & vtrumque futurum conditionaliter accipi: vt si cognouerimus & cognoscere studuerimus Iehouam, tum quasi aurora paratus erit egressus eius, quo sensu molestissimè verba cohererent.

*Quasi aurora.* ] Amplificatio fauoris Dei & beneuolentiæ diuinæ à duabus similitudinibus: vna ab aurora quæ post noctem & tenebras sequens, quasi vitam & lætitiā hominibus restituit. Altera à pluuiā quæ terram fœcundat, & seminibus quasi mortuis vitam impertiat. Per auroram igitur lætitiā post dolorem: per pluuiam bonorum omnium copia post inopiam significatur.

In Hebræo tria sunt vocabula pluuiæ, quorum primum quasi genus est, duo posteriora quasi species sunt. Sic & Deut. primum genus ponitur, deinde hæc eadem species, sed alio ordine, nempe & vbi Septuaginta & qui eos sequitur Iacobus ca. 5. v. 7. vertunt Græcè ὑπὸν πρωΐμον καὶ ὀψιμόν: id est, pluuiā matutina & serotina.

Græci per egressus eius reddunt, *inueniemus eum.*

Item, pluuiam temporaneam & serotinam.

Hic etiam legerunt ad locum Deut. respicientes, quod & Verus sequutus est.

Chaldæus paraphrastes pro ܠܝܬܝܝܐ videtur legisse ܠܝܬܝܝܐ: id est, quæ fœcundet seu irriget terram, quod & nostri lequuti sunt.

## VERSUS V.

*Quid faciam tibi Ephraim, quid faciam tibi Iuda? cū bonitas vestra sit velut nubes matutina, & velut ros manē euanesceus.*

**H**Actenus cōcio quarta fuit, sequitur nunc quinta, quæ ab hoc loco ad finē capituli vndecimi durat: prior autē pars eius ad finē versus septimi eiusdē capituli durat.

P Hic



Hic autem versus querelam Dei continet, quod Israël & Iuda, nec plagis emendari queant, nec ullis alijs remedijs sanari, quodq; præ se ferat studium pietatis, sed quod simulatum tantum sit & momentaneum.

*Quid faciam tibi.*] Scilicet amplius quam feci hactenus, ut te in viam reuocem & sanem, admoneam ne an castigem? Atqui utrumq; à me factum est, idq; frustra. Vide i. cap. Esaiæ: Estq; proinde quasi parentis in perditos filios affectus hic expressus, & oratio interrogatione & communicatione ut magis sit efficax.

*Quia bonitas uestra.*] Hypocriticæ pœnitentiæ descriptio. Bonitas autem hoc loco pro charitate & beneficentia accipitur, ut omnia charitatis & beneuolentiæ officia erga proximum contineat. Simulq; Synecdochinè pietatem & obedientiam erga Deum complectitur: ut v. 6. apparet. Hæc igitur, inquit, bonitas similis est nubi matutinæ, quæ scilicet pluuiam minatur, sed mox orto Sole in ventos dissipatur, & expectationem hominum fallit, & similis est rori, qui manè statim orto sole euanescit: id est, non constans est, aut solidum pietatis & probitatis studium. Sed hypocrisis tantum fuga & euanida.

*Velut nubes.*] Iudas Apostolus v. 12. *ὡς φέλα ἀνυδροί.* i. nubes aqua carentes vocat.

## VERSUS VI.

*Propterea dolui eos per Prophetas, (&) occidi eos verbis oris mei: ut iudicia tua (essent quasi) lux exoriens.*

**S**tudium suum in sanando populo & conuertendo prædicat Deus, quod videlicet ministerio Prophetarum ad hoc sedulo vratur, ut admoniti resipiscant.

*Propterea.*] Prior pars versus duplicem sensum recipit, qui tamen uterque eodem recidit, prior hic est, magnâ vi Prophetas ad officium propheticum extruxi, & penè ipsa docendi



cendi & admonendi vos molestia occidi. Posterior excidi & dedolui populum per Prophetas meos, & penè enecavi verbis oris mei, dum videlicet Prophetæ quasi meis verbis peccata eorum reprehenderent, pœnâsque prædicerent & comminarentur.

*Excidi.*] Verbum Hebraicum significat secare aut excindere, ut ligna secantur, dedolantur, aut expoliuntur, aut ut lapides ex montibus excinduntur, aut excisi expoliuntur.

*Ut iudicia.*] Id est, ut pœnitentia tua esset non hypocrítica, aut simulata, sed sincera, clara, & perspicua quasi lux Solis exorientis, simulque & fructum pœnitentiæ, nempe fauorẽ meum, & benedictiones omnis generis reportares. Vtrunque enim lux significare hic videtur. In voce autem *lucis* respicit ad id quod antè dixit: quasi aurora paratus ortus eius.

## VERSUS VII.

*Quia bonitatem volo non sacrificium & scientiam  
Dei magis quàm holocausta.*

**O** Stendit quid præcipuè docuerint Prophetæ, & in quo præcipuè vera pœnitentia sita sit, nempe in vera Dei cognitione, & timore, & sinceræ charitatis erga proximum officijs, simulque peruersum populi de cultu Dei iudicium reprehendit, qui magis in sacrificiorũ & ceremoniarum pompa, cultum Dei situm esse putarunt. Ut autem hæc opinio semper in animis hominum multorum hæsit: Ita contra hæc admonitio semper & sedulò à Prophetis inculcata est, unde & 1. Samuel. cap. 15. v. 22. iisdem penè verbis proposita est. Nūquid voluntas Iehouæ est in holocaustis & victimis ut in obtemperando voci Iehouæ. Ecce melior est obedientia quàm victimæ, & auscultare magis quàm offerre adipem arietum. Eademq; sententia subinde & in Psalmis & Prophetis repetita est: ut Esaia 1. Ieremiæ 6. & passim alibi: & Christus bis in Matthæo hanc repetit, Matth. 9. v. 13. & 12. v. 7.

P 2 Nec



Nec in Ecclesia tantum hæc peruersa opinio, sed etiam extra Ecclesiam omnibus temporibus in genere humano viguit, etiam apud Ethnicos, unde & à sanioribus philosophis præsertim Platone graniter est reprehensa, qui Plato in Alciabiade 2. sic inter cætera scribit.

Deorum natura non est eiusmodi ut donis concilientur, veluti improbus scelerator: graue etenim indignumq; esset, si Dij ad nostra dona atque sacrificia respiceret, non vero ad animum si quis pius & iustus nimirum sit, multo potius opinor, ad animum respiciunt, quàm ad opiparas has pompas atque hostias, quas nihil prohibet, quo minus vel homo priuatus, vel Respub. si quibus sceleribus se obstrinxerint, illata innocètibz iniuria quotannis exsoluant (scilicet ad scelera expianda) Verum enimvero Dij munerum sordibus minimè capiuntur. Sed hæc omnia securè cõtemnunt. Videtur igitur ut apud Deos & apud homines sana mente præditos iustitia & sapientia ceteris omnibus rebus in precio esse. Hæc Plato.

Sacrificia igitur veteris Testamenti, etsi partim typica erant & commonefactiones de doctrina, & nerui publicæ congregationis, & τρεπίληρία seu pars stipendij docentium, suoq; proinde ordine facienda erant: tamen non placebant Deo sine fide, & sine obediètia morali, & nisi ex præscripto legis diuinæ omnino fierent.

*Quoniam bonitatem.*] bonitas τὸν hîc pro charitate, humanitate, & beneuolentia accipitur, & omnia charitatis & humanitatis erga alios præsertim miseros & inopes quæ secunda Decalogi tabula præcipiuntur complectitur. Repetitur autem hæc vox ex v. 4. Septuaginta & Verus specialiter misericordiam vertunt.

*Et non sacrificium.*] Negatio hoc loco non negat simpliciter, sed vim comparisonis habet aut correctionis. Negatio enim non semper priuat aut remouet, sed interdum comparat vel corrigit tantum, quomodo hîc accipiendam esse etiã sequens membrum ostendit. Sensus est igitur: *Malo bonitatem quàm*



quàm sacrificium. Sed de hac phrasi plura in tractatu de phrasibus suo loco dicemus.

*Sacrificium.*] Nomine sacrificij & holocausti, omnis externus cultus & ceremoniæ omnes significantur.

*Et scientiam Dei.*] Scientia Dei hîc fidem & totius doctrinæ Ecclesiæ, de essentia & voluntate Dei cognitionem, & opera omnia quæ prima legis tabula præcepta sunt, completitur. Potest tamen & eiusdem sententiæ repetitio esse, ut scientia sit pro operibus ex scientia & fide vera manantibus, ut dicitur Ieremiæ 22. v. 16. Iudicavit Iudicium pauperis & egeni, & tunc benè faciet ei, nōne hoc est nosce me ait Iehoua?

## VERSUS VIII.

*Ipsi autem ut homines transgressi sunt fœdus, ibi in me perfidi fuerunt.*

**H**Actenus studium suum erga populum & voluntatem quam sequi eos voluit expressit Deus. Nunc contra peruiaciam populi exponit, quod videlicet neglecto & abiecto omnis pietatis & humanitatis studio, ceremonijs tantum & sacrificijs cumulandis Deum colere conetur: id enim vocat fœdus transgredi seu violare & in Deū perfidum esse.

*Vt homines.*] Qui scilicet natura leues & inconstantes sunt. Per Antithesin enim homines hîc Deo opponuntur. Ut enim Deus bona fide cum hominibus agit & fideliter promissa præstat. Ita illi contrà perfidi sunt & fœdifragi.

Vetus Adamum vertit quasi nomen proprium: ut sit sensus, quod primi hominis exemplo Israëlita in Deum peccent, quod tamen huic loco minus conuenire videtur.

*Fœdus.*] Id est, legem ut Deuter. 6. v. 2. Iehoua Deus noster pepigit nobiscum fœdus in Horeb: id est, legem suam nobis tradidit Deus.

*Ibi.*] Id est, in terra promissa, vel in ea re in qua maximè me demereri conantur.



*Giliad est ciuitas operantium iniquitatem polluta sanguine.*

**P**ergit in reprehendendis & accusandis peccatis populi Israëliti, quod regnum affirmat esse ciuitatem hominum maleficorum & sceleratorum.

*Giliad.*] Regio erat vltra Iordanem, vbi tribus Ruben & Gad, & dimidia tribus Manasse, possessionem acceperant, sed hic pro toto regno Israëlitico per Synecdochen accipi videtur.

*Operantium iniquitatem.*] Id est, hominum sceleribus & flagitijs omnis generis coopertorum. Vide Esaia 59. v. 6. Vulgata versio, pro iniquitate dolum habet.

*Polluta sanguine.*] Id est, cædibus & atrocibus peccatis. Sanguis enim interdum in genere pro atrocibus peccatis & omnis generis sceleribus vsurpatur. Vt viri sanguinum oderunt integros, Prouerb. 29. v. 10.

*Alij vertunt calida seu astuta seu exercitata cædibus & homicidijs. Vetus reddit conculcata.*

Græci hic longius recedunt, qui vertunt: *Cōturbans aquam.*

## VERSUS X.

*Et quemadmodum expectant hominem turma latronum, sic, societas sacerdotum (in) via trucidant humero (vno) nam scelus cogitatum perpetrant.*

**A**mplificat scelera populi collatione, idque in specie. Ipsi, inquit, Sacerdotes populi Israëliti nihilo sunt meliores latronibus & sicarijs qui homines in vijs iugulant & trucidant: quod si Sacerdotes tales sunt, multo deteriores ceteris sunt.

*In vijs trucidant.*] Hæc pars magis ad protasin pertinet: latronem enim est in vijs trucidare homines.

*Humero uno.*] Id est, consensu vno & conspiratione vt Sophonia



IAC. MATTHIÆ PRÆLECT. III

phonie 3. v. 9. Vt seruiant ei humero vno: id est, consensu. Alij plerique vocem Hebraicam pro nomine proprio urbis accipiunt, & vertunt, in uijs trucidant uersus Zichem.

*Scelus.* Vox Hebraica in genere significat cogitationem, sed plerunque specialiter pro cogitatione scelerata & consilio alijs pernicioso accipitur. Hic autē de eo dicitur, quod sacerdotes populum ad simulacrorum cultum pellicerent, quod perinde esset, ac si eos interficerent, & more latronum trucidarent.

VERSUS XI.

*In domo Israël video sceditatem: ibi est scortatio ipsius Ephraim, pollutus est Israël.*

**E**T hic Idololatriam populi totius accusat, quam nomine sceditatis, scortationis & pollutionis designat, & ter ad rei indignitatem, & turpitudinem exaggerandam repetit.

Affirmat autem se eam sceditatem videre, ut ostendat eam esse manifestam, ut regi amplius, aut excusari nequeat. Et verbum uidendi etiam ad reliqua membra vim suam extendit.

Israël autem & Ephraim hic pro eodem sunt, ut passim alibi. Vel Ephraim est pro Ieroboā, qui ex tribu Ephraim fuit, & primus idololatriam publicē in regno Israëlítico, ut sepē iam dictum est, instituit. Conuenit autem hic versus, cum versu tertio, Capitis quinti.

VERSUS XII.

*Etiam o Iuda ponit, Israël, messem tibi: dum reducere conor captiuitatem populi mei.*

**Q**uerela est quod Iudæi exemplo Israëlitarum ad peccandum, & præsertim idola colenda inuitarentur, & seduci se paterentur. Simulq; comminatio est, quod Iudæi tandem vnā cum Israëlitis simili pœna captiuitatis & exilij



112 IN HOS. IAC. MAT. PRÆL.

exilij afficiendi essent, qualis admonitio etiam suprà fuit  
cap. 5. v. 5. 10. 12. 14.

Interpretes in hoc versu exponendo propter sermonis  
obscuritatem admodum variant, sed hic sensus quem ex-  
pressimus simplicissimus, & Grammaticæ verborū & men-  
ti Prophetæ conuenientissimus esse videtur.

Ponit. ] Scilicet populus Israël: suppositum enim deesse vi-  
deretur, quod ex proximo versu repetendum est.

Ponit messēm. ] Id est, peccati segetem, materiam, exemplū  
& fructum: id est, inuitat te ad idem idololatriæ peccatum,  
quod ipsi sequuntur, quod cum etiam imiteris, eandem cū  
ipsis mercedem & fructum meres: id est, eadem cum ipsis  
pœna suo tempore punieris.

Alij paulò aliter, sed eodem ferè sensu interpretantur hoc  
modo: Etiam Iuda ponit Messēm tibi ô Israël: id est, quod tu seris,  
ille metit: id est, exemplum idololatriæ à te institutæ imita-  
tur, & eandem tandem pœnam quam tu sentiet.

Dum reducere conor. ] In Hebræo est, dum reduco captiuitatem po-  
puli mei, sed reduco seu conuerto hoc loco simpliciter esse vide-  
tur, pro reducere seu conuerrere volo, studeo, conor, vt  
interpretati sumus: & sic proximo ca. v. i. verbum sano, pro  
sanare conor accipitur. de quo Hebraismo suo loco dice-  
mus: Conari igitur captiuitatem conuerrere, seu reducere nihil aliud  
est, quàm populum ad pœnitentiam vocare, & ab idolola-  
tria ad verum Deum colendum reuocare, ne tandem pro-  
pter hoc peccatum in captiuitatem abducatur, & vt breui-  
ter dicam, Est captiuitatem imminentem auertere.

In vocibus אֶשׁ & בָּרָא pulchra! in Hebræo est paro-  
nomasia.

Populi mei. ] Id est, Israël. Est enim antecedens pro rela-  
tuo ipsius.

CAPVT



## CAPVT SEPTIMVM.

## VERSVS PRIMVS.

**D**um sanare conor Israëlem, reuelatur iniquitas Ephraim, & malitia Samaria: quoniam faciunt mendacium & domi furantur, & foras ut latrones spoliunt.



**Q**UERE LA est quod populi malitia incurabilis & desperata sit. Comparat enim Deus & se & Prophetas Medicis, & doctrinam Ecclesiæ medicinæ: Peccata autem populi morbis corporum inueteratis & pertinacibus, qui remedijs magis exacerbantur quàm mitigantur.

*Dum sanare conor.* ] In Hebræo est, *dum sano*: vide versum vltimum capitis præcedentis in verbis: *Dum reduco captiuitatem.*

*Reuelatur iniquitas.* ] Id est, magis magisque sese profert, & cuiusmodi sit ostendit, dum indies maior fit. Medicus enim dum morbum tractat, magis magisque ingenium morbi cognoscit.

*Iniquitas Ephraim.* ] Israël, Ephraim, & Samaria hîc pro eodē sunt. Ephraim igitur & Samaria sunt quasi antecedentia pro relatiuo posita, pro dum sanare conor Israëlem, interim magis patet & innotescit iniquitas eius & malitia eius.

*Quia faciunt mendacium.* ] Mendacium vel integritati vel sinceritati opponitur. Sensus est: Nullam esse in populo integritatem, sed omnes eò magis fraudibus & imposturis studere, quò magis admoneantur ut desistant, vel opponitur æquitati & iustitiæ, & iniustitiam atq; iniurias omnis generis significat.

*Domi furantur.* ] Quod generaliter dixit, specialiter iam explicat, & duas iniuriæ species exprimit, fraudem & violentiam.

*Domi, inquit, furantur:* id est, occultis artibus aliena bona

*Q* ad se



ad se pertrahunt furum instar, qui noctu domos subeunt, & hi furta sua regunt & palliant, vel pœnæ metu, vel existimationis tuendæ causâ.

*Foris autem spoliant.* ] Id est, aperta vi aliena capiunt, aliosque instar latronum & prædonum opprimunt, palamque sine omni pudore in alios sæuiunt, idque vel cyclopica audacia efferati, vel spe impunitatis quam præcipuè potentia & auctoritas ipsis polliceri videntur adducti. Atque hanc interpretationem Chaldaus & doctiores inter Hebræos sequuntur. Alij tamen de pœna accipiunt & interpretantur: *Idcirco fur ingreditur domum, &c.* id est, hostes qui regnum vastabunt & urbes deripient, erunt ipsis instar furum & latronum.

## VERSUS II.

*Et non cogitant cum animis suis me omnis malitia ipsorum memorem futurum: seq̃, paulò post suis operibus circumdatum iri, quæ corâ facie mea sunt.*

**A**mplificat querelam à populi securitate, simulq; causam exprimit præcipuam scelerum & impoenitentiae, nempe de Dei iudicio dubitationem & spem impunitatis.

*Operibus suis.* ] Id est, mercede operum seu pœnis peccatorum: opus enim sæpè pro mercede operis accipitur, ut Esaïæ 40. v. 10. Ecce merces eius cum eo, & opus eius corâ ipso. Et Ieremiæ 22. v. 13. proximo suo operatur gratis, & opus eius non dat ei.

## VERSUS III.

*Malitia sua exhilarant regem & mendacijs principes.*

**R**ursum in Idololatriam populi & principum inuehitur: hæc autè reprehensio ad versum 7. durare videtur.

Accusat autem reges & principes ut Autores & defensores idololatriæ. Vulgus autem accusat quòd in gratiam regum idola coleret.

*Malitia*



IAC. MATTHIÆ PRÆLECT. 115

*Malitia sua.* ] Malitiam & mendacia specialiter hic appellat idololatriam.

*Exbilarant.* ] Scilicet dum ipsis regibus gratificari student, & falsam doctrinam & cultus idololatricos amplectuntur, & sectantur. Vide suprà cap. 5. v. 1. & 11.

VERSUS IIII.

*Omnes adulteri sunt tam ardentes quam ardet furnus accensus à pistore, cum cessat excitare & subigere massam, donec fermentetur.*

**I**nsanum Idololatriæ studium in populo depingit similitudine: Quàm ardet, inquit, furnus pistoris ad panes coquendos accensus, tam ardent Israëlitaë infano Idola colendi studio.

*Cum cessat.* ] Subacta enim massa furnus accendi solet interim dum massa fermentatur.

*Excitare.* ] Scilicet farinam: id est, tractare. Alij ad ignem referunt: Alij ad mulieres. Quibus enim, inquiunt, in locis furni publici sunt, ibi furnarij noctu vicatim mulieres excitare solent, donec massam fermentatam & in panes conformatam adferant, vt in furno iam satis calido coquantur.

VERSUS V.

*Die regis nostri agrotant principes calore vini, & probabit (rex) manum suam cum illisoribus.*

**R**ursus alia similitudine ardorem & feruorem idololatricum exprimere viderur. Quantum, inquit, diebus solennibus & festis in aula studium potandi est, & qualis est ebriorum ardor, furor & insania, Talis & tantus est omnium in Idolis colendis ardor, in primis procerum.

Simul igitur & idololatriam & potationes aulicas perstringit & reprehendit Propheta. Conqueritur enim reges & proceres Israëlitos ad morbum & insaniam vsque potare. Vide suprà cap. 4. v. 11. potest tamen etiam querela esse

Q 2 in his



in his tribus versibus, de consiliarijs regum Israëlitarum, quod illi, cum reges sui officij admonere deberet, & de idolatria abolenda commonefacere, ipsi interim regibus adularentur, & cum ipsis diebus festis, quibus precipue de religione cogitandum esset, securi luderent, & ad morbum & insaniam perpotarent. Vide Esaia 5. v. 11. & 22.

*Die regis.* ] Quidam Mimesin esse volunt, ut sit sensus: *Iam dies regis nostri est, simus hilares.* Alij orationem simplicem esse volunt, ut sit sensus: *Die regis nostri agrotant principes*: diem autem regis appellat, vel diem natalem, vel diem coronationis & inaugurationis. Vel dies solennes à Ieroboam & regibus Israëlitis institutos ad idola in Bethel & Dan colenda: quos dies non Dei, sed regis per cōtemptum fortasse vocat.

*Aegrotant.* ] vel *agrotare faciūt*, scilicet regem vino obrutum. Est enim verbum Hiphil. Sed ut ut veritas, sensus est: *Et ipsos procures & regem parum de uero Dei cultu sollicitos, diebus festis ad insaniam & morbum potare solitos.*

*Calore uini.* ] Ebrietas enim presertim ex vino calorem excitat & corpus inflamat, Vide Esaia 5.

Alij *utre* seu *utribus* vertunt, ut sit per Metonymiam, vter pro vino. Et si id ipsum etiam expressum est. In utribus enim quibusdam in locis asseruari & transferri solet. Vide Matt. 9. vers. 17.

*Protrahit manu.* ] Id est, Ebrius ludit cum scurris & Morionibus: vel scurrarum & Morionum socius fit: vel procures ipsos ebrios, scurras & Moriones Propheta appellat, quibus Rex manum porrigit, quasi signum societatis, vel cum quibus ludit & nugatur.

## VERSUS VI.

*Certe applicant quasi furnum (ardentem) Cor suum  
insidijs suis: tota nocte dormit pistor eorum, manè  
ipse ardet igne flamme.*

Repe-



**R**Eperit sententiam & similitudinem versus quarti. Vt inquit furnus manè à pistore postquam noctu quieuit accesus ardet: Ita animus & cor populi, studio idolatriæ inflammatus ardet.

*Insidijs suis.*] Quod antè versu tertio malitiam & mēdacia, & proximo elusionem, hīc insidias vocat, nempè falsum Dei cultum, quem reges honesto nomine pingerent, & palliarent, & populo obtruderent, quo & Deo ipsi imponere conabantur, & hominibus exitium attrahebant. Vnde rursum v. 12. cap. 11. mendacium & dolus appellatur.

*Tota nocte.*] Respicit ad consuetudinem communem: pistior enim subacta farina dormit, donec appetente diluculo, & massa fermentata furnum accendat.

*Pistor eorum.*] Relatiuum est pro Antecedente expresso vel subintellecto, nempè *insidiarum*, seu *consiliorum malorum*. Vel *eorum* pro eius est, scilicet furni.

*Manè ille.*] scilicet furnus.

*Ignem flammæ.*] Id est, flamma ignis, seu luculento igne: vide phrasas substantiuorum. & autem similitudinis quod in Hebræo additur, hīc redundat, de qua in aduerbiis dicemus.

## VERSUS VII.

*Omnes illi flagrabunt quasi furnus: & comedent Iudices suos: omnes Reges ipsorum corruent, quia, nemo inter eos me inuocat.*

**H**Actenus quatuor versibus mutuū principum & populi studium ardentissimum expressit, principū quidem eam instituentium & defendentium: populi autem, cupide auscultatis & sequentis: Nunc pœnam eius insani studij peccato similem addit.

*Omnes illi.*] Id est, & principes & populus, quos utrosque versu 4. accusauit: quos autem culpa coniungit, eosdem ut pœna coniungat par est.

*Elagrabunt.*] Scilicet pœnarum incendio cōsumpti. Eadem

Q 3 enim



enim similitudine, primùm figuratè pœnam exprimit, quæ culpam expressit: id enim Prophetis est vsitatum.

*Iudices suos.*] Id est, ipsi mutuis cædibus, & lanienis sese conficiunt, id quod & accidit: Nam filium Ieroboami Sachariam, sustulit Rex Sallum, huius filium Pechaija trucidauit Pecha, & hunc rursus Hosee vltimus: vide 2. Reg. 16.

*Corruent reges ipsorum.*] Scilicet in acie ab hostibus victi: per reges autem & populus significatur.

*Quia nemo est.*] breuiter peccatum falsi cultus repetit. In Hebræo hyperbaton est, quod Verus expressit: *Non est, qui clamet in eis ad me.*

## VERSUS VIII.

*Ephraim ipse cum (cæteris) populis sese commiscet:  
Ephraim est placenta non versa.*

**P**eccatum & pœna regni totius est, alia similitudine expressa, nempe placentæ, quæ farina & oleo mixtis conficitur, & à famelicis citò deuoratur, priusquam satis percoquatur.

*Ephraim ipse.*] Peccatum est, quòd sese profanis Gentibus misceant Israëlita, vt farina & oleum, in placenta conficienda misceri solent: idq; primùm fœderibus & cōiugijs, præsertim principum, inde & religionis & morum similitudine; horum enim mixtio & confusio ex mixtione & societate fœderum & coniugiorum ferè existere solet. vt apparet Exod. 24. v. 12. Et Deut. 7. v. 22. Ezechiel. 23. & supra capite 5. v. 7.

Hæc enim ferè omnis mutationis & corruptelæ religionis olim fuit, & semper esse solet. Relatiuum autem cum Antecedente hîc ad Emphasin exprimitur. Verbum autem Hebraicum *לחם זית* de placenta oleo mixta dicitur Exod. 29. v. 2. & alibi.

Videtur autem hæc similitudo ex priori sumpta: illic enim ex forno & pistore similitudo erat: hîc ex placenta & re cognata sumitur.

*Ephraim.]*



IAC. MATTHIÆ PRÆLECT. 119

Ephraim.] Pœna est: id est, similis est placentæ, quam in cineribus semicoctam homines famelici deuorant, non expectantes donec vertatur, & penitus percoquatur. Ita inquit subito Israël ab hostibus deuorabitur.

VERSUS IX.

*Comedunt alieni robur eius, Et tamen non sentit: præterea canicie conspersus est, & tamen non sentit.*

**Q**uærela est de idololatrarum cecitate & stupore: quod nullis pœnis, quantumuis multis & diuturnis emendari queant.

Comedunt.] Respicit ad placentæ mentionem proximo versu factam.

Alieni.] Id est, hostes, qui regnum Israëliticum deuastabāt, ut Syri, Assyrij, & alij. Vide 4. Reg. cap. 15.

Robur eius.] Id est, opes & facultates. Metonymia Hebraica.

Et tamen non sentit.] Id est, nō afficitur villo pœnarū sensu, nec respiscit. *Canicie conspersus est.*] Quod vel de curis & calamitatibus intelligi potest, quæ causa caniciei esse solet. Vel de tēporis diuturnitate, quo in rebus aduersis versati sunt. Quid iam ad senectutem vique in pœnis hæserunt, & tamen nondam sapiunt, quare desperati sunt.

In duabus vocibus Hebraicis נִרְאָה & נִרְאָה paronoma-  
sia est.

VERSUS X.

*Et testatur superbia Israël in facie eius: & tamen non redeunt ad Iehouam Deum suum, nec requirunt eum in his omnibus.*

**E**xpositio est, & eiusdem sententiæ repetitio.

Testatur.] Id est, ipsis pœnis quasi testibus coram adductis arguitur & conuincitur Israël, peccati superbiæ, & contumaciæ: vide sup. cap. 5. v. 5.

Non redeunt.] Quid sentire seu intelligere proximo versu  
voca-



vocauerit Propheta, hic apparet, nempe *resipiscere*.

*In omnibus his.*] scilicet tam diuersis, & pœnis & calamitatibus. Vide similem querelam Esaia 1.

## VERSUS XI.

*Et Ephraim quasi columba stolidus & excors est: Aegyptios aduocant, Assyrios adeunt.*

**P**eccatum speciale accusat, nempe fiduciam humanorum praesidiorum in Israël, quod humanis auxiliis freti, manum Dei sese euadere posse putarunt. Quae de causa foedera & societatem cum Aegyptijs & Assyrijs iniierunt. Eorumque gratiam magno redimerunt. vide supra v. 8. cap. 5. v. 13.

Hoc autem peccatum, ideo grauius accusatur, quod in primis idololatriæ & multorum aliorum scelerum causa & origo in populo Dei fuerit.

*Quasi columba stolidus.*] Quæ scilicet insidias parum cauere solet, ac proinde facile decipitur & capitur.

In vocibus Hebraicis קָרָאָר & בָּרָאָר rursû paronomasia est.

## VERSUS XII.

*Verum cum eo iuerint, expadam super eos rete meum, & quasi aues eos detraham: & castigabo eos ut in cœtibus suis, (ante) audiuerunt.*

**P**eccato pœnam adiungit subitam & inexpectatam, quæ similitudine figuratur, ab aucupio sumpta. Quia enim antè columbis fatuis comparauit. Itaque hic pœnas retribus comparat.

*Audiuerunt.*] In Hebræo est secundum auditum in cœtibus suis. ubi sensus appellatio, pro obiecto est: nempe sermone, Metonymia Hebraica. vt & Esaia 53. Quis credidit auditui nostro? Audiuerunt autem pœnarum comminationes in cœtibus & Synagogis. vel ex lege Mosi, quæ singulis Sabbathis in Synagogis prælegi solebat. Act. 15. v. 21. Vel etiam à Prophetis,



phetis, vt Hosea & aliis, qui pœnas contumacibus prædicarent.

## VERSUS XIII.

*Va illis quia à me defecerunt, exitium eis, quia perfide egerunt contra me: ego redemi eos, & tamen mendacium contra me loquuntur.*

**E**T pœna excidij & deuastationis populo denunciatur, & peccatum defectionis, perfidię & ingratitude accusatur.

*Defecerunt.]* quasi transfuge. Alludere autem videtur ad id quod dixit eos in Aegyptum & Assyriam proficisci, quasi id esset ad hostium castra transfugere.

*Redemi eos.]* Id est, sæpius liberaui eos è manu hostium. Est igitur hic & proximis duobus versibus, querela, quod populus neque pœnis, neque beneficijs diuinis ad sanio rem mentem reuocari posset.

*Mendacium loquuntur.]* Id est, sunt ingrati, non seriò agnoscunt beneficium meum, & potius idolis suis & hominibus quàm mihi eas liberationes & beneficia ascribunt.

## VERSUS XIIII.

*Et non clamant ad me ex animo, sed ululant in cubilibus suis propter frumentum & mustum congregantur, & interim rebellant contra me.*

**E**Adem querela continuatur.

*Non clamant ex animo.]* Etsi enim calamitate coacti verum Deum precibus suis compellarent: Tamen simul etiam ad idola respexerunt, & ijs à Deo profecta beneficia accepta ferebant. Notandum igitur est, quod dixit Prophetæ, eos verum Deum non inuocare, qui simul Idola inuocēt.

*Ululant.]* per contemptum preces idololatricas & hypocriticas ululatum appellat.

R In



*In cubilibus suis.*] Id est, fanis & delubris idolorum quæ cubilia vocat, vt Idololatria adulterium dicitur.

*Propter frumentum.*] Specialis reprehensio est, quod spiritualium rerum securi, de corporalibus tantum essent solliciti, ideoque & illa tantum, aut in primis peterent, idque etiam ab Idolis, vt sup. cap. 2. v. 8.

*Congregantur.*] Scilicet publice ad precandum.

*Rebellant.*] Vbi scilicet voti compotes facti fuerint, & naui quod petierunt.

## VERSUS XV.

*Ego confirmo & corroboro brachia eorum: tamen ipsi male de me cogitant.*

**E** Adem querela de ingratitude & cæcitate populi non agnoscantis Dei erga se beneficia, ac proinde non respicientis, nec ab idolis mutis ad Deum reuertentis.

*Confirmo.*] Id est, vires & robur publice & priuatim, præferim aduersus hostes ipsis suppedito. *Brachium* autem Hebraicè pro robore & viribus metonymicè usurpatur.

*Male, seu malum.*] Id est, non me, sed Idola opem ipsis ferre. *Vel malum:* id est, idololatriam contra me excogitant.

In penultima voce præcedentis versus יסרתי & secunda huius versus יסרתי paronomasia est, & quasi vinculum horum duorum versuum.

## VERSUS XVI.

*Reuertuntur sed non ad excelsum, sunt velut arcus fallax, cadent gladii principes ipsorum propter furorem lingua suæ: in terra Aegypti ludibrio erunt.*

**Q** Verela est de pœnitentia hypocritica, seu simulata. Cum enim in rebus aduersis se pœnitentiam agere velle affirmant, interim apud Idola hærent, & ab ijs & hominibus, vt Assyrijs & Aegyptijs auxiliū expectant, & petunt.

*Non ad excelsum.*] Id est, Deum. Estque tacita Antithesis Dei & ido-



IAC. MATTHIÆ PRÆLECT. 123

& idolorum. Estque figura ἀπεσδινητον Vox autem Hebraica & etiam de Deo usurpatur infra cap. ii. v. 7.

*Vt arcus.]* Simile est: vt arcus fallax & corruptus sagittarij expectationem fallit: Ita Israël expectationem Dei sua hypocrisis fallere solebat: cum enim studium pœnitentiæ præ se ferret: tamen à Deo ad idola mox defecit: vide Psalm. 78. v. 59. vnde hæc similitudo sumpta est: Conuersi, sunt arcus fallax.

*Principes.]* Vt sint omnium malorum Aurores.

*Propter furorem.]* Id est, peccatum ira & pœna dignum, vt blasphemiam Dei, & maledicta in Deum, quæ cum idololatria coniuncta erat: vel iactantiam, qua spreto Dei auxilio suas vires & sociorum potentiam iactabant, & Deo & hostibus opponebant.

*Ludibrio erunt.]* Id est, apud Ægyptios cum quibus nunc fœdus colunt, ab ijs ipsis in calamitatibus deridebuntur. Vide supra v. 11. Atq; hætenus Caput septimum fuit.

CAPVT OCTAVVM.  
VERSUS PRIMVS.

**P**alato tuo adhibe tubam, tanquam aquila veniet hostis contra domum Iehouæ, eò quod transgressi sunt fœdus meum, & legem meam prauaricati sunt.



RÆDICIT bellum & vastationem regni. Sunt autem in huius versus parte priore Ellipses & Apostiopes complures, ad trepidationem & consternationem significandam.

*Palato suo.]* Oratio est figurata hypotyposi & Apostrophe. Compellat enim Propheta præcones seu tubicines, & mandat vt tubarum clangore hostium aduētum denuncient, quasi diceret: periculum in foribus est.

*Tanquam aquila.]* Similitudo est ad rem augendam, qua

R 2 hostium



hostium potentia & celeritas significatur. *Aquila* enim & robore & celeritate reliquis auibus præstat. Et hæc similiter ex Mose repetita est, Deut. 48. v. 9. vbi dicitur: Adducet Iehoua aduersum regentem ab extremo terræ, quæ aduolabit quasi aquila. Eademq; similitudo passim à Prophetis adhibetur: vt Ieremiæ 48. v. 40. & Threnorum 4. v. 19. & alibi. & 2. Samuel. 1. v. 19. de Saule & Ionatha dicitur à Dauide, quod aquilis leuiore & leonibus fortiores fuerint.

*Domum Iehoua.*] Id est, templum, seu tépla idolis polluta, in quibus se Deum rectè colere putabant: per templa autem totum regnum intelligitur.

*Eò quòd transgressi sunt.*] Causa pœnæ est, & peccatum populi in genere, nempe violatio legis diuinæ: *foedus* autem & *lex* hic pro eodem sunt.

## VERSUS II.

*Ad me Israëlita clamabunt, Deus mi, nouimus te.*

**P**OENA ex adiuncto describitur: in calamitatibus enim homines ad Deum confugere & clamare solent. Sensus igitur est: Cùm populus in præsentia me contemnat, nec serò ad me clamet, tandem in pœnis ipsis serò & frustra ad me de exilio & pœnarum mitigatione clamabunt.

*Israëlita.*] In Hebræo hyperbatō est, & numeri Enallage. Vox enim Israël, in fine versus ponitur, idque numero singulari.

*Deus mi.*] Inuocantium Mimesis est.

*Nouimus te.*] Id est, à te auxilium expectamus. vt Prouer. 3. v. 6. fide Iehouæ toto corde tuo, & intelligentiæ tuæ ne in-nitaris, in omnibus viis tuis, cognosce eum, & ipse diriget semitas tuas.

## VERSUS III.

*Repulit Israël bonum, inimicus persequetur eum.*

## ID EST,

**I**SRAËLITÆ Deum opt. Max. spernunt & relinquunt: itaque hostes infestissimi vicissim eos persequetur. In verbis *bonus* & *inimicus*: Item *repellere* & *persequi* Antithesis est.

VER-



*Ipsi reges crearunt, me non Autore, principes fecerunt  
me in scio: ex argēto suo & auro suo fecerunt simu-  
lakra vt exscindantur.*

**D**Vo peccata in specie accusat, nempe defectionem à domo Davidis, & regibus Iuda, & idololatriam inde sequutam, & à Ieroboamo publicè institutam & cōfirmatam: vide 1. Reg. 12.

*Me in scio.* Id est, me inuito, me non probante: nā id Deo ignorante fieri non potuit, & 1. Reg. 11. v. 9. Achias Zilonites eam regni distractionem prædixit. *Vt exscindantur.* Phrasim hæc diligenter consideranda est, vbi particula *וְיִמְחֶה* seu *ut*, non tam finem & consilium, quàm euentū denotat: neq; enim eo consilio reges crearunt & idola fecerunt, vt sibi ea ratione calamitatem aliquam attraherent, sed magis quod hoc ipsis profuturum esse videretur. Quod verò ipsis vtile videbatur, id noxium & damnosum factum est, quod Deus ea ratione offenderetur. Quare non de consilio hominum, sed potius de facti euentu, vt diximus, hæc phrasim accipienda est: vt in his etiam exemplis apparet.

Psal. 51. v. 5. Tibi soli peccavi, vt iustus sis cū loqueris, & purus sis cū iudicas: pro, ideoque iustus es dum me reprehendis, & peccati per Prophetas accusas.

Psal. 130. v. 4. Tecum est venia & misericordia, tecum est propitiatio, vt timearis: id est, propterea homines te reuerentur, amabunt, & colent.

Matth. 23. v. 34. Persequimini Apostolos & Doctores ad vos missos, vt veniat super vos omnis sanguis iustus: id est, propterea veniet super vos sanguis iustorum.

Eiusmodi & illud esse videtur ad Rom. 1. v. 20. Dei inuisibilis natura, ex creaturis visibilib. apparet, vt homines sint inexcusabiles: pro ideoque homines seu Ethnici, qui idola pro vero Deo colūt, sunt inexcusabiles. Sic igitur & hoc loco est: *Crearūt reges & simulakra fecerūt, ut exscindātur seu pereāt*: pro, ideoque futurum est, vt exscindantur & tandem pereant.

R 3 VER



*Repellet te vitulus tuus, ô Samaria, exarsit furor meus  
in eos, quousq; non poterunt colere innocentiam.*

**C**omminatur pœnâ exilij & vastationis, simulq; affirmat vitulos aureos, eorumque cultum non profuturum Samariæ & regno Israëlítico, cum Deus in ira punire idololatriam ceperit. Estq; Apostrophe ad Samariam regni caput.

*Repellet te vitulus.]* Id est, propter vitulū & idololatriam in exilium eijcietis, nec te tum vituli defendere poterint. Verbum autem *repellet* ex versu 3. repetitū est: q. d. Quia tu Deū optimum repulisti, vicissim vitulus quem pro Deo coles te repellat, & relinquet.

*Exarsit.]* Ex ira pœna, & iræ magnitudine, pœnæ magnitudo intelligitur. Relativum *eos*, pro antecedente est, nempe Israëlitas.

*Quousque]* peccati accusatio pro negatione: q. d. nūquam colent innocentiam, seu innocentes erunt, nulla est ipsis spes emendationis ut ab Idolis præsertim ad verum Deum reuertantur, ut legi eius obtemperent. Estque hominis irati, ut iam castigare parantis Mimesis, ut in Hebræo Ellipsis.

## VERSUS VI.

*Nam ex Israëlè etiam iste est, (scilicet, vitulus) faber  
fecit eum: neque Deus est: nam in frustula redigitur  
vitulus Samariæ.*

**P**ergit in peccati seu Idololatriæ exaggeratione, & simul ratio exprimitur, cur à vitulo nihil auxilij expectari possit. Quod videlicet non sit Deus, id quod probatur duplici argumento.

I. Causæ efficientis, quod videlicet vitulus Israëlitarum inuentum & fabri figmentum sit.

II. Deinde adiuncti, quod rursus frangi & comminui possit:



possit: adeoque frangendus & comminuendus. Arque hic dum alterum hunc vitulum ab Israël profectum ait, respicit ad primum vitulum in deserto ab Israël factum, ut erectum. Exod. 32.

## VERSUS VII.

*Quia ventum serunt, etiam turbinem metent, seges nulla erit ipsis, nec germen unde farina fiat, quæ si fortè fieret, seu contingeret, hostes eam deuorabunt.*

**I**dololatriæ & peccatum & pœnam similitudine ab agricultura sumpta depingit & amplificat.

*Quia uentum serunt.*] Affirmat Propheta Israëlitas studio suo dignam mercedem à Deo recepturos. Videtur autem prouerbiū esse ab agricultura sumptum, quod de restudio & labore inani, aut etiam damnofo dicatur.

*Turbinem metent.*] Id est, nullum ex inani labore fructum percipient: aut etiam damnum & detrimentum sentient, ut qui turbine aut tempestate violenta eueruntur & prosteruntur. Paulus Galat. 6. v. 7. generaliter hoc extulit: Quicquid, inquit, seminauerit homo, hoc & metet.

*Seges nulla erit.*] Pergit in allusione ad agriculturam, & clariùs explicat, quòd obscuriùs dictum videri poterat. Nulla igitur, inquit, merces ipsis laboris erit. Q. d. aut nulla seges erit, aut si forte fuerit: tamen ad farinam & panem inutilis erit. Quòd si farina aut panis inde fiant, non ipsis, sed hostibus pro cibo erunt, qui per vim omnia ipsis eripient.

In vocibus Hebraicis *אֶרֶץ* & *אֶרֶץ* illustris paronomasia est: aliàs enim trāsitus à germine ad farinā durior esset: nam inter segetem seu germen & farinam intercedunt melsis trituration, frumentum.

## VERSUS VIII.

*Deuorabitur Israël (ipse) nunc erunt inter Gentes, tanquam vas in quo non est oblectatio.*

Pœnæ



**P**OENÆ amplificatio est.

*Deuorabitur.*] Id est, non solum panis ipsorum, sed ipsi met Israelitæ etiam ab hostibus deuorabuntur, & quasi à feris dilaniabuntur. Hic versus priori annectitur verbi deuorandi repetitione.

*Nunc erunt.*] Idem comparatione vasis, cuius nulla est æstimatio aut pretium exprimit, paulò post tam viles & contempti in exilio inter gentes erunt, quàm est aut marula, aut aliud vas simile.

## VERSUS IX.

*Quia ipsi se contulerunt ad Assyrios vt onagri solitarij: Ephraimitæ mercede cõduxerunt amatores.*

**R**ursum fiducia humanorum præsidiorum reprehenditur. Vide suprà cap. 5. v. 13. & cap. 7. v. 11.

*Vt onagri.*] Similitudo est qua stoliditatem populi ab Assyrijs opem petentis & expectantis depingit. Vt enim suprà cap. 7. v. 11. Columbjs: ita nunc Onagris stolidis & fatuis, seu feris in genere comparat, quæ videlicet in rem tantum præsentem intentæ cæco impetu huc illuc feruntur, quod ne homines faciant, Psalmus 32. v. 9. prohibet cùm ait: Nolite fieri sicut equi & muli in quib. nõ est intellectus.

Simul etiã hac similitudine significatur, promptitudo, celeritas, licentia, & libido indomita populi ad Gêtes discurrentis, quæ nullis frenis cohiberi poterat, quo minus id faceret, quo modo hæc similitudo Ieremię 2. v. 24. adhiberi in hoc eodem argumento videtur: q. d. Propheta, magno impetu & studio eo feruntur, nec vllas admonitiones audiunt, non aliter atque Onagri magno cursu & celeritate, vel pascui vel refrigerij causa huc illuc aberrant. Onagros autem solitarios appellat, quod feræ cœtus more hominum non colant, sed passim in deserto solæ aberrant.

*Ephraim.*] Alia similitudo est, qua insania populi exprimitur ab adulterio sumpta. Vt adultera insano amore ardens muneribus amatores allicere & redimere solet: ita muneribus



ribus & largitionibus fœdera & societate regum externo-  
rum Israëlita ambiunt, & magno conducunt & redimunt.  
Quæ similitudo latius explicatur Ezechielis 16.v.37. Quâti  
verò amicitia Assyriorum & aliorum Israëlitis constiterit, fa-  
cilè colligi potest, ex eo munere, quod Menaltren obtulit  
Phul, Assyriorû regi, 2.Reg. 15.v.19. Quod dicitur fuisse mil-  
le talentorum.

## VERSUS X.

*Etiamsi autem conduxerint mercede (amatores) in-  
ter Gentes, tamen mox congregabo eos, & dolebunt  
paululum propter onus regis & principum.*

**P**eccato pœna opponitur ad inanem spem populi refel-  
lendam: & hic versus repetitione sententiæ & verbo-  
rum eorundem præcedenti annectitur.

*Congregabo eos.*] Id est, vel gentes ab ipsis conductas con-  
tra ipsos congregabo, vel Israëlitas ipsos ut capti & vineti  
ab hostibus abducantur.

*Dolebunt.*] Scilicet in captiuitate & calamitate.

*Paululum.*] Ironicè dictum videtur pro Antithesi, pro gra-  
uiter & magnoperè dolore afficientur & affligentur.

*Propter onus.*] Onus significat exactiones seu tributa ab ex-  
teris regibus & principib. Israëliti captiuo imposita. i. vel in  
genere calamitates, in quas rex Israël cum suis principibus  
in exilium abductus incidit. Rex igitur & principes, vel de  
externis, ut Assyrijs, vel proprijs intelligi possunt.

## VERSUS XI.

*Quia multiplicauit altaria ad peccandum, erunt etiã  
ipsi altaria ad peccandum.*

**R**ursum idololatriam taxat, & versus hic eorundem ver-  
borum repetitione figuratus est: vox autem peccare in  
posteriore parte versus pro reatu & pœnis accipi vi-  
detur. Estq; tum Antanaclassis. Diximus autem aliquoties

S morem



morem esse Prophetarum, ut iisdem verbis, & peccata & peccati pœnas interdum exprimant, verborum significatione immutata. Sensus igitur erit: *Erunt ipsi altaria ad peccandum*: id est, quibus sibi pœnas attrahat: potest tamen & sic exponi: *Erunt altaria ad peccandum*, cum scilicet in exilio inter Gentes dispersi fuerint: quo sensu etiam pœna innuitur.

## VERSUS XII.

*Scripti ei honorabilia legis meae: ea verò quasi res aliena ab ipso habita sunt.*

**Q** Verela est de peccato populi in genere, nempe legis doctrinae & verbi contemptu.

*Scripti ei.* Scilicet ego Deus. Dei beneficium igitur amplificatur, qui legem ac doctrinam perfectam & absolutam Israël tradidit, in qua normam sui colendi ipse perscripserat, quod summum beneficium David etiam Psalm. 147. celebrat, qui annunciat verbum suum ipsi Iacob, & statuta sua Israël: non fecit taliter omni nationi, & iudicia sua non manifestavit ipsis.

*Verbum Scripti.* In Hebræo futurum est pro præterito.

*Honorabilia.* Doctrinae coelestis Encomion est, quo perfectio, præstantia, & excellentia significatur: nomē enim Hebraicum רבֿרֿבֿ res amplas, pretiosas, præstantes & excellentes significat, & in hac voce allusio est ad verbum quod in præcedente versu est רבֿרֿבֿ seu multiplicavit. Significatur pretiosa legis præcepta, seu pretiosam & excellentem legem. Simile autem Encomion doctrinae coelestis vide Deut. 4. v. 6. & 8. & Psal. 119. v. 129. Res mirabiles testimonia tua. Obiter etiam observandum est, quod antè diximus, Prophetas doctrinae suae auctoritatem ex lege Mosaica reperere: vide sup. cap. 4. v. 6. & 8. v. 1.

*Sed ea.* Populi ingratitude Dei beneficio opponitur, qui legem sibi traditam non aliter habuerunt, ac si nihil ad se pertineret, sed potius ad Aegyptios & Assyrios, aut ad alias Gentes



IAC. MATTHIÆ PRÆLECT. 131  
Gentes profanas spectaret, & spreta lege Dei sibi ipsis cul-  
tus & religiones finxerunt & instituerunt.

VERSUS XIII.

*In sacrificijs donorum meorum immolant carnem (&  
eam) comedunt, sed Iehoua non delectatur ijs:  
Nunc (ergo) recordabitur iniquitatis eorum, &  
visitabit peccatum eorum: ipsi autem in Aegyptum  
reuertentur.*

**S**acrificia contemptum legis ad speciem accommodat,  
nempe superstitionem & sacrificiorum abusum, quod  
sine vero Dei timore & legis obedientia sacrificia cu-  
mularent, peccati expiandi & Dei placandi causa, & si neq;  
illa ipsa sacrificia ex præscripto legis facerent, ideo sacri-  
ficia eorum carnem seu carnes vocat: id est, prophanas tan-  
tùm & cruentas mactationes & lanienas.

*In sacrificijs donorum.]* Id est, quæ vice donorum seu mune-  
rum mihi offeruntur. Vox Hebraica דָּבָר nomen gemina-  
tum est, quod hîc tantùm extat. Verbum autem suprà fuit  
quod cap. 4. v. 18. nunc autem pœna est. Verbum autem re-  
cordandi pro punire est.

*Ipsi reuertentur.]* Sensus ambiguus est & figuratus: nã quod  
verba simpliciter accipi nequeant, docet cap. 11. Non reuer-  
tentur in Aegyptum, sed Assur erit rex eius, vel igitur Aegy-  
ptus pro quauis seruitute & exilio accipi potest per Synec-  
dochen, vt sit sensus: *Reuertentur in Aegyptum.* i. exilium &  
seruitutem qualem olim in Aegypto passi sunt. Vel etiam  
verbum reuertēdi studium, conatum, & voluntatem inclu-  
dit, de qua phrasi diximus suprà cap. 6. v. 11. & cap. 7. v. 1. Ac-  
tum rursus geminus sensus esse potest, quorum primus sit:  
*Conabuntur redire in Aegyptum,* quod ibi præsidium & auxilium contra  
persequutionem hostium inuenturi sint. Tumq; ironia, & stulti cō-  
siliij irrisio est, quod minimè scilicet ibi inuenturi sint, quod  
quærun: vide suprà cap. 7. v. 16. & infra cap. 9. v. 6. Alter sen-

S 2 sus:



*fus: Conabuntur reuerti in Aegyptum: id est, pristinam seruitutem Aegyptiacam propter afflictionum praesentium magnitudinem. Ac tum allusio esse potest ad historiam Num. 14. v. 4. vbi populus de terra Canaan occupanda desperans in Aegyptum reuerti conatur.*

## VERSUS XIII.

*Et quoniam oblitus est Israël factoris sui, & edificauit palatia, & Iuda multiplicauit vrbes munitas, igitur mittam ignem in vrbes huius, & consumet palatia eius.*

**A**lia rursus peccati species est, fiducia nempè humanorum praesidiorum, quæ in Israël & Iuda reprehenditur: vide supra v. 9.

*Oblitus est.]* Id est, non amplius ab eo auxilium expectat, sed suis viribus & opibus fidit, praesertim vrbibus & arcibus munitis.

*Factoris sui.]* Id est, Dei, qui non tantum creauit eum, sed etiam peculiariter eum ex omnibus populis elegit, eumque sibi adoptauit: quomodo Moyses & loquitur Deut. 32. v. 15. Dereliquit Israël factorem suum, & despexit Deum salutem suam.

*Palatia.]* Vocem Hebraicam *היכלות* palatia potius hoc loco quam templa vertere volui, quod pro hac voce in posteriore parte versus substitui videtur quasi Synonymon. Vox *היכלות*: id est, palatia.

*Multiplicauit.]* Ex versu ii. verbum hoc repetitum est: nam ibi dixit: *Altaria multiplicari*: id est, multa, magna & speciosa altaria extrui. De hac autem vrbium & arcium extruendarum & muniendarum studio praepostero plura vide Esaiaë 22. vers. 8.

*Mittam.]* Poena est qua significatur nulla tam esse firma praesidia quæ iræ Dei resistere, & manum atque potentiam eius arcere poterint, vbi punire atque grassari ceperit. Ita enim  
Dei



Dei instar ignis est omnia deuorantis & absummentis.  
*Palatia eius.] Posterius relatiuum fœmininum genere per  
 Enallagen murato. Atque hastenus Caput octauum fuit.*

CAPVT NONVM.  
 VERSVS PRIMVS.

**N***E lateris Israël exultatione sicut alij populi so-  
 lent, quia fornicando defecisti à Deo tuo, & di-  
 lexisti quæstum super omnes areas tritici.*



*E lateris.] Prohibitione gaudij indicat instare  
 tempora tristia & publicas calamitates: in re-  
 bus enim secundis homines priuatim & publi-  
 cè læti esse solent, in aduersis contrà: vide Iere-  
 miam cap. 31. v. 4. & Threnorum 5. v. 14.*

*Quia fornicando.] Peccatum est idololatria & fornicatio  
 spiritualis.*

*Quæstum.] Id est, mercedem meretriceam: id est, coluisti  
 Deos alienos tanquam amatores, vt dent tibi & augeant  
 frumentum & alia bona. Vna enim species bonorum, pro  
 alijs omnibus ponitur: vt autem Israël Assyriorum & Æ-  
 gyptiorum amicitiam mercede conduxit, cap. 8. v. 9. Ita vi-  
 cissim Deos alienos spe mercedis colebat: vide suprà ca-  
 pite 2. vers. 8.*

*Super areas.] Id est, Horrea. Orientales enim in areis fru-  
 menta seruare solebant, vt fit sensus: Petis & expectas ab idolis  
 ut horrea tua frumento impleant.*

VERSUS II.

*Ideoq; area & torcular non pascet eos, & mustū men-  
 tietur ei.*



**P**œna est specialis, nēpe fames, annonæ caritas, & rerū omnium inopia: vide suprā cap. 2. v. 9.

*Area & torcular.*] Continentiæ sunt pro contentis, nēpe pro frumento & vino. Simul autem significat, cūm arēā & torcular nominat, fore, vt in maxima copia, quæ iam in manibus sit, subito destituantur, & esuriant. Vocem autem arēæ ex proximo versu repetit, eaq̃ue repetitione versus cohærent.

*Mentitur ei.*] Id est, faller spem eius, atq; destituet eos.

## VERSUS III.

*Non habitabunt in terra Iehoua: sed reuertetur Ephraim in Misraim: & in Assur immundum comedent.*

**A**ltera pœna est nempe exilium.  
*Reuertetur.*] Id est, rursus simili seruitute opprimetur, qualem olim in Ægypto seruierunt. In vocibus Ephraim & Misraim paranomasia est: vide quæ suprā ad versum 13. cap. 8. diximus. Vtrobique autem ad locum Mosis respicere videtur Propheta, qui locus est Deut. 28. v. 68. Reducetq; te Iehoua in Ægyptum, &c.

*Et in Assur.*] In Assyriam enim captiui abducti sunt, & hic versus exilij locus est.

*Immundum comedent.*] Id est, quæ in lege Mosis vetita sunt. Deut. 14. Deus enim discrimen ciborum in lege instituerat, vt populus illis externis exercitijs ad internam sanctitatē & puritatem excitaretur, vt Deum purē colerēt, & eius beneficijs sanctē & sobriē fruerentur. Quod discriminē tempore Euangelij sublatum est: vide Act. 11. v. 9. Et Coloss. 2. v. 20. Quoniam autem hoc discrimen ciborum apud Gentes nō esset, itaq̃ue inter illas futurum esse affirmat, vt cibus immundis vescatur. Idem autem Ezechiel minatur Iudæis, capite 4. vers. 13.

VER-



*Non libabunt Iehouæ vinum, neq; grata erunt ipsi sacrificia ipsorum, tanquam cibus lugentium erunt ipsis, quem qui comederit, polluetur: nam cibus eorum (qui est) pro anima eorum non veniet in domum Iehouæ.*

**E**Xaggerat miseras exilij, quod in eo futuri essent sine verbo & cultu, & si conarentur Deum sacrificijs placare, id frustra futurum

*Non libabunt.]* Id est, nullos habebunt cultus vsitatos. Est enim species pro genere. Cùm enim nullum tēplum esset, nulli sacrorum ministri neque libare, neque sacrificare poterant. Vini autem libatio appendix erat sacrificiorum: vide Num. 15.

*Neq; grata.]* Id est, etsi sacrificarunt, tamen non libabunt.

*Cibus lugentium.]* Amplificatio à simili: à lugentibus autem non poterant offerri sacrificia antequam purificarentur: cōtaminabant enim quæcunque contrectabant: vide Num. 19. v. 11.

*Polluetur.]* Id est, pollui solet.

*Nam cibus eorum.]* Id est, oblatio quam solent offerre, pro anima sua expianda.

*Non ueniet.]* Id est, non erit Deo grata, sed quasi immunda reputabitur: nihil autem immundum in templum aut domum Iehouæ adferri licuit. In primis autem cibus lugentium in templum non afferebatur: sacrificia enim summa & mera cum lætitia celebranda erant: vide Num. 10. v. 10. & Deut. 12. v. 7.

*Quid facietis in die solennitatis, & in die festiuitatis Iehouæ.*

Affir.



**A**ffirmat festa cultu abolito nulla in exilio celebratū iri. Festa autem appellat sabbatha, Calendas Pascha, &c. quibus non tam feriari & lætari, quàm laborare & lugere in exilio deberent. Vide Psal. 137. v. 1, &c. Super flumina Babylonis sedimus & fleuimus dum recordaremur Sion.

## VERSUS VI.

*Quia ecce abituri sunt propter vastitatē, Aegyptus colliget eos, Memphis sepeliet eos domos desiderabiles argenti, vrtica hereditario iure accipiet, & spinæ in tabernaculis eorum crescent.*

**E**xilium & vastitas terrę denunciatur. Propter vastitatem. ] Scilicet vrbium & agrorum, & terrę totius, deferent & aliud se conferrent. Aegyptus colliget. ] Id est, si in Aegyptū profugerint ibi interituri & perituri sunt: Colligere enim hīc perdere significat, seu mortuos ad sepulchra colligere: vide suprà capite 8. vers. 10. & 13.

Memphis. ] Idem repetit: nominat enim vrbem regiam, pro toto regno.

Memphis autem ad Nilum sita erat in vertice Deltha, quod efficit Nilus scindens sese in plures alueos. Hebraicē hoc loco נִיָּלָה dicitur, aliās autem מִצְרַיִם, vt Esaia 19. v. 13. hodie Alchairum vocant, quæ instar amplissimæ regionis hodie patet, olim Pyramidibus & monumentis regum celebris.

Domos. ] Vastitatem terrę amplificat, quæ tanta futura sit, vt splēdidissimorum ædificiorum loca vrticæ & spinæ sint occupaturæ.

Argenti. ] Id est, vel argento emptas & magnificē extructas & ornatas: vel in quibus argentum & thesauri recondi solebant.

## VERSUS VII.

*Adsunt tempora visitationis illius, adsunt tempora retribu-*



*retributionis, cognoscent Israëlita: cognoscent, inquam, stultum illum Prophetam, insanum virum spiritus, propter multitudinem iniquitatis suæ, & multum odium.*

**A**ffirmat tempus pœnæ & exilij & vastitatis instare & præ foribus esse.  
tempora uisitationis.] Id est, pœnæ: vide suprâ capite 1. vers. 4. & 2. v. 13.

*Cognoscent Israëlita.*] Id est, breui re ipsa experientur & sentient non fuisse vanas Prophetarum prædictiones & admonitiones.

*Stultum Prophetam.*] Hæc verba alij de Pseudoprophetis interpretantur, qui populo pacem promittebant: hoc igitur sensu dicitur eum futurum ut stultos & vanos fuisse eos appareat. Alij de ipso Hosea & collegis eius hæc intelligunt: q. d. nunc putant & dicunt nos stultos esse qui pœnas prædicimus, sed tum intelligent nos minimè insanos fuisse, ac tum ironia est. *Cognoscent stultum*, &c. pro sapientem & veracem.

*Virum spiritus.*] Vel Prophetæ periphrasis est, vel si de Pseudoprophetis intelligas, significat hominem ventosum & vanum.

*Propter multitudinē.*] Scilicet vel visitabit & puniet te Deus: ut ad priorem versus partem referatur. Vel Pseudopropheta te seducunt, & in errorem inducunt, ut ad proxima referantur. Ut enim pij & sinceri Doctores singulari Dei beneficio Ecclesiæ dantur Eph. 4. v. 11. Ita impij & falsi Doctores pœnæ sunt peccatorum, & Dei grauissimè offensæ, testimonia. Vide 2. Thessal. 2. v. 11. pro eo inquit Paulus quod non recipiunt aut amant veritatem, propterea mittet illis Deus efficacem deceptionem, ut credant mendacio.

*Suæ.*] In Hebræo tuæ est, per Enallagen personæ.

*Odium.*] Id est, peccatum odio dignum: vel specialiter contumaciam & peruicaciam populi significat.

T V E R



*Speculator Ephraimi cum Deo meo: Propheta est laqueus aucupis in omnibus vijs eius, odium in domo Dei eius.*

**S**i hæc ad Pseudoprophetas referimus, sensus esse videtur hic: Propheta qui quasi speculatores esse deberent, & homines de periculis cauendis admonerent, ipsi quasi aucupes homines falsa doctrina, quasi laqueo capiunt, & in exitium pertrahunt, quos propterea summè odit Deus, nec in domo sua ferre potest: vide suprà cap. 5. v. 1. Si autem de veris Prophetis accipimus, sensus esse videtur: Propheta qui quasi speculatorum munere funguntur, & de periculis cauendis populum admonent, ab ijs populus quasi ab aucupibus & uenatoribus aues & feræ abhorrent, eosq; extremè oderunt, nec in templis suis ferre possunt.

*Speculator.]* Munus propheticum commendatur ab usu. Ut enim speculator excubat, & de hostium aduentu suos maturè admonet, ne ex improviso obruantur: ita ministri verbi pro suorum auditorum salute excubant, &c.

*Cum Deo.]* Id est, Dei nomine, seu in rebus ad Dei gloriam pertinentibus.

*In domo.]* Id est, vel in templo, vel in Ecclesia tota: vt Num. 12. v. 7. Moyses fidelis in tota domo mea est.

## VERSUS IX.

*Grauiissimè corrupti sunt, sicut tempore Gibeæ: (breui igitur) recordabitur iniquitatis eorum, & visitabit peccata eorum.*

**G**rauiissimè.] Idololatriæ exaggeratio per comparationem. Quàm, inquit, olim effrenis erat Gibeuitarum libido, & profligata turpitudine, tam effrenis est & infana Israëlitarum in idolis colendis libido. De Gibeuitarum autem impuritate, vide Iudic. 19. vers. 16. & inde ad finem libri vsque.

*Breui.*



*Breni igitur.] Poenæ comminatio est: vide supra cap. 13.*

## VERSUS X.

*Tanquam uvas in deserto inueni Israël, & tanquam primum fructum in ficu, cum primum fert fructum vidi maiores vestros, ipsi (tamen) ingressi sunt ad Peor, separaueruntq; sese (à me) ad probum, & quò magis eos dilexi, eò fædius peccarunt.*

**A**mplificatio Idololatriæ Israëlitiæ per collationem. Sicut olim, inquit, ingrati erga me fuerunt & idola coluerunt maiores Israëlitarum: sic & ipsi hoc tempore faciunt: sed protasis similitudinis hîc tantum exprimitur.

*Tanquam uvas.]* Beneficium & amor Dei erga veterem populum duplici similitudine exprimitur. Quam, inquit, charæ sunt uvæ, quæ à viatore fesso & siticuloso in deserto fortè inueniuntur, aut quàm charus est fructus primus ficus, cum primum fert fructum, tam chari mihi erant maiores vestri cum eos ex Aegypto educerem & per desertum deducerem.

*Ipsi tamen.]* Ingratitudo est & peccatum idololatriæ.

*Ingressi sunt.]* Alludit ad consuetudinem viri & mulieris quæ Hebraicè hac voce modestè exprimitur: vt Psalm. 51. Cum ingressus esset Dauid ad Berzabe. Idololatria igitur vt aliàs ferè semper adulterio comparatur.

*Baal Peor.]* Id est, idolum Moabiticum, ad quod colendum à mulieribus Moabiticis, quarum consuetudine vrebantur, se pellici pasci sunt Israëlitiæ: vide Num. 25.

*Ad probum.]* Id est, ad flagitium & idololatriam, vel ad idolum ipsum.

## VERSUS XI.

*Ephraimitarum gloria quasi auis auolabit à partu & ab utero & à conceptione.*

**P**oenā adulterij spiritualis denuntiat sterilitatem & orbitatem.

T 2 Glo-



*Gloria.*] Id est, soboles seu liberi, vnde maximè homines gloriari solent, & Iudæi in primis gloriari solebant: vnde dicitur Prouerb. 17. v. 6. Corona senum filij filiorum: gloria enim seu decor seu ornamentum Hebræis pro re quauis desiderabili, laudabili, & preciosa ponitur.

*Quasi auis.*] Similitudo, & in vocibus Hebraicis חַי וְחַיִּיתָ Paronomasia est: quasi diceret volucris uolabit.

*A' partu.*] Per distributionem & gradus pœnarum calamitatem amplificat: q. d. liberi eorum morituri sunt quamprimum in lucem prodierint, aut abortiēt vxores, aut prorsus non concipient.

## VERSUS XII.

*Quod si educauerint filios suos, tamen orbabo eos ut non sint homines: quia & etiam ipsis cum recessero ab eis.*

**P**ergit in sterilitate & orbitate describenda. Quod si, inquit, liberi non statim perierint: tamen ad ætatem virilem non sunt peruenturi. Estque quasi prioris comminationis correctio.

*Orbabo.*] Vel vnum verbum est pro duobus, ut sit, orbabo eos, scilicet parentes, & interficiam liberos, ne sint amplius homines: vel orbare simpliciter est pro occidere, ut sit, orbabo: id est, occidam eos, scilicet liberos.

*Quia etiam uæ.*] A' speciali pœna generalis per Epiphonemata infertur: vide sup. cap. 7. v. 13.

## VERSUS XIII.

*Ephraim ut video similis est Tyro plantata in amœnitate: & tamen Ephraim educturus est ad interfectores filios suos.*

**O**rbitas alia figura describitur. Ephraim.] Primum potentia & prosperitas regni Israëlitiçi exprimitur, ut quæ ea nitebatur spes & fiducia.



ducia vana populi refellatur. Potentiam enim & statum regni florentem confert cum potētia & gloria Tyri: de qua vide Ezechiel. 26. v. 27. & 28. Et hanc rursus comparat cum arbore felici, quæ loco amœno plantata copiosum fructum ferat. *In amœnitate.*] Vox Hebraica & amœnitatem & habitationem seu habitaculum amœnum & iucundū significat.

*Et tamen.*] Potentiæ pœna opponitur.

*Ephraim.*] Antecedens hoc versu pro relatiuo repetitur, quod alludere videatur Propheta ad vocis Etymō. Ephraim enim à verbo פָּרָה dicitur, quod significat fructificare, seu vberem & fœcundum esse, ut hîc per *ἀντιφροσιν* Ephraim dicatur, quasi minimè fœcundus, aut quia ex fœcundo sterilis & orbis futurus esset.

*Educturus est.*] Vel est Allusio ad arborem quæ fructus ideo fert, ut comedantur: vel ad habitaculum, ut sit sensus: Ex munitionibus & propugnaculis quibus nunc fidunt, tandē liberos suos ipsi educturi sunt ad hostes, ut ab ipsis interficiantur.

## VERSUS XIII.

*Da illis Iehoua, quid dabis? da, inquam, ipsis vterum sterilem, & vbera arida.*

**E**Andem pœnam sterilitatis & orbitatis forma precationis denunciat. Quæ enim iam pœna ipsis destinata erat, eam ipsis Propheta imprecatur. Vel etiam sensus esse potest: Ut potius sterilitatem & orbitatem ipsis precetur ne filij adulti ab hostibus crudeliter mactarentur: quo sensu simul etiam maxima excidij calamitas significatur. Vnde & Lucæ 21. mulieres steriles beatæ dicuntur, quod eorum liberi nō essent visuri calamitates secundi excidij vrbs Ierusalomitana. Potest enim simpliciter pœnæ denunciatio esse, ut imperatius sit pro futuro, & Apostrophæ ad Deum sit vehementiæ causa.

*Vbera arida.*] Id est, quæ nō alant infantes, unde illi præ lactis inopia statim extinguantur.

T 3 VER-



*Omnis malitia eorum in Gilgal est: quia ibi odi eos: propter malitiam operum ipsorum è domo mea eijciam eos, non addam amplius ut eos amem: omnes enim principes eorum interfectores sunt.*

**O**mnis malitia.] Id est, idololatria quæ est summum scelus etiam in Gilgal ab Israëlitis excercetur: vide sup. ca. 4. v. 15. & infra 12. v. 11.

Ibi odi eos.] Id est, Propter opera & peccata quæ ibi perpetrantur eos odi.

Propter malitiam.] Pœna exilij & odij perpetui.

Eijciam eos.] Videtur respicere, ad id quod proximè dixit: Educturi sunt ad interfectorem liberos: q. d. Si illi educere noluerint, ego per vim & ipsos, & liberos ipsorum expellam.

Non addam.] Id est, nunquam rursus in patriam reducam: loquitur enim de pœna corporali.

Principes.] Principes nominat ut præcipuos mali Autores. In vocibus Hebraicis שׂרִיפִּים & שׂרִיפִּים Paronomasia est.

*Cadetur Ephraim, radix eorum exarescet: fructum non ferent: Quod si etiam genuerint, delicias ventris eorum interficiam.*

**E**Andem sterilitatis, orbitatis, & excidij pœnam, partim figuratè, partim propriè exprimit.

Cadetur ephraim.] Sterilitatem exprimit similitudine ab arbore sumpta, qua cæsa radix paulatim exarescit, & fructus nullus gignitur.

Quod si etiam.] Orbitatem & excidium proprijs verbis exprimit, & simul exceptio est ad partem priorè versus, qualis fuit versus undecimus & duodecimus.

Delicias.] Periphrasis liberorum est, quasi dicat charissima pignora. In Hebræo desiderabilia seu desideria ventris eorum est.

Interfi-



*Interficiam.]* scilicet opera hostium.

## VERSUS XVII.

*Abijciet eos Deus meus, quia ei non obtemperant, & erunt vagi inter gentes.*

**Q**Uod haftenus varijs figuris exprefsit, id nunc proprijs verbis effert, nempe populum tãdem à Deo abiectum iri, & perpetuò inter Gentes exulaturum. Simul etiam obiter peccatum inseritur & generaliter exprimitur, nempe inobedientiæ & contẽptus verbi Dei & mandatorum eius: vide sup. 6. cap. v. 6.

Atque haftenus Caput nonum fuit.

## CAPVT DECIMVM.

## VERSUS PRIMVS.

**V**Item euacuat Israël & fructum reponit sibi: quòd autem plus fructus percipit, eò plures aras extruit: quoq; melior est eorũ terra, eò melius statuas faciunt.



**P**ECCATVM est & querela, quòd populus Dei beneficia & dona idolis suis accepta ferrer, ac proinde quò magis Dei benedictiones perciperet, eò magis idola ipsa coleret, cumularer, & ornaret: vide sup. c. 2. v. 5. 8, &c.

*Vitem.]* Id est, vites per Enallagen, & vites Synecdochizans pro omnibus terræ nascentibus sunt.

*Euacuat.]* Alij plerique hoc verbum intransitiuè ferè accipiunt, vnde variæ interpretationes existunt, quas hoc tempore non commemoro. Sensus est: Israël ex vitibus uvas colligit, & uinum oleum atq; frumentum abundè percipit.

Quò



*Quo autem.] Ingratitudo erga Deum est, quòd quo terra & annus fertilior esset, eò impensius idola eo nomine colerèt.*

## VERSUS II.

*Diuisum est cor eorum: ideo nunc desolabuntur, ipse confringet aras eorum & destruet statuas eorum:*

**D**iuisum est.] Pergit in peccato accusando, quòd cor habeant diuisum inter Deum & idola non aliter atque adultera animum diuisum haber, cuius partem maritus, partem & quidem maiorem occupat adulter. Hæc autem animi diuisio opponitur illi mādato: Diliges Iehouam toto corde.

*Ideo.] Pœna est. Ipse.] Scilicet Deus.*

*Confringet.]* In Hebræo hîc Metaphora est ab animali ad reminanimatam, propriè significat verbum iugulare aut ceruicem incidere. Quare Allusio est ad ipsos vitulos qui in Dan & Bethel colebantur, sed pro vitulis, aras, & statuas, vt cultus eorum instrumenta ex proximo versu repetita substituit.

## VERSUS III.

*Nunc igitur dicturi sunt, non est Rex nobis, quia non timuimus Iehouam, quid igitur rex faceret nobis?*

**R**Egis priuatione regni excidium significatur. *Quia non timuimus.]* Significat tantam fore calamitatem, vt ipsa magnitudine coacti & conuicti peccatum suum agnoscant & fateantur.

*Quid faceret?] Scilicet qui non potest Deo irato & nobis offenso nos iuuare.*

## VERSUS IIII.

*Loquendo & fœdus feriendo iurarunt mendaciter: itaq; germinabit iudiciũ eorum, quasi absinthium in sulcis agrorum.*

Perfidia



**P**erfidia populi accusatur qui foedus à maioribus ipso-  
rum cum Deo pro se & posteris initum, & à posteris subin-  
de renouatum non seruasset: vide sup. cap. 8. v. 1.

Itaq; germinabit.] Poena est figurata collatione: cōfert enim  
iudicium: id est, poenam, cum herba amarissima, nempè,  
absynthio, passim in campis proueniente, ubi potius seges  
melior expectanda erat.

Alij autem pro Absynthio *fel* vertunt, alij *uenenum*, alij *her-  
bam uenenatam*.

In vocibus autem Hebraicis hyperbaton esse videtur,  
quod sustulimus.

## V E R S U S V.

*Et propter vitulum Bethauen expauescent Incola Sa-  
maria, utiq; lugebit propter eum populus eius, &  
sacrificuli eius, qui de eo, deq; gloria eius letari sole-  
bāt, lugebunt quod gloria eius ab eo sit migratura.*

**P**oena idololatriæ ad finem versus octauī continuatur.  
Affirmat autem hoc versu vitulos quos pro dijs cole-  
bant, vnā cum populo calamitati obnoxios futuros.

Propter vitulum.] In Hebræo & numeri & generis Enallage  
est: vitulum autem seu vitulos, seu vaccas, pro quouis ido-  
lo ponit.

Bethauen.] Sic Bethel contemptus & ignominie causa di-  
citur: vide suprà cap. 4. v. 15. & cap. 5. v. 8.

Expauescent.] Ex metu & luctu pericula & calamitates in-  
telliguntur. Expauescere igitur & lugere summa pericula & an-  
gustias significant.

Sacrificuli.] Hebraice est כַּמְרִיר. Sic autem dicebantur sa-  
cerdotes idololatrici à studio & ardore fortasse falsæ reli-  
gionis: vel per contemptum, quasi qui ignem tantū accen-  
derent, & tractarēt, propter crebra sacrificia. Verbum enim  
Hebrai cum כַּמְרִיר *incendi* significat: vide 2. Reg. 23. v. 5. & So-  
phonix 1. v. 4. Vbi excindam, inquit, de loco isto reliquias  
Baal, & nomen Kemarim.

V In



In vocibus Hebraicis *אֵלֶּיךָ* & *נִבְרָא* Paronomasia est.  
 Gloria.] Id est, cultus & opinio de eorum divinitate & ornamenta omnia. Est igitur sensus: vitulus contemptus & despectus erit.

## VERSUS VI.

*Etiam ipse (vitulus) in Assyriam deportabitur munus Regi Iareb, pudore afficietur Ephraim, & pudebit Israël consilij sui.*

**A**ffirmat etiam vitulos ipsos vnâ cum populo ab hostibus in exilium deportandos, summa cum populi ignominia & dedecore: vide sup. cap. 8. v. 6.

Munus.] Erât enim vituli aurei, quare quasi munus honorarium regi Assyrio offerri poterant. Alludit autem ad munera quæ reges Israëliti regibus Assyrijs pro amicitia eorum & pace redimenda iam antè deportare consueuerunt: q. d. Deus ipse ipsorum postremum munus erit.

Iareb.] Id est, regi Assyriorum: vide sup. cap. 5. v. 3.

Pudore.] Bis eandem sententiam repetit, vt magis animis stupidis infigat.

Consilij sui.] Vide 1. Reg. cap. 12. v. 22.

## VERSUS VII.

*Excidetur Samaria Rex sicut spuma in superfacie aquarum.*

**S**pecialiter regi interitum minatur, qui tum sibi potens videbatur, & per regis interitum regni excidium significatur.

Spumæ autem similitudine regis potentiam extenuat, & hostium potentiam & facilem victoriam designat.

## VERSUS VIII.

*Disperdentur excelsa Auen, peccatum Israël, spina & tribulus crescet in aris ipsorum, & (tunc) dicturi sunt montibus: Operite nos, & collibus: Cadite super nos. Templo.*



**T**emplorum idololatricorum excidium & vastatio est, unde tanta consequetur calamitas, & desperatio populi, ut mallet ipsorum montium ruina opprimi, quam in eiusmodi calamitates incidere, earumque spectatores esse.

*Auen.]* Suprà v. 5. Bethauen dixit, pro eo quod hic tantum *Auen* dicitur.

*Peccatum.]* Id est, locus sceleris & flagitij per Metonymiā.

*Spina.]* Vastitas ab adiuncto describitur. Spina enim & tribulus in locis incultis & vastis provenire solent: vide suprà 9. vers. 6.

*Dicturi sunt.]* His verbis intollerabilis vindictæ diuinæ gravitas horrorque & desperatio hominum significatur: vide Luc 23. v. 30. & Apocalyp. cap. 6. v. 16. Significatur enim his verbis homines metu & impatientia periculorum & earum, narum sæpe mortem optare, eamque in primis subitam. Hic autem Propheta non tam in genere de quibusvis motibus loqui videtur quam in specie de ijs ipsis motibus in quibus facella, fana & altaria idolorum extructa erant, ut ex vocibus Hebraicis apparet. Significat igitur fore, ut ab iisdem montibus se opprimi & interfici perant, in quibus spem omnem ante collocatam habebant. In prima autem voce huius versus, & prima præcedentis rursus Paronomasia est.

## VERSUS IX.

*Plusquam diebus Gibeæ peccas Israël, ibi steterunt dicentes non apprehendet eos qui sunt in Gibeæ, prelium susceptum contra filios iniquitatis.*

**R**ursum peccatum Israël, nempe pertinaciā & securitatem accusat, quod impudenter & pernicaciter idola colant, nec ullo poenarum metu afficiantur, idque collatione Gibeæ exaggetat. Affirmat enim Israëlitarum malitiam & pertinaciam maiorem esse, quam fuerit olim Gibeæ. Ut enim sup. cap. 9. v. 9 hoc idem exemplum quasi par adductum fuit, ita hic quasi minus adducitur. *Ibi.]* Scilicet in Gibeæ.

V 2 Stetes



*Steterunt.*] Scilicet Gibeani.

*Apprehendet eos.*] Id est, nos ciues Gibeanos. Est enim personæ Enallage tertia pro prima posita.

*Prælium.*] Quod Israëlita contra nos quasi impios & sceleratos susceperunt: id est, non vincent nos, sed nos potius victores futuri sumus.

## VERSUS X.

*In votis igitur mihi est ut castigem eos, itaq; colligentur contra eos populi, cum colligauero eos in duobus sulcis suis.*

**P**ONENÆ comminatio peccato subiicitur.  
*In votis igitur.*] Id est, magnopere eos castigare cupio, eosq; castigabo, scilicet vt resipiscāt. Aliās enim Deus nec libenter, nec ex animo castigat aut affligit, vt dicitur Threnorum 3. v. 33.

*Colligentur.*] Id est, hostes qui eos meo nomine castigabūt.

*Cum colligauero.*] Metaphora esse videtur à duobus bobus qui arandi causa, sub vnum iugum coguntur, quiq; per duos quasi agri sulcos incedere solent, vt sit sensus: vbi sub iugum coëgero eos, simul quasi boues arent: id est, hostibus & exteris seruiant.

In verbo autem castigandi, & colligandi Hebraicè insignis Paranomasia est.

## VERSUS XI.

*Et quoniam Ephraim vitula est perita & cupida triturandi, cuius pulchrum collum ego hætenus præterij. Itaq; imponam deinceps ipsi Ephraim iugum, & arabit Iuda, & occabit Iacob.*

**A**llegoria est ex agricultura sumpta, ex proximo versu pendens, vbi bouum arantiū & sulcorum agri mentio facta est.

*Et quoniam Ephraim.*] Primum hac Allegoria petulantia & lasciuia



lasciua Israël per comparationem describitur. Comparat enim Israël iuuentæ lasciua, indomitæ, & ad iugum nondum assuefactæ, quæ trituratione tantum delectetur: non autem aratione. Quod ut intelligatur, sciendum est aliam fuisse Iudæis triturationi rationem, quam nobis: vngulis enim boum in area circumactorum frumentum excutiebatur, qui labor iumentis gratus erat, cum abundè interea pabulum suppetere. Nam etiam in lege præceptum erat Deut. 2. v. 4. ne boui triturati os obligaretur, ne pabulo fraudaretur inter triturandum.

Præterij.] Id est, pepercit ei, eiusque teneræ ceruici, ne iugum ei imponerem, aut arandi labore grauarem. Dei igitur erga populum clementia commendatur, & causa lasciuiæ obiter notatur.

Itaque.] Pœna est. Post hæc igitur, inquit, iugum ei imponam, ut deinceps non solum triturer, sed etiam aret: id est, subijciam eos tandem potestati & dominatui peregrinorum regum & populorum.

Arabit Iuda.] Obiter Iudæ minatur quod is tandem etiam in hostium potestatem vnâ cum Israël, propter similia peccata redigendus sit.

Occabit Iacob.] Iuda & Iacob hîc pro eodem poni videtur.

## VERSUS XII.

(Dixi) *Seminate vobis iustitiã & metetis benedictionem, nouate vobis nouale, cum tempus (nunc) sit inquirendi Iehouæ, donec veniat & mittat vobis iustitiam.*

**M**imesis est & brevis summa concionum Hoseæ & collegarum eius, quibus populum ad mentem saniorè reuocare conati sunt.

Seminate.] Id est, operam date bonis & iustis operibus. In verbo autem nouandi, seu arandi, seminandi & metendi Metaphora est ex agricultura sumpta, & ex proximo versu re-

V 3 petita,



petita, vbi agrorum & agriculturæ mentio facta est.

*Et metes.*] Id est, copiosam mercedem reportabitis, quam Deus ex mèra sua misericordia vobis dabit: vide supra cap. 8. v. 7. Vide & Prouerbiũ, Vt semetẽm feceris, ita metes. Est enim hæc Metaphora etiã Græcis & Latinis vsitata.

*Nouate.*] Id est, arate. Estq; historologia. Aratio enim semetẽm præcedit. Noualis autẽ ager est qui aliquãdiu incultus fuit, ideoq; spinas & tribulos gignit, quẽ vt eradicentur ante semetẽm, opus est diligentiori cultura. Ideo & Ieremias quasi mutuo sumens hæc verba ab Hosea explicationẽ addit ca. 4. v. 3. cum ait: Arate vobis aruũ, seu nouate vobis nouale, & ne seminetis super spinas. Et versũ quarto addit, quasi hoc versum interpretans: Circumcidere vos Iehouæ & præputia cordis vestri. Significat igitur arare seu nouare, spinas & noxias herbas extirpare: id est, prauas animi opiniones & vitia expurgare & abijcere, vt locus sit veræ doctrinæ & morum bonorum sementi, quẽ in animis crescere & radices agere nequeunt, nisi prius falsæ opiniones & vitia extirpentur.

*Nam tempus est.*] Idem proprijs verbis repetitur & additur admonitio, de pœnitentia maturanda, ne ex improviso pœna eos obruat. Est enim certum tẽpus intra quod Deus placari & pœna ipsa pœnitentia & precibus auerti potest, quo tempore seu penso euoluto frustra pœnã deprecamur.

*Inquirendi iehouæ.*] Id est, serid & ex animo ad eum reuerendi abiectis idolis, falsis cultibus & malis moribus.

*Donec ueniat.*] Verba hæc opponuntur tentationi de mora & dilatione auxiliij diuini.

*Mittat nobis iust.*] Alij verunt: Et doceat nos iustitiam. Alij etiam: vt depluat nobis iustitiam, idque ex homonymia verbi Hebraici יִשְׁטוּ. Iustitia autem hoc loco pro misericordia ponitur, seu fauore diuino, quã Deus peccata remittit, & pœnas mitigat, & beneficia omnis generis in nos confert, quomodo & alibi accipitur: vt Daniel. 9. v. 16. Domine pro summa iustitia tua auertatur furor tuus & ira tua: & Psal. 36. vers. 7.



IAC. MATTHIÆ PRÆLECT. 151

verf. 7. Iustitia tua sicut montes Dei iudicia tua vorago multa, homines & animalia seruas Iehoua. Et v. 11. Extende misericordiam tuam ad cognoscentes te, & iustitiam tuam ad rectos corde. Mittere igitur iustitiam, est misericordia populum cōplecti, poenas auertere aut mitigare, eumq; in posterum seruare & defendere.

In vocibus Hebraicis יְהוָה וְיִשְׂרָאֵל Paronomasia est & Ananaclassis.

VERSUS XIII.

*Sed arastis impietatem, ideoq; iniquitatem metetis,  
& comedetis fructum mēdacij, quoniam confisi estis  
viribus vestris, & multitudini militū vestrorum.*

**S**ed arastis] Antithesis est, ostēdens Prophetarū cōciones & admonitiones omnes initas fuisse, populumq; obstinatē quasi auribus occlusis in sua malitia pergere. Persistit autem in Metaphora. Estq; vnum verbum pro duobus, pro postquam arastis, seminastis impietatem.

Idco.] Pœna est, & mēsis facioni respōdens: iniquitas enim pro mercede & pœna iniquitatis: id est, calamitatibus Metonymizās accipitur.

Comeditis.] Eiusdem sententiæ repetitio. Estq; Metaphora à panibus, qui ex frumento sunt vt comedantur. Fructus autem mendacij dicitur, vel qui non saturat & famem explet, vel qui dignus sit mendacio: id est, idololatria & fiducia præsidiū humanorū: ea enim mēdacia sunt quod Deo irato iuuare nequeant.

Quoniam cōfisi estis.] Rursū speciale peccatum accusatur, nempe prapostera fiducia consiliorū & præsidiū humanorū, quodq; suis consilijs & viribus freti Dei minas & prophetarū admonitiones petulanter contemnerent.

VERSUS XIII.

*Propterea existet tumultus in populo, & omnes munitiones*



*tionēs tuæ vastabuntur, sicut vastauit Salman Beth Arbel tempore belli, cū mater super filios allisa est.*

**P**ropterea.] Fiduciæ inani & securitati populi opponitur iræ & potentiæ diuinæ effectus, nempe excidium & regni vastatio. Contra iram enim Dei nulla præsidia aut munitiones subsistere possunt. Tumultus autem hoc loco ponitur pro strepitu & fragore armorum & sonitu & fremitu hominum ad arma concurrentium & in bellum ruentium.

*Sicut vastauit.*] Collatione & exemplo historico rem auger. Et si autem hoc exemplum in sacris literis non extet: tamen ea ætate & notum & celebre fuisse necesse est. Exempla enim nisi nota & familiaria adduci præsertim breuiter non solent, nec, ut Rhetores etiam præcipiunt, debent. Hebræi quidam Salman positum esse pro Salmanassere putant, & Arbel nomen loci esse, cuius mentio fiat in Machabæorum lib. 1. cap. 9. v. 2. Quem locum Salmanassar horrenda clade vastauit & nobilitauit.

*cū mater.*] Id est, cū tanta crudelitate hostis sæuieret, ut nulli sexui aut ætati parceret, sed sine discrimine mulieres & infantes trucidaret, & inter sese collideret, quod extreme crudelitatis & sæuitiæ in bellis esse solet, quomodo & dicitur Gen. 32. v. 11. Ne veniat frater meus & interficiat matrem cum liberis.

## VERSUS XV.

*Sic faciet vobis Bethel propter summam malitiam vestram, & diluculo extinguetur rex vester.*

**S**ic faciet.] Apodofin comparationis seu exempli accommodationem repetit ad rem exaggerandam.

*Bethel.*] Vnam urbem, & urbis vnius ciues totius regni nomine compellat, quod ibi idololatriæ præcipuum templum & arx esset, ut sæpè antè dictum est, & propter vocis vtriusq;



triufq; Betharbel & Bothel fimilitudinē. Aliàs autem per contemptum eam urbem Bethauen, vt fup. 5. v. & Auen fup. 8. v. vocare folet.

Propter *summam*.] Id eſt, idololatriam, quæ eſt ſummum ſcelus.

In Hebræo eſt *malitia malitiæ*, pro ſumma malitia: vide phraſes ſubſtantiui.

Et *diluculo*.] Seu vt in Hebræo eſt, *in aurora*: id eſt, maturè, ſubitò, & ex improviſo.

Rex *ueſter*.] Rege enim ſublato in bello, omnia deſperata & deplorata eſſe ſolent: vide fup. v. 3.

Atq; haſtenus Caput decimum fuit.

## CAPVT VNDECIMVM. VERSVS PRIMVS.

**C**um puer Iſraël eſſet, dilexi eum, & ex Aegypto vocaui filium meum.



OMMEMORAT Deus ſingulare ſuum erga populum beneficium, vt maior populi ingratitudo appareat: nam quòd populum Iſraël ex ſeruitute Ægyptiaca ex mero amore liberarit, & ſibi quali filium adoptarit, ſummum erat beneficium.

Cum puer eſſet.] Prophetæ infantiam & pueritiam populi Iſraël, id tempus appellare ſolent, quo adhuc in Ægypto agebat, quo tempore quaſi puer & ſeruus erat: vide ſuprà cap. 2. v. 15.

Filium meum.] Id eſt, quem tam charum habui, tantumq; dilexi, ac ſi filius mihi fuiſſet, quomodo dicitur Ieremiæ 31. v. 9. Ero Iſraëli pater, & Ephraim primogenitus meus erit, & v. 20. Numquid filius pretioſus eſt mihi Ephraim, numquid

X puer



puer delectabilis. Et infra cap. 13. v. 13. Ipse filius est non sapiens. Atq; hic sensus literalis est huius loci.

Matthæus autem cap. 2. v. 15. hunc locum ad Christum in Ægypto delitescentem, & inde reuocatum accommodat. Liberatio enim & vocatio populi veteris Ecclesię & filij quasi Dei adoptiui ex Ægypto, typus fuit eius vocationis, quæ ipse filius Dei naturalis, & populi veteris atque Ecclesię totius caput & dux, inde euocatus est. Quæ enim typicę præcesserunt in alijs, vt in hunc locum ait Hieronymus, iuxta veritatem & impletionem referenda sunt ad Christum tanquam ad caput.

## VERSUS II.

*Quò magis vocatur, eò magis è conspectu abeunt, Baalim sacrificant, & sculptilibus suffitum accedunt.*

**Q**uærela est de populi contumacia & ingratitude. Quò, inquit, magis Prophetæ populum admonent, vt Deo redemptori suo soli seruiat, eò magis Deum & Prophetas ipsi contemnunt, & ad idola se conferunt.

*Quò magis.* In Hebræo oratio Elliptica est, hoc modo, uocant eos, sic abierunt à facie eorum. Quorum verborum sensum iam expressimus: hic autem versus repetitione verbi vocandi præcedenti versui annectitur.

*Abeunt.* Gestu corporis, animi pernicacia, & verbi atque ministerij contemptus exprimitur.

## VERSUS III.

*Ego autem brachia Ephraimi apprehendi, & eum ambulare docui: sed non agnoscit quòd sanauerim eum.*

**E**go autem. Pergit in commemoratione suorum erga populum beneficiorum, quam similitudine matris aut nutricis, quæ puerum primum incedere docet, aut in vlnis gestat, amplificat. Significatur igitur hac collatione ingens



ingens populi imbecillitas, & magna e contra Dei erga populum clementia & indulgentia, qui imbecillitatem eius, patientissimè tollerarit, non aliter atque nutrix infantes tollerare solet.

*Brachia apprehendi.*] In Hebræo est verbum tertiæ personæ pro prima: vel subaudi potest Moses. Potest & sensus esse: *Gestavi populum in ulnis meis*, quomodo dicitur de Deo Exod. 19. v. 4. & Deut. 22. v. 11. Et de Mose dicitur Num. 11. v. 12.

*Sed non.*] Ingratitudo populi est.

*Quod sanauerim.*] i. & liberauerim ex seruitute Ægyptiaca & integros atq; incolumes diu conseruari: vide Deut. 8. Vt igitur suprà Deus se patri, matri & nutrici comparauit, ita hîc Medico comparat.

## VERSUS IIII.

*Funibus hominum traxi eos, vinculis inquam dilectionis, & fui eis quasi qui allenat iugum iumentorum maxillis eorum impositum, & illis pabulum apposui.*

**P**ergit in eodem beneficio suo erga populum exponendo Deus: quod collatione exprimit. Vt enim suprà se patri, matri, nutrici & Medico, populum autem filio, infanti, & ægroto comparauit: ita hîc iam populum iumento seu boui, se autem Pastori aut agricolæ placidè & leniter iumentum tractanti comparat.

*Funibus hominis.*] Id est, funibus humanis, quibus homines boues ipsos placidè & quietè ducere solent. Alludere enim videtur ad consuetudinem, qua boues funibus ad cornua religatis duci solent. Et sic Esaïæ cap. 8. v. 4. *Genitrius hominis* poni videtur, cum dicitur: *Scribe stylo hominis*: id est, quo homines scribere solent.

*Vinculis, inquam, dilectionis.*] Metaphoræ interpretatio est, qua, quid funes vocet, exponit, nempe beneficia diuina ex amore Dei profecta, quibus eos ex Ægypto elicere, & ad se amadum excitare studuit Deus, & summam humanitatem

X 2 & cle-



& clemētiam qua ex Ægypto egressos per desertum deduxit ipse & comes, & dux.

*Quasi qui.*] Altera pars similitudinis ab agricola sumpta, qui ne iugum boum aranti nimis graue sit, aut collum aut pectus ei leget, illud manu interdum alleuat.

*Maxillis.*] Vicinam partem pro vicina posuit, nempe pro collo & pectore.

*Et pabulum ipsis apposui.*] Pabuli mētionē ad mannam respicere videtur: vide Exod. 16.

## VERSUS V.

*Non reuertetur in terram Ægypti, sed Assyrius erit rex eius, quoniam noluerunt reuerti (ad me.)*

**T**ribus sequentibus versibus ingratitudinem populi accusat, & simul pœnam ingratitudinis minatur, nempe regni excidium, & populi exilium.

*Non reuertetur.*] Exilium & captiuitas exprimitur, & locus captiuitatis disertè nominatur, nempe non Ægyptus, sed Assyria. Videtur autem Deus noluisse populum in Ægyptū captiuum redire, vt eius redemptionis gloriam sibi integrā seruaret. Simulq; hīc significatur cupere quidem Isrāēlitas in Ægyptum redire, quod reges Ægyptios, tum amicos & confœderatos haberent, vt suprà aliquoties diximus.

*Quoniam noluerunt.*] Peccatum est. Noluerunt, inquit, ab idolis & aliis suis peccatis ad me sincerè colendum redire, itaq; reuertentur, sed nō in Ægyptum: in Assyriam enim abducendi sunt.

In vocibus Hebraicis *ישׁוב* & *שׁוב* Paronomasia est.

## VERSUS VI.

*Itaq; grassabitur gladius in urbibus eius, atq; consumet & deuorabit vinctes eius, idq; propter consilia ipsius.*

**I**taq;.] Pœna est. In Hebræo autem vox *ברי* ambigua est. Significat enim propriè ramos, vnde translata etiā membra & vinctes designat: nam vt rami ex trunco prodeunt, ita.



ita membra & vestes portarum munimenta & alia præsidia  
& munitiones intelligi possunt.

*Consilia.* ] Consilium vocat idololatriam & fiduciam pro-  
priae sapientiæ & præsidiorum humanorum.

## VERSUS VII.

*Populus autem meus suspensus erit, (animo) propter  
auersionem à me: & quoniam ad excelsum inuita-  
runt eum (Propheta) nemo tamē exaltarit, Deum.*

**P**opulus autem. ] Pœna est exilio adiuncta, nempe timor  
perpetuus. Populus, inquit, in perpetuo metu erit, sem-  
per sibi timebit, neq; vnquam animo securo in exilio  
erit. Videtur enim Propheta hîc alludere ad locum Moſis  
Deut. 28. v. 66. Et erit vita tua suspensa è regione tibi, & pa-  
uebis nocte & die, neq; credes vitæ tuæ: manè dices, quis  
dabit vesperam: & vespera dices, quis dabit manè præ pa-  
uore cordis tui, &c.

*Propter auersionem.* ] Peccatum est, nempe verbi & admoni-  
tionum Propheticarum contemptus. Vox enim Hebraica  
& auersionem & rebellionem significat, & opponitur con-  
uerſioni ad Deum.

*Ad excelsum.* ] Id est, Deum altissimum: vide sup. cap. 7. v.  
16. Reuertuntur, sed non ad excelsum.

*Nemo exaltat.* ] Hoc membrum variè verti potest.

Vel: nemo exaltat, scilicet Deum laudibus.

Vel: nemo exaltat seu attollit, scilicet caput aut aures, vt Pro-  
phetis obtemperet.

Vel: nemo exaltat: id est, oculos & animos in altum ad verū  
Deum attollit.

Vel: nemo exaltat seu attollit, scilicet sese, vt voce & admoni-  
tione Prophetarum moueatur. In verbo autem *exaltandi*, al-  
lusio est, ad vocem præcedentem *excelsum*, qua Deum ex-  
pressit.



*Quomodo dabo te Ephraim? tradam te, o Israël: an dabo te sicut Adamam ponam te sicut Zeboim? conuersum est in me cor meum, pariter accēse sunt commiserationes mee.*

**H**Actenus prior pars concionis quintæ inde vsque à versu quarto capitis sexti fuit, nempe legis concio, peccati accusatio, & pœnarum comminatio multis & varijs ornamentis & argumentis amplificata. Sequitur nunc pars altera, nempe concio gratiæ, & cōsolatio ad pœnitentiam inuitans.

*Quomodo.*] Prior pars versus peccata & populi pœnas exaggerat, vt magis amplitudo bonitatis & misericordiæ diuinæ conspiciatur. Estq; oratio figurata interrogatione & deliberatione, seu communicatione & collatione, qua significatur Israëlitas non minus atrociter deliquisse, quàm Sodomam & Gomorham, ac proinde non minoribus pœnis dignos esse.

Collatio autem hæc ex Deut. sumpta est, cap. 29. v. 23. Vt paulò pòst dicam, & passim à Prophetis vsurpatur: vt Esaiæ 1. v. 9. & 10. & cap. 13. v. 19. Et Ieremiæ 23. v. 19. Ezechiel. 16. v. 46. & Amos 4. v. 11.

*Sicut Adama.*] Adama & Zeboim vrbes erāt, quas vnà cum Sodoma & Gomorha Dei vindicta absumpsit. De qua historia legatur Moses lib. 1. cap. 9. Et Strabo libro 16. in descriptione Iudææ. Et hæ duæ ciuitates nominatim in Deut. cap. 29. exprimuntur, cum dicitur: nam sulphur & sal & combustio totū solium eius, non feretis neq; germinabit, neq; crescet in ea herba vlla, vt in subuersione Sodomæ & Gomorhæ, Adama & Zeboim, quas subuertit Iehoua in furore suo & in ira sua.

*Conuersum est.*] Consolatio ipsa est. Digni quidem eratis quos perderem vt Sodomitas, idque facere constitui, sed si pœni-



pœnitentiam egeritis, etiam ego consilium mutabo, & parcam vobis, missusq; vobiscum agam.

*Cormecum.*] Cor pro consilio Metonymizans ponitur. Loquitur autē Scriptura humano more de Deo, & rebus alijs.

*Accense.*] In Hebræo verbum est *אָנְדָּה* unde & sacerdotes Baalitici *אֲנֹנִים* dicti sunt, suprà cap. 10. v. 5. Hac autem oratione vehemens misericordia & commiseratio exprimitur.

## VERSUS IX.

*Non faciam furorē ira mee, non conuertar eò ut perdam Ephraim: quoniam Deus ego sum, & non homo, in medio tui sanctus, & non ingrediar urbem.*

**P**ergit in consolatione & affirmat se nolle pro merito cum ipsis agere, si pœnitentiam egerint: furor autem iræ ingentem iram significat. Vide phrasas substantiuorum. Effundere enim furorem iræ, est indignationis habenas laxare, & grauissimè in aliquem animaduerrere.

*Non conuertar.*] Repetitio eiusdem sententiæ. Verbum autem Hebraicum *reuertendi*, aut redundat: vt sit sensus: non perdam Ephraim: aut conuertendum est, ut nos vertimus.

*Quoniam Deus.*] Ratio est à Dei natura per collationē: Homines, inquit, offensi implacabiles esse solent, sed Deus contrā mitis, clemens, facilis & placabilis est, qui magis salute quàm interitu delectetur. Simile argumentum est apud Esaïam ca. 55. Derelinquat impius viam suam, & vir iniquus cogitationes suas: reuertaturq; ad Iehouam & miserebitur eius, & ad Deum nostrum, quoniam multus ad remittendum: non enim cogitationes meæ sunt, vt cogitationes vestræ, nec viæ vestræ, viæ meæ sunt, dixit Iehoua.

*In medio tui.*] Scilicet habitās. Altera ratio à peculiari promissione & fœdere cum hoc populo, sumpta, quo se huic populo obstrinxit Deus, eiq; se affuturum semper promissit: q. d. Ideo à te coli volui, & inter te templum meum elegi, vt te tuear & defendam, potius quàm perdam, idq; me facturū promissū.



## 160 IN HOSEAM,

promissi. Sic dicitur Deut. 19. v. 44. Habitabo in medio filiorum Israël, & ero ipsis Deus, & scient quod sum Iehoua Deus eorum. & Psal. 46. v. 6. Deus in medio eius: non commouebitur, adiuuabit eum Deus mané. Phrasis igitur hæc tutelæ & defensionis promissæ significationem habet.

*Sanctus.*] Epitheton est pro subiecto ipso, nempe Deo, vt Esaiaë 1. v. 4. Dereliquerunt Iehouam, irritauerunt sanctum Israël. & 43. v. 15. Ego sum Iehoua sanctus vester: id est, Deus vester. plena oratio esset: Ego sum sanctus: id est, Deus qui in medio vestri habitem, scilicet, vt vos defendam.

*Non ingrediar urbem.*] Scilicet vt hostis, qui omnia ferro & flamma vastet. Hæc enim phrasis hoc loco in malam partem accipi videtur, simulq; studium & conatum includit, *non ingrediar*: id est, non studeo, non conor hoc regnum delere. Cum enim semel domicilium inter vos collocauerim, & vos in fidem meam atque tutelam receperim: haud temerè ipse vos quasi hostis adoriar & perdam, sed potius vos seruabo, si morem mihi gesseritis. Sic Esaiaë 19. v. 1. dicitur: Iehoua ingredietur Aegyptum, & mouebunt se simulacra Aegypti à facie eius, & cor Aegypti liquefiet in medio eius. Phrasis igitur de ingressu hostili accipienda hoc loco est, & vrbs pro toto regno Synecdochizans.

## VERSUS X.

*Post Iehouam ambulabunt qui veluti Leo rugiet, cum rugiet pauebunt filij amari.*

## VERSUS XI.

*Pauebunt vt aues ex Aegypto, & vt columba ex terra Assyria: & collocabo eos in domibus suis, ait Iehoua.*

**A**Ltera pars consolationis, qua promittit Deus, se suis etiam in exilio, si eò abducti fuerint, affuturum, si ibi saltem pœnitentiam egerint, eosq; vbicunque exularint in patriam reducturum.

Verùm



IAC. MATTHIÆ PRÆLECT. 161

Verùm cùm hæc liberatio corporalis nunquam facta sit, sub corporali magis spiritualis liberatio promitti & intelligi debet, qua & Israëlitaræ & alij populi ad societatem Ecclesiæ tempore Christi vocati sunt.

*Post Iehouam.]* Scilicet vt ducem.

*Ambulabunt.]* Scilicet Israëlitaræ liberati, qui iam in patriam deducuntur.

*Veluti leo.]* Potentiam ducis Christi similitudine leonis exprimit: vide sup. ca. 5. v. 14. & Amos 3. v. 8. dicitur, Leo rugiet, quis non timebit?

*Pauebunt.]* Hæc verba duplicem sensum recipiunt, vel enim de hostibus Ecclesiæ, quibus dux populi, quasi leo rugiens terrorem incutiat, intelligi possunt: atq; tunc verbum Hebraicum *לָרַחַק* propriè accipitur vt vertimus. Vel etiam de ciuibus Ecclesiæ, qui ad clamorem ducis celeriter concurrunt, & ad ducem suum se cōferunt, ac tum verbum Hebraicum *לָרַחַק* properare: per *properare* seu *festinare*, seu *celeriter fugere* vertendum est, vt suprà cap. 3. v. 5. accipi videbatur.

*Filij amari.]* qui in occidente habitant seu exulant. Mare enim Hebræis pro occidente accipitur.

*Vt aues.]* Simile, quo fugæ celeritatem exprimere videtur, vt aues, inquit, territæ, celerrimè volant: ita illi audita voce Messiaæ celerrimè aduolabunt ex Ægypto.

*Ex Ægypto.]* Per Ægyptum plagam meridionalem: per Assyriam autem septentrionalem & orientalem intelligit. Significat igitur futurū, vt ex omnibus mundi plagis Israëlitaræ exules in suam patriam: id est, populi omnes ad Ecclesiam excitentur & colligantur. Vnde & Esaia 49. v. 12. dicitur: Ecce isti à longinquo venient, ecce illi ab occidēte: alij verò à terra Sinim.

*Collocabo.]* Scilicet in patriam restitutos aut ad Ecclesiam collectos.

Y CA-



CAPVT DVODECIMVM  
VERSUS PRIMVS.

*Circumdant me mēdacio Ephraim, & domus Is-  
raël: Iuda autem adhuc dominatur cum Deo,  
& cum sanctis fidelis est.*



**S**EQVITVR iam concio sexta, in qua primum accusatio est, & peccatorum comminatio. In hoc autem versu idololatriæ accusatio est, idq; per collationem. Iudæos enim in puritate cultus Israëlitis præfert, vt suos auditores magis vrar: non autem propterea Iudæos planè iustificat. Erat enim & maxima pars populi Iudaici idololatria polluta, nō minus quàm populus Israël, vt & antè sæpè patuit, & mox ver. 3. patebit. Sed loquitur de publica doctrinæ & ministerij forma, idq; respectu regni Israël.

*Mendacio.]* Mendacium & dolum appellat idololatriam ipsam, & veræ doctrinæ corruptelas omnes & fucum atq; colorem, quibus superstitiones & impia dogmata pingebant sacerdotes, & ita populo obtrudebant.

*Dominatur.]* Collatio est. Dominari autem cum Deo, significat ita imperare, vt retineat cultum à Deo præscriptum saltem publicè.

*Cum sanctis.]* Id est, Deo sancto: vide v. 9. capitis præcedentis. Est autem pluralis numerus, propterea quòd ad vocem *עֲלֵי* referatur: vt Iosue 29. v. 20. *עֲלֵי* id est, Dei sancti ipse est. Vide regulam quintam in Syntaxi Ceualerij. Vel cum sanctis: id est, Patriarchis, qui puram religionem coluerunt, & ad extremum vsque retinuerunt.

VERSUS II.

*Ephraim pascit ventum & persequitur Eurum: quotidie mendacium & vastitatem cumulat: fœdus namq;*



*namq; cum Assyrijs feriunt, & oleum in Aegyptum portant.*

**R**eprehendit & ridet fiduciam humanorum præsidiorum: vide sup. 7. 11. & 8. 9.

*Pascit uentum.* ] Phrasis est Metaphorica, & prouerbialis, de re nihil profutura, sed etiam pernitiola. Quod enim de spe, & conatus frustratione & pernitie hæc intelligenda sint, docent sequentia.

*Eurus.* ] Eurus in Iudæa noxius erat, quod maximè omnia siccitate adurent, & violentius spiraret.

*Mendacium.* ] Sic appellat præsidia humana, quæ Israëlitis tandem imponent, & exitium & vastitatem.

*Oleum.* ] Scilicet ut munus quo regum amicitiam redimerent. Narrat autem Ezechiel cap. 27. v. 17. Iudeos ad externos exportasse triticum, mel, resnam, & oleum. Cum autem Aegyptus regio plana esset, tritici quidè & mellis copiam habere potuit: olei verò minimè, quia oliuæ colles amant: fuit itaq; oleum Aegyptijs gratum munus. Per oleum non tantum commune oleum, sed etiam oleum balsamum intelligi viderur, quod pretiosum erat, & in sola Iudæa nascebatur. Vide Esaia 57. v. 9. & Plinium lib. 12. ca. 25. & Strab. lib. 16. in descriptione Iudææ.

VERSUS III.

*Deceptio quoq; Iehouæ est cum Iuda, & animaduertet in Iacob, secundum vias eius, & secundum opera eius rependet ei.*

**P**eccata accusauit, nunc pœnas comminatur, non tantum Israëlitis, sed etiam Iudæ, ne se propterea extra omnem culpam puret, quod antea eum Israëliti prætulerit, & ut eò magis auditores suos percellat, cum audiant etiam Iudæis pœnas imminere, quorum tamen religio purior esset. Neque enim Propheta secum pugnat dum hic Iudæos accusat, quos antea laudauit: supra enim cultum

Y 2 tan-



tantum publicum Iudæorum, cultui Israëlitarum prætulit, & corruptelis opponebat: nunc autem qualis per se esset, confiderat & reprehendit. Magna enim pars populi Iudaici idolatria contaminata erat. Notandum igitur est diligenter, ea interdum quæ simpliciter dicuntur, comparatiue ex parte accipienda esse.

*Cum Iuda.] Sensus est: Deus etiam Iudam suo tempore puniet, quanto magis puniet Israëlitas, qui Iuda multo sunt impuriore, & sceleratiores.*

## VERSUS IIII.

*In utero calcaneo apprehendit fratrem suum: & viribus suis Deum superavit.*

**P**ropheta Israëlitas ut ingratos erga Deum & degeneres, parum patris sui Iacobi similes accusat. Estque quasi correctio: cum enim proximo versu patris Iacobi nomine eos appellarit, eoque nomine etiam ipsi gauderent, & gloriarentur, nunc eos minimè patris nomine dignos affirmat, cum eius minimè sint similes, quod ut ostendat, quædam ex historia Iacobi repetit, quibus & Dei erga ipsum beneficia, & ipsius contrà, pietatem & religionem erga Deum declararet.

*In utero.]* Primum igitur ex historia Iacobi hoc repetit, quod Iacob post fratrem Esau in lucem æditus, calcaneum eius manu tenuerit, quo significabatur, Iacobum Dominum tandem fratris sui futurum, ex eiusque posteris Ecclesiam colligendam, & Messiam nasciturum, & simul quasi quidam in Iacobo conatus exprimebatur, quo iam in utero heres promissionis de semine benedicto fieri conareretur: ut enim regnum & sacerdotium, ita processio ordinariè ad primogenitos pertinebat: vide historiam Gen. 27. v. 25.

*Et viribus.]* Hoc alterum est ex historia Iacobi petitum, quod videlicet ætate prouecta, cum Deo seu angelo luctatus sit, & vi quasi benedictione ei extorserit, ut rursum de promissione certior fieret, & aduersus vim fratris sui Esau iam  
immi-



imminentis confirmaretur, quo rursus & Dei erga Iacobū fauor & gratia, & Iacobi benedictione & promissione obtinenda studium exprimitur: vide historiam Gen. 32. v. 26.

viribus.] Scilicet quas Deus ipsi concessit, quibusq; se vin-  
ci passus est.

## V E R S V S V.

*Et superauit angelum & victor fuit, flevit & rogauit  
eum: in Bethel inuenit eum, & ibi nobiscum loqu-  
tus est.*

**E**T super.] Repetit posterius membrum præcedentis ver-  
sus, ad beneficii diuini & studij Iacobi amplificationē.  
Est autem in his verbis obscuritas quædam ex Ellip-  
sinum substantiuorum seu subiectorum seu supposito-  
rum nata. Dubium enim videri potest, an Iacob, an ange-  
lus in verbis quibusdam subintelligendus sit.

*Flevit.*] Alij hoc ad angelū referunt, qui quasi flendo sup-  
pliciter rogauit Iacobum, vt se dimitteret. Alij ad Iacobum  
quasi is flendo rogarit angelum, vt sibi benediceret.

Simul autem hic notandum est, non omnia quæ gesta o-  
lim sunt in historia Moysi, prorsus expressa esse. In Genesi  
enim de fletu angeli aut Iacobi nihil legitur, cuius hic men-  
tionem facit Hoseas. Et sic Gen. 19. Adma & Zeboim in hi-  
storia Sodomæ non exprimuntur, quæ postea Deut. 29. &  
capite proximo, v. 8. expressæ sunt. Siue quòd olim alia e-  
tiam vetustatis monumenta extiterint, siue quòd quædam præ-  
teritorum Prophetis diuinitus sint reuelata. Quod autem  
alia etiam monumenta quàm Moysi extiterint, ex ipso Mo-  
se, & reliqua Scriptura patet. Num enim cap. 21. v. 14. Liber  
bellorum Iehouæ nominatur: & Iosue 10. v. 13. & 2. Samue-  
lis cap. v. 18. liber Iustorum: & res gestæ Dauidis à Nathane  
& Gad descriptæ dicuntur. 1. Paralip. cap. 29. v. 29. & liber  
actorum Solomonis nominatur, 1. Reg. 11. v. 41. historia etiā  
Salomonis à Nathan Propheta, Ahia Silonita, & Iaddo vi-

Y 3. dente



dente seorsum descripta fuisse, dicitur, 2. Paralip. ca. 9. v. 29. Eiusdem etiam parabolarum tria millia, & cantica quinq; & mille, & disputationes physicae, de plantis, arboribus, & animalibus extrabant, 1. Reg. 4. v. 32. Atq; eodem modo quaedam ab Apostolis narrantur, quae in historia ab Euangelistis scripta non reperiuntur. Vt etiam in decretalibus lib. 3. titulo 71. notatum est. Cuiusmodi sunt, id quod Paulus à Christo dictum affirmat, beatum esse dare magis, quam accipere. Act. 20. v. 35. Deinde apparitio Christi, qua quingentis fratribus simul apparuit, 1. Corinth. 15.

*In Bethel inuenit eum.* Tertium est quod ex historia Iacobi, quod Deus in Bethel foedus cum Iacobo renouarit, quodq; Iacob Deo se totum commiserit, eumq; solum idolis abiectis studiosè coluerit: vide Gen. cap. 35.

*Loquutus est nobiscum.* Id est, cum Iacobo: ita tamen ut id colloquium ad totam Iacobi posteritatem & nos etiam pertineat: vnde Moyses lib. 5. cap. 29. Foedus, inquit, ferio non vobiscum tantum, sed etiam cum posteris vestris.

## VERSUS VI.

*Iehoua autem est Deus exercituum: Iehoua nomen eius.*

**D**Eum verum nomine exprimit, qui Iacobum tantis viribus instruxit, defendit, & multis beneficijs cumulauit, & quem vicissim Iacob syncerè coluit abiectis idolis.

Subest autem Anritheſis quòd Israëlitæ, & in Deum, qui patres ipsorum, eosque sibi elegisset, ingratiſſimi ſint, & quòd patris ſui Iacob minimè ſint ſimiles, dū ſpreto vero Deo Iehoua, idola colant.

*Iehoua autem.* Nomen Dei peculiare & proprium eſt, ab eſſentia ſeu ſubſtantiã factū, quòd Deus ſolus ſua virtute ſubſiſtat. Creaturæ autem omnes, virtute & beneficio Creatoris Dei: vide Exod. cap. 3. v. 15.

*Deus exercituum.* Id eſt, Deus omnipotens ad ſeruandum  
&



IAC. MATTHIÆ PRÆLECT. 167

& perdendum potentissimus. Ad utrumque enim viribus instructissimus est. Deus igitur exercituum dicitur, & ad pios confirmandos, & ad impios terrendos.

Ex his autem versibus apparet filium Dei, & olim patribus apparuisse, & verum Deum esse. Idem enim & angelus dicitur, quod ad Ecclesiam olim mitteretur, & patribus appareret, humana interdum specie, & idem Iehoua dicitur: id est, qui natura Deus sit.

VERSUS VII.

*Tu ergo ad Deum tuum reuertere, misericordiam & iustitiam custodi, & fide Deo tuo semper.*

**E**X contextu officij potius descriptio, quàm exhortatio esse videtur ex versibus præcedentibus illata: q. d. ad Iehouam igitur verum Deum, qui te & patres tuos elegit, & quem Iacob & reliqui patres tui coluere, tibi reuerendum erat abiectis idolis.

Additur autem veræ pœnitentiæ & cultus diuini, veri quæ descriptio, nempe quod Deus fide & charitatis erga proximum officijs colendus sit, potius quàm victimis, aut exteris ceremonijs.

*Tu.]* Scilicet, ô Israël, qui Iacobi nomine gaudes.

*Reuertere.]* Scilicet exemplo Iacobi patris tui. In Hebræo autem est verbum futuri, quod per debeo & aliàs exponitur, & hoc loco exponendum esse videtur, vt sit, *reuerteris*: id est, reuerti deberes, vide phrasas Hebraicas. In reliquis autem duobus verbis Imperatiuus pro futuro esse potest, eodem modo accepto, *custodies & fidas*: id est, custodire & fidere debes.

*Misericordiam & iustitiam.]* his verbis omnia opera secundæ tabulæ legis comprehenduntur.

*Et fide Deo.]* His verbis opera primæ tabulæ exprimuntur.

VERSUS VIII.

*Mercator est Ephraim: in manu eius est statera dolosa, fraudare alios amat.*

Nunc



**N**Vnc Antithesis exprimitur, & quid contra officium, contra admonitiones propheticas: & exemplum patrum faciant, ostendit Propheta, & de eo cōqueritur. Cōparat igitur Israëlitas mercatoribus, qui propter imposturas in negotiationibus vulgo malè audiant, eosq; similes negociatoribus in religione adulteranda & pœnitentia fingenda esse docet: iniquis enim ponderibus & mensuris mercatores vti solent, & alijs imponere.

*Fraudare.*] Scilicet mercibus adulteratis, vsuris, & infami lucro alios circumscribunt & exhauriunt.

Etsi autem collatio in hoc versu est: tamen simul etiam fraus & imposturæ mercatorum hoc versu damnantur.

## VERSUS IX.

*Et ait Ephraim utiq; ditatus sum paravi mihi opes,  
in nullis actionibus meis inuenietur iniquitas aut  
peccatum.*

**Q**uerela Prophetę est de securitate & hypocrisi Israëlitarum, simulq; cogitationes & argumenta Israëlitarum exponit, quibus se suaq; peccata defenderent, sibi que ipsis imponerent: q. d. Ephraim ita secum cogitare & dicere solet, omnia mihi ex sententia succedunt, sum in re laura, sum viribus & potentia instructus, ergo rectè Deū colo, nec ita grauitè pecco sicut Prophetę vociferantur. Atque hoc argumento Turcæ etiam hodie & aliæ Gentes profanæ pro se, & religione sua tuenda vtuntur, eodemq; modo omnes hypocritæ in rebus secundis sibi bladiuntur.

Potest & esse querela de fiducia humanorum pręsidiorū, vt sit sensus: Israël fretus opibus & potentia, existimat minime futurum ut ijs unquam exuatur aut spoliatur, quomodo Niobe Ouid. de se ait, cum inquit:

*Sum maior quàm cui possit fortuna nocere.*

Ac tum iniquitas & peccatum, pro pœna iniquitatis & peccati hîc accipienda sunt, vt aliàs etiam fieri solet.

*Ditatus sum.*] Quia de mercatore loquutus est, per collationem,



IAC. MATTHIÆ PRÆLECT. 169

tionem, ea occasione adhuc versum peruenit, & opes pro omnibus præfidijs humanis ponit.

*Opes.*] In Hebræo vox est, quæ hoc tantum loco hac significatione ponitur, ut sit יָחַס pro יָחַד: sup. v. 4. pro robore fuit, quo modo si hic etiam accipiat, eodem sensus redit: *Instructus sum opibus & uiribus: ego sum innocens, vel, perire nequeo.*

VERSUS X.

*Ego autem sum Dominus Deus tuus è terra Aegypti, (qui) adhuc efficiam ut habites in tabernaculis, sicut diebus constituti temporis.*

**V**erus Deus falsis opponitur, & peccato pœna subiungitur.

*E' terra Aegypti.*] Qui scilicet singulari hoc redemptionis beneficio, me tuum Deum esse ostendi, teq; redemi, ut me solum sine idolis coleres.

*Adhuc efficiam.*] Pœnæ & exilij denunciatio est aduersus ingratos & immemores idololatras.

*In tabernaculis.*] Id est, in pristinam seruitutem vos retrahã, vosq; ex domibus vestris magnificè exstructis eijciam, ut peregrinantium more in tabernaculis agatis: vide suprà capite 2. v. 14.

*Sicut diebus.*] Tempus videtur significari annorum quadraginta, quodd Deus Israëlitarum contumaciæ domandæ constituit & præfixit, quo illi interim ut exules in deserto vagabantur, & in tabernaculis habitabant.

VERSUS XI.

*Loquutus sum per prophetas, & visiones multiplicavi: & ministerio Prophetarum similitudines proposui.*

**S**tudium suum in sanando populo & ad frugem reuocando, & contra populi contumaciam & ingratitude, qui tantum beneficium contempserit, exponit Deus.

Z Affir.



Affirmat enim se hoc sedulò per Prophetas agere, vt eos in viam reuocet. Vnde nobis ministerij dignitas commendatur, vt quod salutis nostræ organon sit: & simul verbi contemptus reprehenditur.

*Visiones multiplicavi.*] Id est, multis & crebris multorū Prophetarum concionibus eos admonui, & admoneo quotidie officij. *visio* enim in genere cū alibi, tum hoc loco concionem propheticam significat.

*Similitudines proposui.*] Eiusdē sententiæ repetitio est. Phrasim autem ex prophetica docendi ratione sumpta esse videtur. Illi enim Prophetæ non tantū simplici oratione populum docebant & admonebant, sed etiam similitudines, imagines, typos, allegorias, & omnis generis argumenta & ornamenta adhibere solebant: vt ita doctrinam quasi ad viuum depictam, crasso, stupido, & peruicaci populo oculis spectandam proponerent. Atque ita orationem & docendi genus ad caprum suorum auditorum, quod prudentiæ est, Prophetæ accommodarunt. Hoc ergo obiter contra eos qui orationem propheticā, vt rudem & impolitam esse arbitrantur, obseruandum est. De quo plura in argumento, cū de oratione prophetica ageremus, diximus.

## VERSUS XII.

*An in Giliad est iniquitas? Certè vanitas sunt: In Gilgal boues immolant etiam altaria (cumulant) vt acervos in sulcis agrorum.*

**P**opuli idololatria contra Propheticas admonitiones instituta & frequentata taxatur.

*In Giliad.*] Synecdochicis pro toto regno Israëlitico pars poni videtur: vide sup. cap. 6. v. 8.

*vanitas.*] Vani: id est, flagitijs & sceleribus, & imprimis idololatria polluti. Est autem Enallage. Vide phrasas substantiuorum.

*In Gilgal.*] Videntur Gileaditæ soliti esse in Gilgal proficisci,



cisci, ut ibi Deo sacra facerent: idq; regum Israëlitarum mandato atque instituto, ne si in sua regione, quæ ultra Iordanem sita erat, templum haberent, & ad sacra facienda convenirent, facile à regibus suis deficerent: vide sup. cap. 4. v. 15. & cap. 9. v. 15.

*Vt acervos.]* Scilicet lapidum, qui in solo lapidoso, ex agris ab agricolis colligi solent, ac temerè in acervos congeri. Per acervos igitur altaria innumera & infinita intelliguntur.

## VERSUS XIII.

*Et fugit Iacob in regionem Syria, & servivit Israël pro uxore, & pro uxore custodivit (gregem.)*

**I**acobi à quo proximè originem duxerunt Israëlita humilitas, inopia, & miseria, à Propheta populo inculcatur. Ut ita superbiam prætextum ipsis adimat Propheta, & eos modestiæ admoneat, & gratitudinis erga Deum, qui eos tam tenui & obscura origine ortos, tanta dignitate & gloria cumularet & ornaret. Illi quidè de nobilitate & excellentia Iacobi tantoperè se iactarunt, ut reliquas omnes gentes præ se contemnerent, & Deum ipsum ita sibi obstrictum habere putaret, ne ipsos unquam abdicare aut rejicere posset: Contrà igitur affirmat Propheta Iacobum patrem ipsorum, hominem miserum, contemptum & erumnosum fuisse, qui carnaliter nihil ab alijs differret, sed multis alijs inferior & miserior esset, ac proinde non esse quod eum Deo quasi opponerent, qui ex mera gratia & patrem Iacobum, & filios Israëlitas adoptasset, quiq; facillimè cum velit rursus abdicare possit, & cum merentur omnino etiam velit.

Ut igitur suprà v. 5. & 6. Iacobi fides & pietas populo ad imitandum proposita est: ita hinc eiusdem humilitas proponitur, ut inde & sese, & Dei erga se beneficium discant. Commemorat autem Propheta tria humilitatis & miseriæ Iacobi genera seu argumenta, unde reliqua omnia intelligi facile possunt.

Z 2 Fugit



*Fugit Iacob.*] Prima humilitatis species, & argumentum, fuga & exilium, cuius rei historia legatur Gen. 27. & 28. cap. Capite autem 32. dicitur, quod nihil præter baculum è domo paterna secum asportarit, cum in Syriam transfugeret.

*Et seruiuit Israël.*] Altera miseriæ species, nempe seruitus apud Labanum auunculum, idq; pro vxore, quæ aliàs liberaliter dari solet.

*Israël.*] Alterum Iacobi nomen est, de quo vide Gen. 35. v. 10.

*Custodiuit.*] Scilicet Gregem auunculi. Estq; tertia miseriæ & humilitatis species: vide cap. 29. Gen.

## VERSUS XIII.

*Sed per Prophetã eduxit Iehoua Israëlẽm ex Aegypto:  
& per Prophetam custoditus est.*

**H**umilitati carnali & humili Israëlitarum origini Dei peculiare beneficiũ opponitur, quo libertas & dignitas vera, populo conciliata est: nempe gratia & misericordia diuina, & ex ea profecta, miraculosa ex Aegypto liberatio & redemptio per Moſen Prophetam seruum Dei. Vnde merito soli Deo omnẽ libertatem & dignitatẽ suam soli Deo acceptam referre populus debuit, eumq; proinde solum sine alijs Dijs & idolis colere.

*Per Prophetam.*] Id est, per Moſen *ex. 8. 10.*

*Custoditus.*] Scilicet Israël. Alludit autem ad versum proximum: q. d. Iacob miser seruus, pastor & custos pecudum erat in Syria, verum posterius eius per Moſen quasi per pastorem diuinitus excitatum, & ad eos missum ex Aegypto ducti, & in deserto quasi pecudes custoditi sunt.

## VERSUS XV.

*Sed irritauit Ephraim Dominum suum idolis, ideoq;  
grauissimè eum puniet, & ut dignus est, remunerabitur.*

**I**rritauit.] Querela est de peccato idololatriæ, & summa populi ingratitudine, pro summo Dei beneficio.

*Dominus*



*Dominum suum.*] In Hebræo hoc verba hoc loco non sunt, sed ex fine versus sumuntur: vide Ellipsis antecedentis.

*Idolis*] In Hebræo *amaritudinibus* est: id est, idolis quæ Deo ingrata sunt, & hominibus perniciem afferunt.

*Ideoq;*] Pœnæ comminatio. In Hebræo est: *Ideo sanguis eius super eum defundetur*: id est, pœna capitali & extremo supplicio afficietur. Sanguis enim aliàs scelus capitale, aliàs supplicium capitale significat.

*Et ut dignus est.*] Hebraicè est: *Et opprobrium eius reddet ei Dominus eius*: id est, pœnas probro & dedecore, quo idolis colendis se affectit, & polluit dignas, ei infliger. Et in his verbis anomalia etiam numeri est. Reddet ei Domini eius, pro Dominus eius. Vide phrasas substantiuorum, & numeri Enallagen.

## CAPVT DECIMVM TERTIVM.

### VERSVS PRIMVS.

**C***VM loquitur Ephraim, tremitur, adeo sublimis est in Israël: & tamen per Baal deliquit & morietur.*



*VM loquitur.*] Primùm commemorat dignitatē qua Deus tribum Ephraim præ reliquis ornat, quòd ex ea tribum delegisset, eumq; potentia & autoritate instruxisset, quæ alijs formidabilis esset, & terrorē incuteret. Ex ea enim tribu Hieroboā primus rex Israël erat, vt suprà aliquoties dictum est.

*Et tamen.*] Peccatum idololatriæ taxatur, quod Hieroboā vitulos adorandos publicè proposuerit, simulq; querela est de idololatria.

*Baal.*] autem hoc loco generaliter accipitur pro idolis, & quouis idololatriæ instrumento.

*Et morietur.*] Pœna est, nēpè tribus Ephraimiticæ, & regni

Z. 3 totius



totius excidium & vastatio. Simulq; collatio est potentiae humanae & potentiae diuinæ: q.d. nihil vel tribui vel regno ea potentia profutura est, qua nunc gaudet, cum Deus iudicium exercere ceperit: vnde apparet regni omnis & potestatis fundamentum & solidum praesidium esse veram pietatem & obedientiam erga Deum.

## VERSUS II.

*Nunc etiam amplius peccant, & faciunt sibi conflatilia ex argento suo, & pro ingenio suo statuas, quae omnia fabrilia sunt opera: de ipsis autem vitulis dicunt homines qui sacrificant, vitulos osculantur.*

**Q**uod duobus ferè verbis primo versu expressit, id nunc duobus versibus repetit & amplificat: ac primum peccati repetitio & amplificatio est, ad totum populum accommodata, quod videlicet is exemplum regis Ieroboami sequens, non desinat vitulos ab eo primum institutos colere & venerari: & indies noua idola & idololatricae instrumenta cumulare.

*Nunc etiam amplius pecc.* ] Id est, peccata peccatis cumulant, & idola idolis addunt, &c.

*Et faciunt sibi conf.* ] Idolorum fabricationem amplificat, & simul idola Deos non esse ostendit, à causa efficiere & materia. Efficiens est, cum ingenij humani inuenta & fabrorum opera dicantur. Materia est, cum ex argento fieri dicantur. Per argentum autem reliqua omnis materia intelligitur.

*De ipsis autem (vitulis) dicunt.* ] Id est, approbant cultum vitulorum à Ieroboamo institutum, eumque strenuè exercent, vt ordo rerum inuersus sit: Prius enim erat approbare, postea rem augere & cumulare. In Hebræo autem vitulis subintelligendum est.

*Homines.* ] Id est, quicumque ritè sacrificare, & Deum colere volunt, illi vitulos exosculentur: id est, studiosè colant, vt sit cohortatio populi sese mutuò ad vitulos colēdos excitantis.



citantis. Osculum autem non tantum amoris, sed etiam subiectionis & reuerentiæ signum erat. Vnde dicitur Gen. 41.v.40. de Iosepho: Os tuū osculetur vniuersus populus meus: tantum hoc folio maior ero te: vide & 1.Samuel. 10.v.11. & Psal. 2.v.12. Vnde etiam osculum singularis inter idololatrias ceremonia fuit, vt reuerentię atq; adorationis signū: vt dicitur 1. Reg. ca. 19. vers. 18. Seruauī mihi septem millia, qui non curuarunt genua sua coram Baal, nec ore osculari sunt ipsum. Et apud Iobum cap. 31.v. 26. dicitur: Si vidi solem splendentem, & lunam præclare incedentem, non sum animo ita clam deceptus, vt ore meo manum meam oscularer: hoc enim esset Deum supremè negare. Per *osculum* autem hoc loco totus cultus idolorum & vitulorum significari videtur.

## VERSUS III.

*Idcirco erunt velut nubes matutina, & sicut ros matutinus abiens, & sicut palea quæ turbine propellitur ab area, & sicut fumus qui egreditur de fenestra.*

**P**OENA idololatriæ, nempè excidium regni, quod per Assyrios futurum erat, quatuor similitudinibus exprimitur & amplificatur. Scilicet *nubis, roris, paleæ & fumī*, quæ res omnes facillimè dissipantur, euanescent & pereunt. Duę autem priores similitudines ca. 6. v. 6. suprà fuere, sed ad peccatum, hypocrisin, & simulatam pœnitentiam adhibitę. Opponuntur autem hæ similitudines vanæ spei & fiduciæ præsidiorum humanorum, quibus freti Israëlitię comminationes propheticas contemnebant & deridebāt.

## VERSUS IIII.

*Ego autem sum Iehoua Deus tuus, è terra Aegypti, & Deum præter me non agnosceres, neq; seruator tibi præter me esse deberet.*

Rursum



**R**ursum verus Deus sese falsis opponit, & suū erga populum amorem & beneficium singulare prædicat, quo se peculiariter ei parefecit, eumque ex servitute Ægyptiaca miraculosè redemit, ut se solū verum Deum esse intellexeret, & solum deinceps coleret.

Ego autem.] Vide suprà cap. 12. v. 9.

Deum præter me.] Finis redemptionis agnitio & cultus Iehouæ veri Dei.

Non agnosceres.] In Hebræo est *nescis*: id est, non agnosceres aut coleres.

## VERSUS V.

*Et nouite in deserto, in terra sitibunda.*

**R**epetit eandem sententiam & ingratum suum beneficium inculcat & exprobat: vide sup. cap. 7. v. 13. & cap. 9. v. 10. & 11. v. 1.

Et nouite.] Id est, curavi, paui, defendi, seruavi, ut Psal. 144. v. 3. Quid est homo quod noueris eum. i. quod providentia, cura, & favore tuo eum complectaris.

In terra sitibunda.] Amplificatio à loci circumstantia, in quo rerum omnium ad vitam tuendam necessariarum penuria fuerit.

## VERSUS VI.

*Et in pascuis tuis saturati sunt: & elatum cor eorum, ideoque mei obliti sunt.*

**Q**uerela est de populi ingratitude, qualis & apud Moysen, cum alibi, tum Deut. 32. vers. 15. est. Et impinguatus est Israël, & recalcitrauit.

In pascuis.] Pascua vocat ipsam terram Israël, in quam postquam introducti sunt, obliti sunt priorum Dei erga se beneficiorum, & ab ipso Deo ad idola defecerunt.

## VERSUS VII.

*Ero itaque eis tãquam Leo: & sicut Pardus iuxta viam tritam.*

VERO



*Occurrā eis tanquam vrsus orbatuſ: & dilacerabo  
præcordia ipſorum & deuorabo eoſ ibi velut Leo,  
quaſi beſtiæ agreſtes diſcerpam eoſ.*

**R**urſum peccato pœna ſubiungitur: quæ iterum ſimilitudinibus pulcherriſ ſiguratur, quarum occaſio ex proximo verſu ſumitur, vbi populuſ tacitè pecudibus collatuſ eſt. Vt igitur, inquit Deuſ, Leo, aut parduſ, aut vruſ, aut alia quæuiſ beſtia crudeliſ ouiculā naſtuſ eā diſcerpit, dilacerat ac deuorat: Ita ego in populuſ hunc rebellem & contumacem irruā, eoſq; vno impetu perdam.

*Sicut pardus.*] Vide ſuprà cap. 5. v. 15. vbi ſimiliſ ferè locuſ fuit, & plura de hac voce diximuſ.

*Viam tritam.*] Sic Pagninuſ. Alij vertunt parduſ in via graſſant. Alij in via Aſſyriæ, cū videlicet captiui in Aſſyriam abducuntur. Sed eodem ferè ſenſuſ redit.

*Præcordia.*] In Hebræo eſt *clauſuram cordiſ*, vt vel intelligatur pinguedo, qua cor eorum obduceretur, ac proinde obtuſuſ & contumaciuſ eſſet. Vel vt hiſ verbis extremuſ periculuſ & moſ intelligatur quam leſo corde effugere non poterant.

*Quaſi beſtiæ.*] Genuſ ſpeciebuſ ſubiungit, vel quod ſibi antea tribuit Deuſ, hîc ad hoſteſ eorum, quos beſtiarū nomine designat, transfert: hoſteſ igitur ipſiſ pro leonibuſ, pardib; vruſiſ & beſtijs futuri eſſent.

*Perdidi te vituluſ tuuſ: ſed in me auxiliū tuuſ eſt.*

**P**œnæ cauſam reperit, nempe idololatriam. Eſtque quaſi occupatio: q. d. Si perieris non eſt quod id mihi aſcribaſ, ſed tibi. Ego enim te ſeruare, quā perdere mallem.

A a Perdi-



*Perdidit te.] Id est, perder. Subintelligendum autem est vitulus, aut peccatum, aut tale aliquid.*

## VERSUS X.

*Ero in perpetuum: rex tuus ubinam est, ut seruet te in omnibus ciuitatib. tuis: & ubi Iudices tui sunt, de quibus dixisti, da mihi regem & principes.*

## VERSUS XI.

*Dedi tibi regem in ira mea, & auferam rursum eum in furore meo.*

**S**pecialiter regibus Israël interitum minatur: per regum autem interitum, populi & regni totius excidiū significatur: vide sup. cap. 8. v. 4.

*Ero in perpetuum.]* Opponit Deus suam potentiam regum Israëlitarum maiestati & potentie.

*Alij vertunt: ubi rex tuus?*

*Dedi tibi regem.]* In Hebræo temporis Enallage est: dabo pro dedi.

## VERSUS XII.

*Ligata est apud me iniquitas Ephraim: reconditum est apud me peccatum eius.*

**D**eus se peccatorum populi memorem esse affirmat. *Ligata est & reconditum.]* Id est, quasi in crumena aut loculis asseruatur: q. d. maximè sum memor iniquitatis eorum.

## VERSUS XIII.

*Dolores parturientis venient ei: ipse est filius non sapiens: utiq; tempus erit cum nō consistet in pariendo angustia.*

**S**ignificat Israëllem graues & repētinas pœnas daturum, quas nullo modo effugere poterit: frequens autem est apud



apud Prophetas pœnas graues & repentinas partus similitudine exprimere.

*Ipse.]* Causa pœnarum est stultitia & peccatum, quo sibi pœnas accersant.

*Non consistet.]* Id est, obruetur quasi doloribus partus.

## VERSUS XIII.

*E manu sepulcri redemi eos, ex morte redimerem eos:  
esset pestis tua, ô mors, excidium tuum sepulcrum:  
sed pœnitentia abscondita est ab oculis meis.*

**E** manu.] Exponit Deus suum erga populum amorem, & ostendit se populum ab omnibus malis defensurum & liberaturum, si modò pœnitentiam ageret. Est itaq; dulcissima promissio ad totam Ecclesiam pertinens. Vnde & Paulus eam citat 1. Corinth. 15. v. 55. cum morti & inferno insultat. Per manum sepulcri, & mortem, calamitates & pœnas, & huius & futuræ vitæ intelligit.

*Esset pestis.]* Alij vertunt, ubi pestis tua, ô mors, vt supra v. 10.

*Sed pœnitentia.]* Obstinatam populi peruicaciam deplorat, quod nec minis nec promissionibus moueatur, vt pœnitentiam agat: q. d. non video populum pœnitentia affici.

## VERSUS XV.

*Cum ipse inter fratres creuerit admodum, veniet Eur-  
rus ventus Iehouæ è deserto ascendens, & secabit  
venam eius, siccabiturq; fons eius, ipse diripiet the-  
saurum omnium vasorum desiderabilium.*

**Q**uantumuis potens sit regnum Israël, tamen id perituum esse affirmat Propheta.

*Cum ipse.]* Scilicet Ephraim: id est, cum regnum Israël armis & opibus maximè instructum sit. In verbo autem Hebraico אֶפְרַיִם allusio est ad vocem אֶפְרַיִם.

*Eurus.]* Qui natura fœcus est, & ijs in locis vehementior

Aa 2 esse



esse solebat. Per *Eurum* autem seu ventum hostes, eorumq; imperum intelligit.

*Ventus Iehouæ.*] Id est, vel ventus vehementissimus, quomodo montes Dei dicuntur Psal. 36. v. 7. vel quod hostes quasi venti diuinitus excitati sint.

*E' deserto.*] Id est, vel plaga orientali: vel quod ventus is terram reducturus esset in solitudinem, & desertum.

*Venam eius.*] Regnum comparat fluuio, qui exhausto fonte interit.

*Ipsæ.*] Scilicet hostis seu prædones Assyrij.

*Thesaurum.*] Preciosa omnia.

## VERSUS XVI.

*Desolabitur Samaria quia rebellauit in Deum suum, gladio cadent (ciues eius) infantes eorum allidentur, & grauida descendentur.*

**Q**uod figuratè proximè dixit, nunc propriè exponit, nempe regnum Israël prorsus periturum & ab hostibus deuastandum esse. Estq; hic versus quasi summa & conclusio omnium concionum Hoseæ.

*Samaria.*] Id est, totum regnum Israël: vide suprà cap. 1. v. 4. & 7. vers. 1.

*Quia rebellauit.*] Breuiter causa excidij repetitur.

*Infantes.*] Summa hostium crudelitas significatur.

CAPVT DECIMVM  
QVARTVM.

## VERSUS PRIMVS.

**C**onuertere Israël ad Deum tuum: quoniam corruisti per iniquitatem tuam.

HACTE-





ACTENVS ab initio capitis duodecimipars prior concionis sextæ & vltimæ fuit, nempè concio legis: sequitur nunc pars altera, nempè concio gratiæ & misericordiæ ad finem vsque capitis: vt autem concio legis longissima fuit à versu 4. capitis sexti, ad finem versus septimi, capitis vndecimi: Ita hæc post eam quæ cap. 2. v. 14. & deinceps fuit, omnium consolationum Hoseæ longissima, vberissima, & dulcissima est. Quare nūc post cōminationum multa & varia fulmina, serenitas & quasi portus apparet: id est, dulcissima cōsolatio proponitur, qua concionibus suis omnibus finem imponit Propheta, vt in ea tāquam in portu, pij & sanabiles omnes tum in eo populo, tum in tota Ecclesia acquiescant.

Ordo autem in hoc capite perspicuus est: quare non est negligendus, sed in ipsa enarratione membrorum indicandus, ita enim id breuissimè fieri potest, id tamen hīc obseruādum est, caput hoc Prophetæ verbis inchoari, & eijsdem etiam claudi, in medio autem pulcherrimum esse dialogisimum populi & Dei mutuo colloquentis.

In primo igitur versu adhortatio est ad pœnitentiam agendam verbis prophetæ proposita, vnde intelligi potest omnes comminationes & promissiones intelligendas esse cum conditione pœnitentiæ, vt suprā etiā monuimus cap. 1. v. 11. & cap. 2. v. 14. & cap. 3. v. 5, &c. ac proinde cū regnū Israël ab Assyrijs vastatum sit, & decem tribus nunquam ab exilio redierint, intelligi potest, maximam populi partem in idololatria & peccatis contumacem mansisse, interim tamen gratia & misericordia omnibus proponitur, vt & pauci pij qui multitudinis exemplum non sequerentur, consolationem haberent, & qui sanabiles essent, in ipsis etiam calamitatibus exilij & captiuitatis de gratia Dei nō desperarent, sed ad misericordiam confugerent, eiusq; spe & fiducia se sustentarent.

Ad Iehouam.] Omisiss scilicet idolis, peccatis & sceleribus.

Aa 3. Corru-



*Corruisti.*] Id est, corrueris seu periturus es. Quare si pœnam & periculum effugere vis, maturè tibi resipiscendum est.

Vel sensus etiam est, *Cùm corrueris.* i. ubi in pœnis exilij & captiuitatis hæseris, vel tunc pœnitentiam agas.

*Iniquitatem.*] Id est, idololatriam præcipue, tum & alia flagitia.

## VERSUS II.

*Sumite vobiscum verba & cōuertimini ad Iehouam,  
dicite ei, omnem condona iniquitatem, da bona &  
reddemus vitulos labiorum nostrorum.*

**P**ergit in exhortatione, & simul quæ sit veræ pœnitentiæ agendæ ratio ostendit.

*Sumite vobiscum.*] Videtur ordo verborum inuersus esse, pro *cōuertimini ad Iehouam, & sumite vobiscum verba, & dicite, &c.* In verbis igitur reuertimini repetitio est ad vim exhortationis augendam.

*Verba.*] Id est, preces. Precatio igitur germanum pœnitentiæ adiunctum est.

*Et dicite.*] Sequitur iam forma pœnitentiæ & precatationis, verbis quasi populi expressa, & ad vsum accommodata. Estq; hîc populi cum Deo colloquentis, & veniam perentis oratio, & Dialogismi pars prima.

*Omnem condona.*] Prima pœnitentiæ pars vt hîc exprimitur, agnitio & confessio peccati, & simul petitio veniæ, & mitigationis pœnarum & calamitatum. Vera autem peccati agnitio cum serio dolore coniuncta est.

Hebraicè est: *Aufer seu tolle iniquitatē.* i. cōdona. Phrasis autē sumpta est ex Exod. ca. 34. v. 7. vnde & apud Iohannem dicitur: Ecce agnus Dei qui tollit seu aufert peccata mundi.

*Da bona, seu benefac nobis.*] Altera pars est nempe fiducia & petitio gratiæ & misericordiæ diuinæ, & expectatio omniū beneficiorum, & benedictionum diuinarum inde proficiscendum, & in hac terra, & in æterna vita.

In Hebræo est *accipe bonum, pro, da bona.* Psalm. 68. v. 19.  
dici-



dicitur: Accepisti dona pro hominibus: id est, dedisti dona hominibus, vt Paulus ad Eph. 4. interpretatur.

*Et reddemus uirtutes labiorum nostrorum.*] Tertia pars pœnitentiæ est, gratitudo & vitæ totius nouitas. Reddere enim uirtutes labiorum, est Dei gratiam, misericordiam, & beneficia omnia non tantum animo tacite agnoscere, sed etiam voce publice prædicare & celebrare, & uirtutes labiorum sunt uera sacrificia, nempe inuocatio veri Dei, confessio veræ doctrinæ, gratiarum actio pro beneficijs, & uera tandem cordis obedientia, vt dicitur, ad Hebræos 13. v. 5. Quare hac phrasi uera gratitudo ab hypocritica discernitur: hypocritæ enim Deo satisfactum esse putant, si sacrificia saltem externa cumulent, parum interim de animi gratitudine solliciti. Sic Psal. 51. v. 5. dicitur: Domine labia mea aperijs, & os meum annuntiabit laudem tuam, quoniam non vis sacrificium.

## VERSUS III.

*Assur non seruabit nos, equos non conscendemus, & nō dicemus amplius operibus manuum nostrarum: Dñi nostri estis uos, quia per te misericordiam cōsequetur pupillus.*

**C**Um gratitudine coniungitur, & clariùs iam exprimitur vitæ totius nouitas. Neque enim satis est uerbis Deo gratias agere, sed in tota uita gratitudo erga Deū lucere debet. Ea autem consistit in peccato fugiendo, & officio faciendo.

*Assur.*] Peccata fugienda commemorat, & damnantur eaque præcipue, quibus hactenus maximè Deum offenderat, nempe idololatria & fiducia humanorum præsidiorum, quorum alterum Ecclesiæ, alterum rerum pub. peccatum uisitatum est. Per hæc tamen duo peccata, alia omnia intelligi possunt.

*Assur.*] Fiducia hominum principum, præsertim regum, qua ab Assyrijs, Ægyptijs, & alijs profanis populis, potius quam



quam à Deo auxilium & defensionem expectarēt: vide sup. cap. 7. v. 11. & cap. 12. v. 1.

Sensus est: Deinceps in regibus Aſſyrijs, aut alijs ſpem non collocabimus. Verbum enim ſæpè opinionem & iudicium includit.

Equos.] Fiducia humanorum præſidiorum eſt: q. d. non in equis, armis, opibus, aut alijs præſidijs ſpem collocabimus. Equi enim præcipuè ad bellum adhibentur: vide cap. 1. v. 7. & Pſal. 20. v. 8. dicitur: Hi in curribus, hi in equis fidunt, nos autem nomen Iehouæ Dei noſtri memorabimus.

Neque dicemus.] Alterum peccatum, nempe idololatria, non dicemus: id eſt, non vltra idola colemus, neq; ea pro Dijs habebimus.

In Hebræo hyperbaton eſt: Non dicemus amplius Dij noſtri uos eſtis, operi manuum noſtrarum.

Quia per te.] Pro Antitheſi ratio tantum antitheſeos ponitur. Sententia enim requirit hanc Antitheſin, Sed te ſolum pro vero ſeruatore & vero Deo colemus, & in te ſolo ſpem omnem collocabimus. Sed ratio tantum, vt dixi, huius ſententiæ exprimitur.

Quia per te miſeric. conſe. pupilli.] Id eſt, quia ex te ſolo, ſalus noſtra & omnium miſerorum pender. Tu ſolus pupillis: id eſt, miſeris, afflictis, & laborantibus hominibus, & ad tuam gratiam & miſericordiam confugientibus, opem & auxiliū ferre potes & ſoles, non homines, nec idola.

Appellatione & conditione pupillorum, Eccleſia non tantum populi Iſraël exulis & captiui, ſed omnium temporum & populorum exprimitur. Vt enim pupilli conſilio & uiribus ipſi carent, & tantum ex conſilio & ope aliorum pendent: Ita eccleſia rarò inſtructa eſt opibus, potentia, uiribus, conſilijs, quibus iniuſtā vim & arma hoſtium à ſe depellere poſſit: ſed verè eſt pupilla ab omnibus deſerta & deſtituta, cui ſolus Deus tutor & deſenſor eſt. Sicut dulciſſimè dicitur Pſal. 10. v. 14. Tibi relinquit cauſam ſuam pauper, pupillo tu es adiutor.

VER-



*Sanabo auersionem eorum, diligam eos liberaliter: & auertetur furor meus ab eo.*

**D**Vobis proximis versibus populi pœnitentia agentis sermo & precatio ad Deum fuit: sequitur nunc Dei respōsio, & liberalissima gratiæ & misericordiæ promissio, quæ dialogismi pars altera est, ad finem versus penultimi durās. Atque hæc promissio, voce Dei proposita: q. exhortationis propheticæ argumentum est.

Deus promittit se resipiscētibz veniam daturum, & ope & auxilio affuturum, Ergo ô Israëlitiæ resipiscite.

Hæc autem promissio pluribus inculcatur & amplificatur, & sex ferè versibus, vt magis ea auditores moueat. Vt enim difficile est homines peccato quasi mandragoræ indormientes excitare, eosq. concione legis commemoratione, iræ diuinæ, & pœnarum confirmatione eò perducere, vt peccatum suum agnoscant & damnent ipsi: Ita contra difficile etiam est, eos qui sensu iræ diuinæ tanguntur, præsertim qui iā in pœnis hærent, ita erigere & confirmare, ne de gratia Dei & venia desperent. Sicut igitur conciones sæpè repetitas inculcauit Propheta: Ita nunc etiam promissionem hanc dulcissimam subinde repetit & inculcat, vt magis animum auditorum subeat.

*Sanabo auersionem.*] Summa est sequentis responsionis & promissionis.

*Sanabo, &c.*] id est, condonabo peccatum, pœnas mitigabo, & quasi pristinæ sanitati vos restituam, ac bonis tandem spiritualibus & corporalibus vos cumulabo. Auersio igitur & peccatum ipsum, nempè contumaciam & rebellionē, & pœnas peccati Metonymicis significat, Et populus egrotus, Deus autem Medico comparatur.

*Diligam eos liberaliter.*] Causa & modus sanationis. Iræ enim auersio, est peccati & offensæ condonatio, & pœnarum mitigatio. Dilectio autem est fauor & amor Dei gratuitus, quo

Bb non



non solum iustitia gratis imputatur, sed etiam resipiscences Spiritu Dei sanctificantur, & regenerantur, & tandem bonis, & benedictionibus omnibus spiritualibus & corporalibus seruantur & cumulantur. Vox autem *liberaliter*, fauorē gratuitum significat, qui merita excludit, vt sit quasi occupatio quædam contra populi desperantis & de indignitate sua cogitantis obiectionem: q. d. Et si illi grauissimè peccarunt, nec vllā gratiam meriti sint: Tamen ego sponte mea ipsis peccata remittam, & deinceps eos diligā. Simul tamē etiam fauoris gratuiti magnitudinem ea vox denotare potest. In verbis autem *auersionis*, & *auertetur*, allusio quædam est ad vocem conuertere.

## VERSUS V.

*Ero velut ros Israël, florebit quasi lilium: & aget radices suas quasi Libanus.*

**N**unc dilectionem suam Deus ab effectis commendat & amplificat. Atque hic specialius à Deo respondetur ad precationis verba illa, da bona. Commemorat enim nunc Deus quæ bona populo daturus sit, & quanta eius post futura sit felicitas. Cum autē hæc nunquam Israël corporaliter contigerint, necesse est vt magis spiritualiter de Ecclesia & regno Christi intelligantur. Cuius Ecclesiæ felicitas in hac vita inchoatur, in æterno autē cōsumabitur: vt diximus suprā, cap. 2. v. 13. Est q; proinde hoc loco pictura Ecclesiæ præcipuè quod ad dona spiritualia attinet.

*Ero velut ros.*] Comparat Deus Israël herbæ, aut arbori, iam marcescenti, se autem rori, qui vitam & vigorem ei restituat. Incredulis & obstinatis minatus est Deus cap. 9. v. 16. futurum esse vt radix eorū prorsus exaresceret. Et proximo cap. v. 15. futurum dixit, vt vena eorum exhauriretur. Nunc contrā resipiscantibus futurum promittit, vt quasi stirpes semimortuæ reuiuiscant, cum videlicet Deus per verbum & spiritum sanctum resipiscences recreat, vt quæ hactenus steriles & aridæ fuere, & ad fructus ferēdos inutiles, deinceps



deinceps viuificati nouas vires recipiāt & fructus gratissimos abundè ferant.

*Florebit quasi lilium.*] Comparat populum felicem lilio, & populi felicitatem lilij pulchritudini & fragrantiae: Lilium enim aspectu iucundum est, & odorem latè spargens suauitate homines recreat: vide Cant. 2. v. 2.

*Aget radices.*] Id est, non tantum erit felix, sed etiam felicitas illa perpetua erit & aeterna. Atq; hanc speciem quadam correctionis habere videtur. Cum enim populum antè lilio comparauerit, ne quis inde colligeret eam felicitatem momentaneam futuram vt flores citò marcescunt, etiam nunc arbori populum eundem comparat, quæ altè radices in terra egit, ac proinde non facilè euellitur, aut euertitur, sed diutissimè durat & viuit. Nulla igitur tanta tempestas aut calamitas deinceps erit, quæ Ecclesiam euertere poterit, etiam si omnia mundi regna conturbentur & corrueant. Similem ferè comparisonem vide Psal. 80. vers. 4. & Psal. 1. vers. 3.

*Quasi Libanus.*] Id est, arbores Libani mōtis. Libanus enim per Metonymiam pro arboribus ipsis ponitur. Quæ arbores cum essent altissimæ, etiam altè radices agere solabant. Libanus autem mons erat qui terram sanctam à Phœnicia separaret. Hæc de quinto versu.

## VERSUS VI.

*Defundent se rami eius, erit instar oliuæ decus eius, & fragrantia eius instar Libani erit.*

**D**efundent se.] Dixit felicitatem Ecclesiæ stabilem futuram, nunc eandem quotidie auctam iri affirmat. Vt enim radices stabilitatem: ita ramorum propagatio felicitatis incrementum significat. Tota autè Ecclesia subinde felicio & augustior sit, quia & nouis subinde donis diuinitus ornatur, & indies plures ad eam accedunt, non aliter atque rami in arboribus quotannis magnitudine & numero crescunt.

Bb 2 instar



*Inftar oliuæ.*] Fœcunditas Ecclesiæ specialiter significatur quod multis quasi liberis procreatis, futura sit frequentissima. Aliàs enim ob fertilitatem & copiam fructuum celebratur vt Psalm. 52. v. 10. Sicut oliua fructifera in domo Dei: & Psalm. 122. v. 3. Filij tui erunt sicut nouellæ oliuarum.

*Et fragrantia eius ut Libani.*] Fama Ecclesiæ & nominis celebritas his verbis significari videtur: q. d. felicitas Ecclesiæ per totum orbem celebrabitur: & glorificabitur, qui populum suum tam excellentibus donis ornârit: vt dicitur Psalm. 148. Non fecit taliter vlli nationi.

*Vt Libani.*] Id est, vt arborum Libani. Sicut paulò ante. Libanus enim arbores profert odoriferas, vnde & mons ipse & arbores suauissimum spirarunt odorem.

## VERSUS VII.

*Recreabuntur qui sedent in vmbra eius, viuificabunt  
se vt frumentum, & germinabunt tanquam vitis,  
memoria eius tanquam vini Libani.*

**Q**Uod duobus proximis versibus de tota Ecclesia, eiusq; felicitate in genere dixit, id nunc ad singula Ecclesiæ membra accommodare videtur Propheta. Estq; proinde hîc brevis superiorum repetitio.

*Recreabuntur.*] Comparauit Propheta totam Ecclesiam arbori proceræ, frondosæ, & patulæ quæ longè lateq; ramos diffundat, & radices altas agat: Nunc igitur singulos pios comparat ijs, qui sub arbore frondosa vmbra captant, quæ se vel ab æstu Solis defendant, aut æstu fatigatos se recreât: *umbra* igitur hoc loco significat consolationem, quæ in Ecclesia & Euangelio proponitur de remissione peccatorum, imputatione iustitiæ, donatione vitæ æternæ, calamitatum mitigatione, & defensione diuina, &c. Affirmat igitur in sola Ecclesia vmbra hâc inueniri, eosq; proinde solos tuto ab æstu Solis, & omnibus malis futuros, qui sub Ecclesiæ vmbra se receperint, nec ab ea vmbra vnquâ reuocauerint.

In He-



In Hebræo est *reuertentur*: id est, ad se redibunt, sentiēt refrigeriū, quo suauiter reficientur & recreabuntur: vt Psal. 19. v. 8. Lex Domini immaculata, redire faciens. i. recreans. & Psal. 23. v. 3. Animam meam faciet reuerti. i. consolabitur.

*viuificabunt se.*] Propter particularem Ellipsin sensus ambiguus est. Duplici autem modo ex loci peristasi hæc accipi possunt.

1. Viuificabunt se quasi tritico seu frumento: vt sit penè idem quod precessit, vt significetur viriū quasi ex fame collapsarum instauratio. Vt enim æstus ita & fames & quidem multo magis vires debilitat: q. d. vt homines famelici vires tritico seu cibo instaurantur: Ita resipiscētium vires diuina consolatione instaurabuntur.

2. Viuificabunt se quasi triticū sese viuificat. Vt pij cōferantur granis tritici seu frumenti, eorumq; copia & fecunditas tritici seu frumenti fecunditati: q. d. vt ex vno frumēti grano, multa prouenire solent: ita Deus sua benedictione piorum numerum subito acturus est, & quasi ex vno pio innumera piorum soboles pocreetur.

*Et germinabunt ut uitis.*] Vt suprà Ecclesiæ fœlicitatem comparatione lilij & arboris frondosæ expressit: ita nunc singulorum fœlicitatem vitis comparatione exprimit. Vt vitis inquit generosa & fructifera suauissimo fructu abundare solet: ita pijs donis Dei vndiq; beat & felices erunt. Simul etiam in hac fœlicitate, fertilitas & fructuum bonorū qua redundant copia comprehēditur, & hac similitudine exprimitur. Vnde ad Tit. 3. v. 14. Discant & nostri bona opera obire, vt non sint infrugiferi.

*Memoria ut uini Libani.*] Id est, tam grata & suavis erit memoria piorum apud alios, quàm gratum & suaue est vinum Libani, eiusque odor & fragrantia. Vel tam celebres erunt pij in Ecclesia, ob fœlicitatem & benedictiones Dei, quàm celebre est vinum quod in Libano nascitur. In Libano enim vinum laudatissimum proueniebat, quod Græci & Romani etiam celebrarunt, *Baritium* & *Tyrium* appellantes

Bb 3 deno-



de nomine portuum ex quibus portabatur. Item sicut vinū generosum quale est quod in Libano nascebatur maximè fert ætatem: ita memoria piorum perpetua erit, nec vnquā extinguetur: vt Psal. 112. v. 6. dicitur: In memoria æterna erit iustus.

In voce autem Eius Numeri mutatio est, pro, eorum.

## VERSUS VIII.

*O' Ephraimita quid mihi amplius erit cum idolis? ego exaudiam & respiciā te, ego ero tibi sicut abies viridis, ex me fructum percipies.*

**P**ostremus est responsionis diuinę & promissionis versus, quo promittit Deus se ita cum populo acturum, vt re ipsa intelligat, ipsum solum omnis boni autorem & fontem esse: nihil autem esse in idolis præsidij aut auxilij, nec boni quicquam proficisci ab eis. Ac proinde se solum sine idolis deinceps colendum esse, affirmat.

*O' Ephraimita.*] Id est, efficiam beneficijs meis erga vos, vt deinceps non colatis idola mecum, nec quicquam mihi deinceps cum idolis commercij sit & negotij.

*Ego exaudiam.*] Beneficia Dei exprimit, quibus & sese verū Deum esse, & idola non esse Deos ostēdere & probare vult Deus. Verbo autem *exaudiendi*, *respiciendi* seu *defendendi* omnia diuinæ providentiæ & amoris beneficia intelliguntur: quod cum senties & intelliges te à me solo, non ab idolis exaudiri, defendi & iuuari.

*Ero tibi ut abies.*] Id est, abies perpetuò virer, & viuit, ita ego sum Deus viuus & æternus, qui vos amore perpetuo complector. Vtque abies umbram in æstu præbet: ita ego defensionem & auxilium cum opus est, præstabo. Abies igitur virens opponitur lignis & lapidibus vnde idola fiebāt, quę & mortua, & ad iuuandū prorsus inefficacia essent.

*Ex me fructum.*] Modò abieti arbori frondosæ, sed sterili comparauit se Deus, nunc igitur arbori felici & fructiferæ  
se com-



se comparat: quæ in magna copia fructum fert: q. d. Deus, nō solum vmbra perpetuam & defensionem vt Deus viuens & æternus præstabo, sed etiam omnis generis beneficijs vos ornare & cumulare non desinam quæ ab idolis expectari aut proficisci nullo modo poterint.

## VERSUS IX.

*Quis sapiens est & intelligit ista? quis intelligens est vt cognoscat ea? quia rectæ sunt viæ Iehouæ, & iusti ambulabunt in ijs: prauaricatores verò corruent in ijs.*

**C**onclusio est non tantum præsentis concionis, sed omnium concionum Hoseæ. Estq; sententia omni gēma & vnione pretiosior, ac proinde diligentissimè obseruanda. Est enim cōmendatio doctrinæ cœlestis, simulque adhortatio ad ardens doctrinæ eius studium.

Qua primū aduersus impios & profanos doctrinæ cōtemptores quales multi aut pleriq; etiam inter auditores Hoseæ fuere, & semper in mundo sunt, doctrinæ autoritatem asserit.

Deinde pios hortatur & cōfirmare conatur, vt doctrinam hanc ipse & collegæ eius proponerent, amplectantur & discant, & amplexi, constanter retineant, & voce & vita profiteantur, nec exemplo profanorum ab ea deficiāt, aut eam contemnant: vide Psal. 119. vbi hic versus copiosè enarratur.

Simul autem hic consolatio est, qua Propheta se & alios consolatur aduersus scandalum paucitatis eorum qui verbum amplectuntur & ex eo vitam instituunt, cum maxima mundi pars & Deum ipsum & verbum eius securè contemnat. Affirmat enim futurum Propheta, vt quanquam hi multi sunt, tamen paucos sapientes esse, qui semper doctrinam cœlestem amplectantur & sequantur.

*Quis sapiens est?* Doctrinæ commendatio & adhortatio ad studium doctrinæ per exclamationem: Simulq; votum est Prophetae, quo vt homines aliqui id faciant, optat, quod ipse



ipse hortatur Propheta. Si quis, inquit, sapiens est, aut sapientiae studiosus esse velit, amplectatur hanc doctrinam, in qua sola solida sapientia est, nec sequatur iudicium profanę multitudinis, quę suam sapientiam esse iudicat hanc doctrinam contemnere, & pro sua libidine omnia agere & facere. Est igitur argumentum ab excellentia & dignitate verbi: hęc doctrina sola veram & solidam sapientiam cōtinet: isq; solus sapiēs dici potest, qui in huius doctrinę studio assidue versatur. Ergo sapientis est hanc doctrinam discere, & omnibus alijs doctrinis pręferre. Vnde Deut. 4. v. 6. dicitur: Hęc est sapiētia vestra & intelligentia vestra coram omnibus populis, &c.

*Intelliget ista?*] Id est, studebit intelligere, & ex eo vitam instituere.

*Quis est?*] Repetitio eiusdem sententię ad rei exaggerationem.

*Quoniam rectę sunt vię.*] Vias Iehouę vocat doctrinā ipsam, quę viam ac rationem Deum recte colendi, recteq; viuendi pręscribit has rectas esse ait, quod hęc doctrina nihil habeat erroneum admixtum, cū reliquę doctrinę varias habeant errores. Est igitur alterum argumentum.

Hęc doctrina sola pura & sincera est: quare diligēter discenda est. Vnde dicitur Psal. 119. v. 140. Admodum purus est sermo tuus, & seruus tuus diligit eum.

*Et iusti ambula. in eis.*] Iusti: id est, qui non perseverant contumaciter in peccatis, sed dociles sunt, & si labuntur, resipiscunt, & vitam ad pręscriptum doctrinę cōlestis instituūt.

*Ambulabunt.*] Id est, cūrsū sine impedimento & offēdiculo tenebunt, adeoq; perpetuō felices & beati erunt. Verbum enim *ambulandi* hoc loco impingendi seu corrūdi opponitur, & significat feliciter procedere, seu felicem esse. Est igitur hīc tertium exhortationis Argumentū. Quod hęc doctrina sola sui studiosos beatos efficit. Quare diligenter cognoscenda est. Vnde dicitur Psal. 119. v. 1. Beati immaculati in via qui ambulant in lege Iehouę. Et v. 165. Pax multa dili-



diligentibus legem tuam, & non est illis offensio.

*Præuicaciter.*] Id est, qui contumaciter peccant & in peccato perseverant, & doctrinam hanc contemnunt, quod ea ingenio cupiditatibus & affectibus ipsorum aduersetur.

*Corruent.*] Id est, iram Dei & penas grauissimas incurrent, adeoque tandem in æternum peribunt. Sic suprà *impingere* seu *corruere*, pro *perire* fuit, cap. 4. v. 5. & 14. v. 1.

Hoc ergo quartum est commendationis doctrinæ, & ad studium eius exhortationis argumentum, qui doctrinam hanc contemnunt, prorsus & omnino sunt perituri. Ergo nullo modo contemnenda est, sed potius diligenter discenda & cognoscenda. Vnde dicitur Psal. 119. v. 21. Increpa superbos, Maledicti qui aberrant à præceptis tuis. Et v. 119. Tanquam scoreas abijcis omnes impios terræ, ideo diligo testimonia tua. Et 155. procul ab impijs salus quia edicta tua non quærunt.

Quatuor igitur sunt in hoc dulcissimo versu Argumenta grauissima, diligentissimè obseruanda, quibus argumentis doctrina cœlestis & studium eius nobis commendatur.

I. Quòd hæc doctrina sola, solidam sapientiam cōtinet.

II. Quòd hæc doctrina sola, pura & perfecta sit, quæ nullos habeat errores admixtos.

III. Quòd hæc doctrina sui studiosos æternum beatos efficiat.

IIII. Quòd contemptores huius doctrinæ perituri sint, & perpetuò miseri futuri.

Moniti igitur hoc sanctissimo Prophete Hoseæ oraculo, & his grauissimis argumentis, tum conciones nostri Prophetæ, tum totam doctrinā cœlestem magnificamus, eamque sedulò discamus, & ad vsum in tota vita transferamus. Quod ut ab omnibus nobis fiat, Deum toto pectore oro.

Atque hætenus concionum Hoseæ Ennarratio grammatica fuit.

Cc REPE.



REPETITIO PRÆCIPVORVM  
LOCORVM SEV DO-  
ctrinarum Hoseæ.



VM plures sint conciones Hoseæ, quæ omnes eiusdem sunt Argumenti, ut uidimus, ac proinde res & sententiæ eadem in diuersis concionibus subinde repetantur: Nunc absoluta Prophetæ enarratione præcipuos locos & doctrinas ex concionibus Prophetæ, unum in locum breuiter colligam, ut magis adhuc à studiis obseruentur, & facilius ad usum transferantur.

Duo igitur sunt capita concionum Hoseæ, ut reliquorum Prophetarum, & Scripturæ totius, nempe Lex & Euangelium, seu doctrina legis & doctrina gratiæ.

Ad legem spectant hæc sequentia.

I. Et præcipue reprehendit Hoseas peccata populi Israël, contra primam tabulam, & in primis idololatriam, idq; passim per omnes conciones.

II. Idololatriam autem ait primo quod uittulos à Ieroboamo introductos, & Baalim ab Achabo, & alia etiam Idola colerent. Vittulorum mentio fit, ca. 8. v. 5. cap. 10. v. 5. cap. 13. v. 2.

Baalim autē ca. 2. v. 8. & 10. v. 14. Idolorū autem cap. 4. v. 17. & alibi passim.

III. Deinde quod idolis suis dona & bona quæ solus Deus daret accepta referrent: ut dicitur cap. 2. v. 5. Et cap. 8. v. 12, &c.

IIII. Præterea quod quouis loco extra templum Hierosolymitanum sacrificarent, ut dicitur cap. 4. v. 13. Super capita montium immolant, & super colles adolent, &c.

V. Idololatriam comparat adulterio: qua comparatione & sceleris turpitudinem, & iræ diuinæ magnitudinem exprimit. Vt enim adultera grauissimè in maritum peccat: ita populus idolis colendis grauissimè in Deum peccauit. Vtq; maritus adulterio uxoris grauissimè offenditur: Ita Deus etiam idololatria populi grauissimè offensus est. Atq; huc spectant cap. 1. 2. & 3.

VI. Comparat etiā eam ebrietati & insano amorì. Vt enim ebrietas & amor homines insanos reddunt: ita idololatria dementes facit homines, ut nullis admonitionibus sanari queant, sed cæci ruant, quo spiritus fornicationis eos impellit. cap. 4. v. 11. & 12.

VII. Idololatriarum in idolis colendis ardorem exprimit, cap. 7. v. 4. Omnes (inquit,) adulteria committunt, tanquam clibanus accensus à pistore. & v. 7. Omnes, inquit, æstuant quasi clibanus.

VIII.



VIII. Caussam efficientem idololatriæ unam esse affirmat, res secundas & ocium. Ca. 1. v. 6. Cum abundè pascere eos, cumq; saturati essent, eleuatum est cor eorum, & mei obliui sunt.

IX. Alterum peccatū contra primam tabulā, quod hic reprehenditur, est præsidiū humanorum fiducia præpostera, qua fretus populus cæcus se etiam Deo irato & inuito tutum fore à pœnis & calamitatibus, quas Propheta ijs minaretur, denunciaret & prædicerent existimauit. Itaq; non solum domi, se pecunia, armis & milite instruxerunt, sed etiam cum populis & Gētibus uicinis, profanis quidem, sed potentibus, ut Assyrijs & Aegyptijs fœdera fecerunt, & amicitiam eorum magno precio redimerunt.

Hæc autem fiducia præsidiū humanorum, non tantum per se peccatū erat, sed etiam aliorum peccatorum præsertim idololatriæ occasio & caussa fuit. Ex hac enim amicitia & familiaritate populi Dei cum Gētibus, populus paulatim mores & religiones gentium didicit, & in ipsarū gratiam etiā idola & multa ex ipsarū superstitiosis ceremonijs & ritibus sæpè receperunt. Atq; hac in re non rarò regna & respub. Christianæ etiam peccant: uide ca. 5. v. 13. & cap. 7. v. 8. & 11. Et cap. 8. v. 9. & 14. Et cap. 12. v. 12. Vbi dicitur fœdus cum Assyrijs faciunt, & oleum in Aegyptum portant.

Tertium peccatum est falsa populi de cultu Dei persuasio, quem cultum magis in sacrificijs & ceremonijs, quàm in uera Dei cognitione & celebratione, & officijs charitatis erga proximum consistere perperā existimabant, unde dicitur cap. 6. v. 7. Misericordiam uolo, nō sacrificium, & cognitionē Dei magis quàm holocausta.

Quartum est populi cæcitas, quod non intelligat.

1. Ex ligno non fieri Deum: ut ca. 4. v. 12. populus meus, lignum suum interrogat, & baculus eius respondet ei. Quia spiritus fornicationum seduxit eos.

2. Quod non intelligant à solo Deo bona omnia proficisci, & non ab idolis, cap. 4. v. 8. Ipsa nesciebat quod ego dedissem ei frumentum, uinum & oleum. Et cap. 11. v. 3. Non agnouerunt quod ego sanauim eos.

3. Quod non intelligerēt & agnoscerent se propter peccata affligi à Deo. Ca. 7. v. 9. Comedunt alieni robur eius, & ipse nescit, canities sparsit se in eo, & nō nouit. Vnde dicitur ca. 4. v. 4. Succiditur populus meus, eò quod sit absq; scientia.

Hæc autem cæcitas etiam idololatriæ ex parte caussa est, ut ca. 8. v. 14. Ex auro quod dedi ipsis, ipsi fecerunt Baal.

Quintum, Est securitas populi, quod nec Deum ipsum, nec irā eius, nec pœnas ab eo infligendas metuant. Ca. 7. v. 2. Cogitat in corde suo me maliciæ eorum non futurum memorem.

Sextum est uerbi Dei, & legis diuinæ contemptus, qui nō solum & ipse peccatū est, sed fons etiam est cum aliorum peccatorū, tum idololatriæ: cum mens humana

CC 1 in



in uerbo Dei non acquiescit, sed putat sibi licere de Deo opiniones fingere, & bono studio cultum instituere. Ca. 4. v. 6. Et oblita es legis Dei tui. Et ca. 8. v. 12. Scripsi ei honorabilem legem meam, sed tanquam res ab eo aliena reputata est.

Septimū. Populi contumacia & peruiacacia quod non uerbū tantū negligent & contemnant, sed etiam pertinaciter in peccatis perseuerent: ut dicitur cap. 1. v. 5. Quoniam nolunt cōuerti. Nec id solum, sed etiam uerbo sese opponunt, eiq; prophetis, atq; uerbi ministris reclamant, eosq; refutare & in ordinem redigere conentur, quod extremæ impietatis est. Ca. 4. v. 4. Nemo contendat cum hoc populo, nemo eum arguat: nam populus hic similis est contendentibus cum sacerdote: id est, cum ipsis sacerdotibus & prophetis contendit.

Octauum est populi erga Deum ingratitudo: quod pro summis beneficijs ipsi tam malam gratiam referat, quam ingratitudinem ut ostēdat Propheta, beneficia Dei in suis concionibus subinde inculcat, ut primū rerū corporaliū. Ca. 4. v. 8. Ipsa nesciebat quod dedissem frumentum, uinum & oleum. Secundō Spiritualiū: ut ca. 8. v. 14. Oblitus est Israël factoris sui. Et Ca. 1. v. 1. Cum puer esset Israël, dixi eum, & ex Aegypto uocaui filium meum. Hic enim gratuita populi eleētio.

Atq; hæc peccata primæ sunt tabulæ quæ Hoseas præcipuē reprehendit.

Peccata etiam contra secundam tabulam reprehendit (etsi parcius) ut cap. 4. v. 1. Disceptatio est Iehouæ cum habitatoribus terræ. Quia nulla est ueritas, nulla misericordia, nulla cognitio Dei in terra hac. Versu 2. Sed peierare & mentiri, occidere & furari, & adulterari, fregerunt septum legis, & sanguis sanguinē tetigit. Per hæc enim pauca, cætera omnia intelliguntur, & peccati reprehensio sic est.

Post peccati reprehensionem cōminatio est, qua nomine Dei pœnas & Reipub. calamitates populo Israël propter peccata comminatur Propheta. Et disertē prædicat futurum, ut regnum ab Assyrijs uasietur, & populus in Assyriā captiuus abducatur, nisi maturē resipiscant. Vt dicitur passim per omnes conciones, tum cap. 13. v. ultimo: Desolabitur Samaria, quia rebellauit in Deum suū, & 1. v. 5. Assur ipse erit rex eius.

Vniuersaliter autē imperia & regna, propter idololatriā, tyrannidem & libidines mutantur, & euertuntur, ut ex concionibus prophetis, & exemplis populi Dei apparet.

Cum hac autem pœna captiuitatis & exilij, multæ calamitates coniunctæ erāt. Qualis enim nunc est Christianorū in Turcia captiuorū, talis ferē populi Dei tunc in Assyria fuit. Vnde & summa populi auxietas fuit, de qua dicitur ca. 10. v. 8. Diēsturi sunt montibus: Operite nos, & collibus: cadite super nos. Nā ut nihil de corporalibus miserijs populi inter hostes crudeles & potentes, exulātis & captiui, nūc dicamus, primum nullum religionis & doctrinæ publicū ministerium & usum illic habere poterant, ut dicitur cap. 9. v. 5. Quid facietis in die solennitatis? & in die festiui.



festiuitatis Iehouæ. Deinde cum inter tyrannos idololatrias captiui essent, eorū etiā superstitiones amplecti, & idola pro uero Deo colere cogebantur, ut dicitur ca. 8. v. 11. Quoniā multiplicauit Ephraim altaria: erunt ei altaria ad peccandū. Item ca. 9. v. 3. In Assyria pollutum comedent. Tertiō. Atq; hinc etiam maior Dei offensio & in populum ira sequebatur. Vnde dicitur ca. 9. v. ultimo: Non libabunt Iehouæ uinum, neq; grata erunt ipsi sacrificia ipsorum. Postremō quod omnium tristissimū esset, perpetua populi contumacis abiectio, ut dicitur cap. 1. v. 6. Non addam ultra misereri eius. Et ca. 5. v. 6. Ibunt cum gregibus & armētis suis, & querēt Iehouā, sed non inuenient eum. Subtrahit se ab eis, non addā, ut diligā eos. Et v. 17. Abijciet eos Deus meus, quia non paruērunt ei. Atq; ita totum populum simul accusat Propheta, eiq; pœnas minatur. Specialiter autē cum regibus, sacerdotibus, regum consiliarijs, & Pseudopphetis, in eo populo expostulat, ijsq; pœnas specialiter minatur. Cum enim ij præcipuē idololatriæ, & aliorū peccatorum Autores & defensores essent, etiam præcipuē pœnas merebantur.

Primū ergo cum regibus expostulat, quod cum eorū officiū esset, religionis puritate & autoritatem exēplo tueri. Ipsi contra idololatriam & corruptelas religionis, à maioribus introductas sui compendij causa publicē defendere nō desisterēt. Ca. 5. v. 1. Domus regis auscultate, quia uestrū est facere iudiciū. Ca. 9. v. 15. Omnes principes eorū desertores. Ca. 10. v. 7. Succidetur Rex Samariæ quasi spuma in superficie aquæ. Et v. 15. In aurora succidetur Rex Israël.

Secundō consiliarios regum reprehendit, quod potius ipsis regibus adularētur, quā sui officiij, præsertim in religione tuenda & reformada admonerent, ut dicitur ca. 7. v. 3. Malitia sua exhilarat regē, & mendacijs suis principes. Et v. 5. Die regis nostri ægrotare faciunt eū principes utre uini. Protrahit manū suā cum elusoribus.

Tertiō sacerdotes accusat, quod cum essent à Deo cōstituti, ueræ religionis antistites, tamen & ipsi legē contempserint, & eam religionis deprauatione improba uerint, idq; in gratiā principum, & sui compēdij causa. Ca. 4. v. 6. Quia tu sacerdos scientiam spreuisti, spernam & ego te, & quia oblitus es legis Dei tui, obliuiscar & ego filiorum tuorum. Vide & v. 8. & 9. & cap. 5. v. 1. dicitur: Audite hoc sacerdotes, quoniam ut laqueus fuistis super Mispa, & ut rete super Tabor.

Quartō Pseudopphetas reprehendit, quod ueris prophetis Dei sese opposuerint, ipsisq; reclamauerint, & contraria ipsis docuerint & prædixerint, ut ita populum & reges in superstitione & idololatria confirmarent. Vnde dicitur ca. 9. v. 8. Præpheta laqueus aucupis in omnibus uijs eius est. Et c. 4. v. 5. Corruet Propheta tecū.

Atq; hæc reprehensio & comminatio & generalis & specialis est, ad Israëllem pertinens. Superest reprehensio regni Iudæ.

Etsi enim regnum Iudæ, regno Israël purius fuit, & ab ipso Propheta ei interdum præfertur. Tamen quoniam & ipsum peccatum Israël imitabatur, tandem

CC 3 etiam,



etiā, licet serius unā periturū esse prædicit Propheta, ut dicitur c. 12. v. 2. Disceptatio Iehouæ est cum Iuda Et ca. 5. v. 10. facti sunt principes Iudæ quasi qui transerunt terminos. Super eos effundam quasi aquam iram meam. Et ca. 8. v. 14. Iudas multiplicat urbes munitas, mittam igitur ignem in ciuitates eius. Et ca. 5. v. 5. Corruet Israël, corruet etiam Iuda simul. Peccatum igitur & pœnæ reprehensio, itē cōminatio sic est. Positemō uerō corolarij instar, & causa peccati atq; pœnarum: & finis & usus harum reprehensionum & cōminationum exprimitur.

Primum enim affirmat Propheta Deū nec peccati Authorē, nec pœnæ causam primam, sed hominem ipsum esse. Peccatum enim ex uoluntate humana proficisci, quod cū Deum offendat, eum etiam ad puniendū excitat, atq; pœnas secū irabit, ut dicitur ca. 13. v. 9. Pernitēs tua est ex te, o Israël, tantū auxilium in me tuum est.

Deinde omnes admonitiones, reprehensiones, & cōminationes, pœnas etiā ipsas, corporales præsertim, eō pertinere, ut homines iræ Dei metu, & sensu pœnarū terribili & excitati resipiscant, & ita pœnas maiores effugiant: ut dicitur ca. 6. v. 1. Ibo & reuertar ad locum meum, donec deficiant, & requirant faciem meam. In tribulatione enim sua quærent me. Et v. 6. Propterea dolauī eos per Prophetas, & propē enecaui eos uerbis oris mei. Vt iudiciū eorum esset, ut lux manē exorien: id est, ut resipiscētes pœnas uitarent, & deinceps felices essent. Vide & cap. 7. v. 10.

Atq; hætenus doctrina legis fuit. Sequitur nunc caput alterum nempe Euangelium seu doctrina gratiæ, quò referri hæc sequentia possunt

Primum. Ipsa inuitatio & exhortatio Prophætæ ad cōuersionem seu pœnitentiam seu resipiscētiā: ut cap. 12. v. 6. dicitur: Tu ergo ad Deum tuum reuere. Et 14. v. 1. Reuere Israël ad Iehouam Deum tuum, &c.

Secundum. Conuersionis seu pœnitentiæ descriptio, quæ cōsistit: primū in peccati agnitione, confessione & fuga: ut dicitur ca. 14. v. 3. Assur non seruabit nos, & super equos non ascendemus, neq; dicemus ultra operibus manuum nostrarū, Dñi nostri uos estis. Deinde in gratiæ & misericordiæ diuinæ fiducia, & petitione remissionis peccatorū, mitigationis pœnarū, & auxiliij diuini: ut dicitur ca. 5. v. 2. Venite reuertamur ad Iehouā: ipse lacerauit & sanabit nos, percussit & alligabit nos, &c. Et v. 4. Tanquā aurora exorietur, & ueniet nobis tanquam imber. Et ca. 14. v. 2. Tollite uobiscū uerba, & dicite ei, omnem aufer iniquitatem, & redde nobis bona. Tertiū, in uera animi gratitudine, quæ declaratur, primū uerbis. Ca. 14. v. 2. Reddemus tibi uitulos labiorum nostrorū. Deinde uita totius nouitate, & uero Deo obediendi studio, ut ca. 1. v. 5. Requirent Iehouā Deū suum, & Dauid regē suum, & pæuebunt ad Iehouam, & ad bonū eius in nouissimo dierum. Et c. 10. v. 12. Seminante uobis iustitiam, & metetis misericordiā, arate uobis arationem: nā tempus requirendi Iehouā est, donec ueniat, & doceat uos iustitiam. Et cap. 12. v. 6. Misericordiam & iustitiam custodi, & fide Deo tuo semper. Et c. 6. v. 6. Misericordiam uolo & non sacrificium, & cognitionē Dei magis quā holocausta.

Tertium, Dulcissimæ promissiones de gratia Dei, de remissione peccatorum, de  
auxilia



auxilio & praesentia Dei, de collectione & defensione Ecclesiae, & benedictionibus diuinis omnis generis. Atq; huc spectant hi dulcissimi uersus.

De remissione peccati & gratia, cap. 14. v. 4.

Sanabo rebellionem eorum, diligam eos sponte, & auertetur furor meus ab eis.

De mitigatione poenarū. Cap. 11. v. 8. Quomodo dedā te hostibus Ephraim? quomodo tradā te Israël? An ponā te sicut Admazan ponā te sicut Zeboim? Inmer- sum est in me cor meū, pariter accensa sunt cōmiserationes meae. v. 9. Non faciā secundū iram furoris mei: non perdam Ephraim, quoniam Deus sum & non ho- mo, in medio tui sanctus, & non hostis tuus, &c.

De Ecclesiae collectione & institutione, eiusq; & piorum omniū defen- sione, & benedictionibus spiritualibus & corporalibus, ut, Cap. 1. v. 10. Erit tamē numerus filiorū Israël, sicut arena maris, quae nec mensuratur, nec nume- ratur. Et erit pro eo quod dicebatur eis, nō populo meus uos estis, dicitur eis iā filij Dei uiuentis estis. v. 11. Et cōgregabuntur filij Iuda, & filij Israël, & ponēt sibi ca- put unū, & ascendēt ē terra, quia magnus dies iste. Et ca. 2. v. 14. Propterea en ego seducā eam, & deducā eam in desertū, & loquar ad cor eius. Et 19. v. Despōsabo te mihi in sempiternū, desponsabo te mihi in iustitia & iudicio, & misericordia & miserationibus. Et 20. Et despōsabo te mihi in fide, & cognosces Iehouā, & cæ- tera ad finē usq; Capituli. Et ca. 3. v. 5. Postea reuertentur filij Israël, & requirēt Iehouā Deum suū, & Dauidē regē suum, & pauebūt ad regem suū, & ad bonū eius in nouissimis dieb. Ca. 11. v. 10. Post Iehouā ambulabunt, qui ueluti Leo rugiet, ipse enim rugiet, & pauebūt filij occidentis. v. 11. Pauebūt ut aues ex Misraim & ueluti colūba ex terrae Assur, collocaboq; eos in domibus suis, dixit Iehoua. Cap. 14. v. 5. Ero tanquā ros Israël germinabit tanquā lilium, & crescent radices eius, ut radices arborū Libani. v. 6. Crescent rami eius, & erit gloria eius, quasi gloria oleae, & odor eius ut odor Libani. v. 7. Recreabuntur qui sedent in umbra eius: ui- uificabunt se ut triticū, & germinabūt ut uitis, odor eorū erit, ut odor uini Libani. v. 8. Ephraim quid tibi ultra cum idolis, & respiciā te, ego ero tibi ut abies uirēs, ex me solo fructus tibi proueniet. Et ca. 13. v. 14. E' potestate inferni redimā eos, a morte redimā eos: ero mors tua o mors, ero pestis tua o inferne. Atq; in his promif- sionibus diseretē fit mentio Mesiae, ut ca. 1. v. 11. ubi caput Ecclesiae appellatur. Et ca. 3. v. 5. ubi Dauid rex Ecclesiae appellatur. & cū Iehoua cōiūgitur. Et ca. 14. v. 13. ubi liberatio etiā a morte per Christū promittit, qui uersus a Paulo, ad Christū regnū & resurrectionē nostrā accōmodatur. 1. Cor. 15. v. 55. Atq; haec ferē summa & ordo doctrinae Hoseae fuit, quo omnes ferē Prophetae uersus, a studiosis reuocari possunt. Hāc autē doctrinā suā Propheta ipse uersu extremo, obsignans quasi, grauissimē nobis cōmendat, cū ait: Quis sapiēs est & intelliget ista? Quis intel- ligens est & cognosceat ea? Quia rectae sunt viae Iehouae, & iusti ambulabūt in ijs. Preuaticatores autem corruent in eis.

Atque haec tenus Hoseae Enarratio, eiusq; doctrinae repetitio fuit.

T E' A O Σ.



B A S I L E Æ,  
P E R S E B A S T I A N V M  
H E N R I C P E T R I  
A n n o  
c l o . l o . x c .  
*Mense Septembri.*



